

輝南県報告書

奉天輝南縣報告書上卷目錄

編首圖影

輝南縣知事影

奉天省全圖

輝南縣輿圖

輝南縣城市圖

輝南縣衛署及監獄捕盜營平面圖

第一編 公牘

一、吏治

呈送輝南風土誌文

呈勸業專使檢送輝南風土誌藉作實業報告文


呈覆辦理地方各項政務文

二、民政

籌擬設立屯堡呈

設立屯堡辦法布告

奉天輝南縣報告書 目錄



37頁江右云國十年

開交通未便貨棄於地利壞於人良爲可惜知事於上年六月蒞任查悉情形即經召集地方紳耆籌立農工各會及農事演說會提倡實業並分派多員調查物產以便因勢利導閱時五月餘調查完竣經知事彙核報告糾謬補覈親手編輯風土誌一書捐廉刊印二百本分發農工商學各界作爲研究鄉土及改良生產之資希望風氣一開人知趨重不特興通地面藉可消納游民獨惜輝邑荒僻實鮮巨富之戶如設立公司開辦工廠等事業苦無資本家之贊助空言提倡實效終虛謗企鴻猷謹用檢書一本呈送鉤鑒仰乞

詳加訓示督所未逮曷勝榮幸

計呈送風土誌二本

特派勸辦實業專使公函

逕啟者頃接貴處四月二十八日來牘暨附送風土誌二本具佩關心民瘼實事求是嗣後關於實業興革事宜尙希隨時見告用備甄采爲荷此致

呈覆辦理地方各項政務文

呈爲遵令具覆辦理地方政務實在情形仰祈

鑒核事本年五月九日奉

鈞署令開案照立國以保民爲本保民以察吏爲先是以吏治弗講政論徒存民生實艱國維何繫按知

事各有地方之職權而治行實爲人民之模範凡關於警學事宜自應次第而畢舉屬在民刑案件尤當慎重以執行其他如工商樹藝諸端亦宜認真董勸以資振興方茲共和締造民爲主體膺民社者應如何勵精圖治勤政愛民先之以勞來安集中之以生聚教訓俾閭閻咸受其福而蒙其庥蓋在官多盡一分心力即在民多得一分惠賜假令制用未合機宜政教即不免僵戾判事稍涉操切是非必致於混淆本道尹歷仕有年常於此兢兢三致意焉茲率簡任管領東陲深願相衷共濟以期庶政聿新如果矢勤矢慎循聲昭著自不便沒其賢勞倘或作福作威物議沸騰亦斷不予以徇庇獎勵本無成心彈劾悉準功令凡屬實僚聽共諒之茲將各縣應辦政務酌擬問題十二項略查情形用備參考除分行外合亟抄單令仰該縣遵照查明已辦者曾否完善未辦者擬具辦法各抒所見據實呈覆毋稍延忽粉飾致干詰責切切此等計抄單一件等因奉此仰見

鈞座整飭廳僚振興庶政之至意欽佩莫名查輝南僻處荒陲交通欠利設治未久土瘠人稀生聚教訓之規洵爲邊縣急務知事於上年五月底到任即經竭盡智識將地方要政實力經營未敢稍懈所有一年間辦事情形前曾開具節略稟呈在案茲奉

鈞令開示各題除山繭一項限於氣候未能提倡外其餘各項均經次第籌辦謹將辦理一切情形敬爲鈞座縷晰陳之

一關於警甲事項　查輝南地處偏僻山深林密伏莽夙多民戶星散保衛難周警察分爲五區五分駐

所每區置區官一員中區區官由所長兼任每分駐所置巡官一員官巡長警共二百四十四員名執行職務半在緝捕行政事項素欠講求知事到任逐加察攷東南兩路多山林官注重防務以保治安西北兩路多平原宜注重民政以作模範即經營同警察所長體察情形將官長量予調換警士嚴加淘汰派員點驗造具名冊查取妥保不任有侵蝕曠餉及容納流氓情弊並不時召集官長會話分別勸懲勞慰勗其後效一年以來尙無通匪失械逃亡等事故發生至於保甲名雖遵章改編實際仍沿鄉閭舊制立駐所十處設總甲長十人餉由自籌丁皆自募經費並無預算秋後按地潛排知事到任時接有控呈即派妥員調查遵章改組在縣署設立保甲辦事處派邑紳張廣慶爲保甲委員分全境爲東西南北四區每區置總甲長一人一區復分兩保每保置保長一人抽丁辦法常駐丁按每地二百日抽丁一名人須樸勇保要殷實全境共抽丁二百十數人就各駐所地點支配駐丁之多寡與警察聯絡一氣協辦清查戶口烙印槍械暨聯防會哨設卡巡邏監視外僑羣辦游民各事宜縣境戶口槍械上年秋季即經查竣游民亦收廠教養均經呈報有案本年春季復經遵章飭據各警甲將戶口重行調查另具連坐保結槍械補行烙印換發省印槍證上月清鄉調查員到境覆查均符警甲駐地同區防務公同擔任毫無推諉及衝突情事對於鄰縣聯防自上年夏季即經實行分南北東西四路南路警甲與柳河樣子哨駐在警察定期會哨換證西路警甲與海龍縣屬之朝陽鎮駐在警察定期會哨換證北路警甲與磐石縣屬之鍋盔駐在警察定期會哨換證惟東路與濱江縣屬連界地方該縣邊境並無駐在警察道路遙遠碍難

會哨係抽編警察隊沿邊游擊現在地面極稱平靖清鄉承審員駐縣一月未曾辦有盜案實因整頓警甲之力有以致此

一關於教育事項 輝境荒僻風氣不開居民星散欺項艱難男女學校僅十二處男校高等小學一處國民學校九處計教員二十九人學生六百七十六人女校兩處計教員三人學生一百十七人以戶口計原未普及惟因於經費無從推廣本年頒定私立學校章程乃添設私立小學九處計校員十二人學生共計二百零七人各校學習經去年暑假年假檢定兩次更換數員校規取嚴整樸實主義課程增加農學鐘點並於去秋在城內高等小學校創辦校園設立成績展覽室等頗博鄉老之歡迎支出經費全年僅一萬一千七百餘元均極核實並無侵蝕浮濫情弊至社會教育從前曾立有講演會民國七年遼令停辦知事以縣民識字者太少學校既無力擴充宣講實有關開化爰於本年春在農會附設之農事演說會內添講教本治家愛衆型仁諸大端希望開通民智改良風俗藉以樹自治之基礎

一關於訴訟事項 輝邑訴訟事務由知事一人兼理自上年五月十八日到任接准前任移交積年未結民刑重案二十七起加以新換官吏詞訟倍增經知事於接收之後日夕清理應辦者辦應釋者釋積案爲清所有審理刑事案件均重證據不重供招即訊辦盜匪當堂供認不諱者亦必傳質事主查其反証審訊得實復必製成判詞檢齊案卷呈請核轉向不率行電稟民事案件隨收隨審隨結多半勸諭息訟或交中人和解民刑訴狀由縣署代作有自持底稿者必究明代撰人姓名否則不予受理以杜

訟棍舞弄查任內審理新舊案件截至上年年終民事共收六十三起全數清結內判斷者四十二起和解者二十一起刑事共收一百五十三起判決一百四十九起未決只剩四起本年春季收案較多然截至四月底未結民事案件只有五起均係新收之地土案一經勘清界址即可完結

一關於農商事項 輝治幅員雖小出產頗豐惟鄉多僻農市鮮大賈狃於舊習絕無進步知事到任之初即派多員調查物產力謀生阜先經召集地方紳耆設立農會擬定章程於八年九月間呈准開辦復於本年三月間在農會內添設一農事演說會置編輯講演各員編纂實業淺說於每月朔望兩日由知事率同農務會長等開會宣講知事於農事一項素有研究亦擔任講演冀以潛發民智開闢利源商會爲聯絡商情提倡商業之團體而於懋遷原理向不考究經知事一再提携曉以近世企業之益勉以共圖久遠之計各商行漸知競業一年以來城廂市場新建房屋至一千餘間新設商鋪四五十家較前實大有起色一切詳細情形前經知事編輯風土誌呈報並發各界參攷在案現在縣境並無主山荒平野僅東南兩面山地較原領畝數稍有浮多業已屢次按清賦章程催由民戶續報巨商有豆油坊七戶資本不一大約每家建築費一二萬餘元流通資本二三萬元每坊備土法機械一二具技師二三人工役三四十人全年產豆油香油蘇子油麻子油約三十七八萬斤出油餅三萬數千片股份公司有成效者兩家一爲復森煤礦公司爲居民劉建元等合併組成純係華股商辦鑛區面積一萬六千二百畝每年約產煤三十五六萬斤製練煤子一百三四四十萬斤一爲華阜鐵礦公司爲商民劉長富商同該地業

主合股探掘資本十四萬元鑛區面積二千七百畝每年鑛產約六十餘萬斤各種製練品約用鐵二十
餘萬斤製造大小鍋八九千口火爐三四百具農具約一萬餘件此外尙有伐木公司兩家一係商民王
維齡等集股組織基本金額定小洋一萬二千元作二百四十股以二千元作森林地主空股以二千四
百元作勘測照費及保證金以七千六百元作森林地主空股以三千元作勘測照費及保證金以九千五百
一萬五千元作三百股以二千五百元作森林地主空股以三千元作勘測照費及保證金以九千五百
元作開辦費該兩公司均於上年組成現因報林糾葛尙未開辦其他農商現時狀況均載前編風土誌

內不復縷瀆

一關於森林事項

縣境跬步皆山平原甚少東南毗連長白山龍崗峰巒層疊全爲森林蔽覆近來人
烟日密小民貪圖近利率恃田禾爲生竟將大利之森林濫行砍伐而交通不便運輸艱難復未能供內
地之需要殊爲可惜現查東南成段林木尙有三百餘方里南至柳河縣灘平北至四岔西南岔東至老
龍崗西至蛤蟆河同時又據商人王維齡等報領七十方里東至那爾轟西至西南岔大北岔南至五台
山慶兒嶺北至梭梨河均經轉報前林務局在案現無售給外人情弊惟有外來商人董庚上年在林務
局報領一百方里四至包縣全境居民反抗致起糾葛迄今均未勘測縣境西北山地河干磧林不少然
皆自然長養未施人力經飭令警甲妥爲保護并責成林業勸導員孫煥章遵照前林務局定章將境內
磧林妥定培養保護之法現正四出實地調查一俟查竣即行詳細呈報鄉村樹木到處不少惟城市向

無樹株上年經知事提倡議定大街小巷一律栽植今春因樹秧採晚決定秋後舉辦

一關於山繭事項 輝邑向無山繭因氣候較寒天冷甚早往往繭未作成蟲即凍死實天然之障礙容俟人烟日厚氣候轉移再行提倡

一關於僑民事項 縣境住有朝鮮人八十六戶均係租賃田畝耕種水稻從前並未取締亦不發給執照倚仗外勢動起糾葛經知事查照通鑑製印招舉執照二百張分發各區巡所按照頒定辦法挨戶填給並藉以偵查其舉動境內日僑共七戶均營商為業所有姓名住址職業並各家來往之人以及有底秘謀均由警察密為調查按月由縣轉報全省警務處查核有案現時境內外人因偵察太嚴尙無倡謀獨立情事寄居日僑亦皆安分決不至有意外事故發生

一關於紙幣事項 查東邊各縣距省較遠向多行使私鈔輝南地處邊陲交通阻塞錢法尤不通順縣城有商濟公濟兩典當并營錢業早年發行紙幣雖有勒收案卷並未實行收銷知事到任後以禁令森嚴不敢仍前敷衍特派本署科員逐日往各該號監察督收計自上年六月起至本年四月底止共收回商濟銀號紙幣四萬元收回公濟銀號紙幣四萬五千元經派員呈繳省公署查驗銷燬其未收之帖尙有八九萬之數嚴定限期收竣不稍寬假并屢次布告商民及行知商會禁止行使惟此地官幣極少鄰境私鈔流通市面一時實難禁絕只有收禁兼施漸圖整理幸該兩錢號係全城商家公共組成保證安實營業謹慎決不至有倒閉累民情事

一關於禁賭事項 輝南地處邊荒水土惡劣居民半係流寓嗜賭者多從前禁令廢弛並不嚴予拏辦檢察案卷自民國七年六月份起至八年四月底止僅辦賭案六起罰大洋一百七十三元知事到任後勸行清鄉以賭爲盜媒即督飭捕盜營及各警甲從嚴拏辦計自上年六月份起截至本年四月底止十個月間查辦賭案共八十八起拏獲賭犯二百九十五名收入罰金大洋五千一百九十七元比較從前多辦賭案八十二起多收罰金大洋五千零二十四元其無力繳納罰金及以賭爲常業者則收入教養工廠與游民同服勞役釋辦相抵每月約在二三十名任內先後破獲盜案三十四起拏獲盜匪四十餘名賭風風大爲歛熄前此清鄉調查員偵緝員在境履查歷時兩月一無所獲是其明效也

一關於禁煙事項 栽種煙苗縣境早已禁絕惟鄰近安圖濱江樺甸等縣素爲產煙之區價高利厚奸民爭往販運以致縣境私售私吸者到處皆有積習相沿禁令爲寬檢查案卷自七年六月起至上年四月底止僅獲烟案一起罰大洋一百六十元知事到任查悉情形分飭法警捕盜營及各區警甲將鴉片嗎啡各犯嚴厲查拏收入療養所禁戒烟犯斷癮後繳罰金開釋嗎啡犯斷癮後有家可歸及有職業者期滿釋放無家無業者撥入教養工廠隨同游民一併工作計自民國八年六月起至本年四月底止十個月間查獲烟案二十五起收入罰金大洋一千七百壹十一元比較從前多辦二十四起多收罰金一千五百五十一元先後拏辦嗎啡五十二名統計療治嗎啡鴉片各犯共七十三名已出所者四十二名未出所者尚有三十二名

一關於道路事項 輝境道路東南山嶺糾錯西北泥淖坑坎絕少坦途而城廂路徑車馬輻輳破壞尤甚上年遵奉明令實行分區平治劃定城廂爲第一區所有街巷均用車馬拉運砂土疊起馬路兩旁挖成水溝用木料支撐上覆長板計縱橫三里修築費款三千餘元由商會按舖戶大小分別均攤鄉鎮道路責由警察就地抽丁墊修應需飯費由各該牌花戶均攤全境分爲八段一由大場園起至四岔溝裡止歸第二區督修路長四十里搭橋梁二座一由托佛別起至蛤蟆河止歸二區分駐所督修路長二十五里一由大陽起至孤頂子止歸三區督修路長三十里搭橋梁二座一由大肚川起至老嶺止歸三區分駐所督修路長五十里搭橋梁三座一由劉家船口起至南平安川止歸四區督修路長二十五里搭橋梁二座一由樓上起至杉松崗止歸四區分駐所督修路長二十里搭橋梁一座一由輝發城起至黃泥河止歸五區督修路長二十里搭橋梁三座一由團林子起至高船口止歸五區分駐所督修路長三十里搭橋梁二座以上各路業經修竣至鋪板石榆樹岔四平街等地方爲輝濱交通孔道若能開通則濱江物產可由此道以達輝南轉銷於東邊各縣即奉吉交輸之貨亦可省無數煩費此事於上年提議一次未能辦成本年三月間復督飭縣城商會會長董毓秀與濱江商會會長侯慶豐安玉增等接洽估計應修道路約有一百四十里輝南擔任修八十里濱江擔任修六十里修治之法就原有塗徑測其平面使路高於地山路狹窄之區均剷荆斬棘將路身寬展並疏通溝渠架造橋梁材料就地取用人工分擔抽募計畫粗定因春耕期短擬秋後兩面同時興修應需費用各由城鎮商號及本排花戶籌攤容俟

秋後實行時再行詳報

一關於正俗事項 輝南邑於山谿之間俗尙簡樸民安固陋而東南兩面刨荒採木者俱係他省流氓性成游惰啓化尤難知事於上年五月到任首立農會即爲通達民隱改良風俗起見每於該會開會及因公下鄉時必對衆宣講風土人情家庭社會各道理冀以轉移風氣增進民德復於每月朔望兩日開農事演說會時由知事率同學界人員添講關於道德各故事一二時並佐以唱盤助其興趣三月間又遼令在本城教育會內設立崇儉分會及各鄉分所亦添列演說道德一條倣照農事演說會辦法以收化民成俗之功凡前所陳均係實在狀況雖語專不詳而大致情形不外乎是知事忝膺民牧責有專歸惟有秉承

明訓期底於成以上贊

鈞座銳意更新期臻郅治之盛事除將應辦事宜隨時籌辦用副期許外所有查照單開職務各問題逐條臚陳辦事情形理合具文呈覆卽請

鑒核訓示祇遵

奉天東邊道尹公署指令

悉悉查核具覆各節事實分明且能言之鑒鑒尙稱勤求治理殊堪嘉許惟查商號私鈔最易混淆幣制該縣商號私幣未收回者爲數尙多應速限期勒令收淨另籌接濟市面辦法俾符定章輝濱要道既有

成議秋後務宜督同興修坦平以利交通餘如地方一切政事仰即悉心規畫以次舉辦勿稍怠忽切切此令

民政

籌擬設立屯堡呈

呈爲具報縣屬籌擬設立屯堡爲清鄉治本之計瀝陳情形仰祈

鑒核指令事竊查輝境共分八社原爲海龍之一隅光緒三年放荒時視此地爲邊徼任民佔領並未酌留屯基墾荒皆係客民各在自己地內蓋房刨地依山傍水散若晨星今已設治數年地面仍前荒僻比歲盜匪充斥固由於地多山林難於搜捕而居民星散不能防禦亦實一大原因欲爲長治久安之計非設立屯堡以圖自衛不可其中利弊蓋有數端林下結廬爲匪營窟拒絕無力只有交接庇匪銷贓勢所必至其患一獨處幽巖人跡罕到爲良爲莠王化弗及養奸誨盜作逋逃藪其患二煙戶星散守望莫助逃荒避難不得安度田野不闢爲國之害其患三醫甲治盜不外防勦散漫雜居鞭長莫及不便巡查難行連坐其患四今誠能設立屯堡化散爲整共保公安則草莽無潛滋之地山澤革蠻野之俗邊荒有繁衍之期官府省撫綏之力一轉移間四患去而四利生清鄉之本富庶之基無逾於此業經知事召集各區長會首籌商辦法衆論僉同一俟地面稍安即行着手舉辦惟地方風氣固塞民智未開阻力流言勢所不免只有力任嫌怨毅然行之以達一勞永逸之目的詳細辦法容俟調查完竣編成計畫書另案進

呈所有籌擬設立屯堡緣由是否有當除逐呈
省長暨東邊道尹暨清鄉總局外理合具文呈請

鑒核指令施行

奉天全省警務處指令

據呈籌擬設立屯堡切中邊地利害仰即毅力進行並候

省長令達再查閱呈尾知此項公文係呈清鄉總局而本處已經畫到碍難轉送并仰另呈清鄉總局可也此令

奉天全省清鄉總局訓令

案奉

省長公署指令據輝南縣呈擬設立屯堡爲清鄉治本之計瀝陳情形由內開呈悉籌設屯堡洵爲清鄉治本之計惟實際能否辦到有無窒碍應俟將計畫書編送到署再予核奪仰清鄉總局轉令知照並咨東邊道尹查照此令等因奉此查此案未據該縣分呈到局奉令前因除咨行外合行轉令該縣知照並將此案補呈本局備查此令

奉天全省清鄉總局指令

鑑呈已悉查此案業奉

省長指令到局已另文行知矣仰卽知照此令

奉天東邊道尹公署指令

早悉所陳設立屯堡爲清鄉治本計劃實有見地應准照辦惟進行伊始人民或感其不便必須妥密籌畫以免窒碍仰卽查照一俟調查完竣編成計畫書呈候核奪仍候

省長指令錄報查攷此令

設立屯堡辦法布告

查本縣各鄉民戶星散守望莫助以致盜匪充斥防禦爲難本知事爲長治久安起見籌畫設立屯堡實爲清鄉治本要策業已召集會議擬定辦法通令各區警甲分段籌備着手進行惟恐民智未開狃於習慣流言阻力勢所不免爲此布仰闔屬民戶一體知悉所有劃定屯堡地點不得爭執佔用地畝悉聽秉公估價須知此項設施關係全縣治安事在必行無論何人不得抗延其各慎遵毋違切切此布

附抄辦法如下

一山僻地方均就各溝各岔酌量歸併以小戶就大戶遷移不必太遠以期便於耕作所需房基或買或換悉聽民便

一衝要地方應劃出街基號每號三五畝按號放領以歸整齊藉闢集市

立屯宜就近歸併布告並通令

爲布告事前因各鄉民戶星散盜賊竄擾防禦爲難曾通飭各屬設立屯堡在案查此次設立屯堡宗旨在使零星小戶團聚一處以資自衛其辦法應照前議先就各溝各岔酌量歸併以小戶就大戶各屯距離約在三五里不宜太遠家數十家二十家均可亦不必太多以免種地窩遠近聞各處辦法多張羅設立大屯戶數要有幾十家殊屬誤會無怪山裏小戶多藉口種地不願意存觀望除通令各警察區長保甲趕緊改變辦法督促成立並派員分路督催外合行布仰閱屬居民一體知悉須知此種計畫在保衛公共安寧案經呈准期在必行倫敢抗違定行究辦切切此布

呈報設立屯堡經過情形暨成立數目文

呈爲具報縣境籌設屯堡經過情形繕具放領及歸併屯基畝數及移置戶數清摺恭請

鈞鑒事竊知事前因縣境民居星散清鄉難辦保護難周籌擬設立屯堡以資自衛等情曾於上年七月間呈報在案當時以事屬創舉擬先籌定辦法編成計畫書再爲着手進行嗣因一再會議盈庭聚訟阻力橫生知事察看情形小民樂於觀成難與圖始立屯自衛本急不容緩而道謀築室終難期有成當即力排衆議按照地方情勢決定兩項辦法丸山僻地方均暫就各溝各岔酌量歸併以小戶就大戶屯堡不求其大以免遷移太遠有妨耕作所需房基或買或換亦悉聽民便至於衝要地方則仿立市鎮辦法劃出街基號每號三五畝按號放領以歸整齊計劃粗定卽遴派專員分赴各區督同區長及警官甲長等實力籌辦雖間有阻力流言一經勸導無不翕然用命閱時數月大致告成綜計全境共放領屯基三

千九百七十一七畝分五厘計移置民戶一千三百四十四戶惟本年春短農忙又迷於不修正房之說地基雖定多未興修又東南山裏尙有因地主散在外縣佃戶不敢作主以致未能歸併者統攝俟本年秋後繼續催辦茲據各區將放領屯基花名號數畝數及遷就歸併戶數先後造冊呈報到署除_{遷呈外}

理合繕具放領及歸併屯基戶數畝數清摺備文呈請

鑒核指令施行

計送屯基清摺一扣

輝南縣公署謹將縣境新立屯堡放領屯基地數戶數繕具清摺送請

鑒核

計開

一海振區共放屯基地九十畝計移置戶數十五戶

一海興區共放屯基地一千四百七十畝計移置戶數二百六十七戶

一海保區共放屯基地一千零一十六畝七分五厘計移置戶數四百八十戶

一海甲區共放屯基地七百六十畝計移置戶數二百九十五戶

一海綏區共放屯基地三百一十五畝計移置戶數一百零五戶

一海聚區共放屯基地二百五十畝計移置戶數一百四十二戶

一海遠區共放屯基地七十畝計移置戶數四十戶

以上共計放領屯基三千九百七十一畝七分五厘共移置民戶一千三百四十四戶此外各區遷就移植戶數及其佔地畝數錯雜零星不及備載

奉天全省警務處指令

據呈籌設屯堡經過情形暨開放領地數戶數係爲便於保衛起見計畫尙無不是應准備案既據逕呈仍候

省長公署核示摺存此令

東三省清鄉總局指令

呈摺均悉既據逕呈仰候

省長公署查核令遼摺存此令

奉天省長公署指令


呈摺均悉縣境籌設屯堡一案既已辦有頭緒仰仍俟秋後繼續妥辦具報摺存此令

奉天東邊道尹公署指令

呈摺閱悉惟境內化散爲整共計歸併若干屯是否全境一律仰再詳細呈報仍候

省長暨清鄉總局指令此令

奉天省圖



集屯修圍限期辦竣令

案准清鄉調查員里飛萬函稱奉

清鄉督辦由孤山鎮來函內開集成屯堡化散爲整之法現已擬定施行辦法呈請

省署核准不日即可通令沿山邊各縣仿照辦理此種辦法實爲利民之舉不僅行之山溝山谷之民戶即各鄉各屯如有民戶不整齊者鈞可化散爲整至民戶歸併之後無論大小村屯尤宜築圍牆修炮台能抵禦賊匪而免騷擾之患（以房後圍牆即作圍牆再於東南西北添築兩炮台便可禦賊試觀東邊各縣凡有圍牆炮台抬杆槍者賊衆不敢前進此其明證）等因相應隨寄原函請即查照辦理等因准此查本縣設立屯堡業已辦有規模惟山裏小戶貪圖種地便宜尙有多數未歸併者現在清鄉督辦以此事爲治匪要策迫不容緩之舉本廳創之在先自應認真籌辦以作各縣之模範除委員督催外合行令仰該區甲長迅即遵照辦理務使山裏民戶盡行併成村落有抗違者即送縣究辦目下不能遷移亦須屯基辦成以便秋後或明春建築不得延忽其修圍牆一事亦即趕緊勸辦切切此令

呈覆縣屬設立屯堡已有成數文

呈爲吳報縣境設置屯堡處所暨歸併戶數佔地畝數送請鈞鑒事本年七月二十四日奉

鈞
署
告
長
公
署
令
開
案
據
東
三
省
清
鄉
督
辦
呈
稱
銬
查
東
三
省
幅
員
遼
闊
民
戶
較
內
地
稀
少
沿
山
邊
一
帶
各
溝
各
岔
長
或
數
百
里
近
亦
百
里
數
十
里
不
等
往
往
一
溝
一
岔
中
不
過
十
家
八
家
甚
或
一
二
家
者
相
距
遠
不

通聞間即濛邊一帶雖無山嶺亦多有數十里一家或兩家者推原其故由於放地之始官府未曾採擇屯基民間僅就所報之地各自結廬築室取其便於耕種以改村戶零星盜賊欺其孤弱肆意搶掠民人無力抗禦勢不得不通匪窩匪接濟匪人久之習爲固然賊匪愈多良民不能安業遂相率棄地遠徙而往年已放之地均已拋荒於是民間之養贍無資官家之租賦無出賊匪既有根據之處漸赴稠密村落乘蹕綁掠即如通化之哈密河一溝三百餘里其中不過十餘家膏腴之地均成荒廢賊匪往來肆無忌憚實爲地方之巨患頃據里調查員飛萬稟稱輝南王知事瑞之諭查此情毅然丈放屯基遷移小戶爲正本清源之計實屬清鄉治盜之要圖竊憲東三省各縣如此等之荒地實居多數督辦現將該縣原定辦法酌量變通以期推行三省飭地方官警察所長實力奉行以期澄清盜源如蒙核准懇請鈞署通令奉天各縣除稠密之村屯不計外其山溝山岔孤村獨戶責成警察認真放查屯基編號劃界俾零星小戶均歸整齊村屯然後嚴行速坐實辦保甲庶幾人民可稍甯息而免盜匪騷擾之患所擬是否可行理合檢同辦法清摺具文呈請鑒核批示施行等情據此除指令呈摺均悉籌設屯基遷移民戶洵爲清鄉根本要圖所擬辦法亦簡切可行仰候通令各縣知事督飭警察妥慎辦理不得稍滋騷擾清摺存此令等因印發并通行外合行抄摺令仰該縣知事即便遵照辦理報候查核計抄摺等因奉此遵查職縣自上年秋派員籌辦屯堡截至本年四月底計成立一百三十餘處所有屯基畝數戶數曾經開列清摺呈報在案五月以後又添委多員督催各區醫甲分定段落將山溝山岔前辦未竣之零星小戶切實歸併

立屯宜就近歸併布告並通令

呈報設立屯堡經過情形及成立數目文

集屯修圍限期辦竣令

呈覆縣屬設立屯堡已有成數文

呈覆集立屯堡數目文

新立屯堡豎牌標示屯名令

議覆李吉貴稟陳立屯意見暨送本縣現行辦法呈
放領屯基須預留學校暨警甲公所地址令

修治屯堡道路暨砍伐樹叢令並布告

建築撫民屯圍壕辦法布告

整理撫民屯街道令

指令警察于巡官飭將撫民屯圍牆門樓街道一律修竣文

指令張委員爲具報整理屯堡情形覆勘相符文

附洪委員原呈

附張委員原呈

據委員報告現又集成二百十餘處前後統計設立大小屯堡三百四十五處歸併民戶四千三百九十九戶放領屯基一萬一千二百二十二畝五分此項屯堡前一期辦者多已陸續移置後一期辦者均先將屯名地基畝數戶數勘定取具區長百家長地主遷戶等切結准緩至秋後一律建置謹將前後放領屯基佔地畝數歸併戶數二併造具清冊除分
逕呈外理合具文送請

鑒核指令施行

計送屯堡清冊一份

奉天全省警務處指令

呈表均悉仰候秋後一律移置分報備案既據分呈仍候

省長公署贊

清鄉總局核示表存此令

奉天省長公署指令

呈表均悉該縣籌設屯堡歸併民戶放領地基分期辦理成績優著於清鄉大有裨益一俟秋後仰即督飭依限建置勿任展延表冊存此令

奉天東邊道尹公署指令

呈冊閱悉仰卽督同各區長百家長等催會地主遷戶務於本年秋後一律移置指定屯堡建廬築舍早

日觀成以次編練保甲實行守望俾資保衛仍俟辦理完善隨時分報查核仰候

省長暨各主管官署指

令冊存此令

呈覆集立屯堡數目文

呈爲具報縣境設置屯堡處所暨歸併戶數佔地畝數造冊送請

鈞鑒事本年七月二十四日奉

鈞局令開查東三省幅員遼闊民戶稀少沿山邊一帶各溝各岔長或數百里近亦百里數十里不等往往一溝一岔之中不過十家八家甚或一二家者相距竊遠不通聞問卽蒙邊一帶雖無山嶺亦多有數十里一家或兩家者推原其故由於放地之始官府未曾採擇屯基民間僅就所報之地各自結廬築舍取其便於耕種以致村戶零星守望莫助盜賊欺其孤弱肆意搶掠人民無力抵禦勢不得不通匪窩匪接濟匪人久之習爲固然賊匪愈多良民不能安業遂相率棄地遠徙而往年已放之地均行拋荒於是民間之養贍無資官家之租賦無出賊匪既有根據之處漸赴稠密村落乘隙綁掠即如通化之哈密河一溝三百餘里其中不過十餘家膏腴之地均成荒廢賊匪往來肆無忌憚實爲地方之巨患頃據本局調查員里飛萬稟稱輝南縣王知事諭查此情毅然丈放屯基遷移小戶爲正本清源之計實屬清鄉治盜之要圖唯查東三省各縣如此等之荒地實居多數凡屬附近山邊之縣分情有相同者均可仿照辦

理本局現將該縣原定辦法酌量變通由縣知事警察所長實力奉行以期澄清盜源除民戶稠密邨之屯不計外其各該縣山溝山岔孤村獨戶之家應責成警察認真考查屯基編號劃界飭民遷移俾零星小戶均歸整齊村屯然後嚴行連坐實辦保甲庶幾人民可稍甯息而免盜匪騷擾之患業將此種辦法電請

省長核示旋奉

省署東電內開輝南王知事丈放屯基遷移民戶已呈經本署核准此舉爲清鄉要圖近山各縣既可彷行即由該督辦體察情形妥籌飭辦具報等因奉此茲由本局酌量情形擬定化散爲整辦法七條俾資遵辦而利惟行除呈報并分行外合亟檢同辦法令行該縣仰即督飭警察從速辦理凡有山之縣均須於文到一月內查明溝岔戶口務須酌定屯基丈量地址將零星小戶切實遷移其蒙邊一帶縣分常有數十里十餘里一家者亦由地方官體察情形酌量歸併實力進行期取效果并將籌辦情形於文到一月內具報備查爲要附章程五份等因奉此遵查職縣自上年秋派員籌辦屯堡截至本年四月底計已成立一百三十餘處所有屯基畝數戶數曾經開列清摺呈報在案五月以後又添委多員督催各區警甲分段落將山溝山岔前辦未竣之零星小戶切實歸併據委員報告現又集成二百十餘處前後統計設立大小屯堡三百四十五處歸併民戶四千三百九十九戶放領屯基一萬一千二百二十二畝五分此項屯堡前一期辦者多已陸續移置後一期辦者均先將屯名地基畝數戶數勘定取具區長百家

長地主遷戶等切結准緩至秋後一律建置謹將前後放領屯基佔塊畝數歸併戶數一併造具清冊除逕至外理合具文送請鑒核指令施行

東三省清鄉總局指令

呈冊均悉該縣此次復行集成屯堡二百十餘處具見盡心民事洵堪嘉尚仰俟秋後務期一律移置以竟全功是爲至要冊存此令

新立屯堡豎牌標示屯名令

案查本署前此令派候劉兩委員分赴各鄉勸辦設立屯堡一事業已會同各該管警官申長相度地勢指定屯基處所議定歸併戶數並起有新立之屯名冊報本署轉呈

省長公署清鄉總局暨東邊道尹查核立案先後奉到指令均飭於本年秋後一律實行遷移以免來年再受匪患等因自應遵照辦理轉眼秋成即到實行期近深恐前指地點未能周知着照原議先將立屯地方立一木牌上書某屯屯名以免日久漸忘并日後又生異議除布告外合行令仰該巡官即便遵照辦理具報毋稍延誤切切此令

議覆李吉貴稟陳立屯意見暨送本縣現行辦法呈

呈爲遵令議覆李吉貴稟陳合併屯堡意見並送職縣原擬辦法請鑒核事切奉

鈞局訓令據海龍縣民李吉貴稟爲合併屯堡敬陳管見等情一案飭卽核議具覆等因奉此遵查集合屯堡轉徙民居固係爲保衛治安然鄉民狃於故常究不免有重土難遷情事欲期進行之無滯勢須稍順夫輿情茲核認民所陳各端如限定每村民戶必在百戶以上邊縣地曠人稀屯堡之距離必遠農民不便耕作折益房屋由公會經辦比較業主自辦所費必多建造局勢決難合用且撥給移戶管業時舊料新工恐亦難於核計至民戶有他往者房地歸公亦有買後及招戶之難凡此種種均屬不便推行職縣創辦年餘多係遷就民意因勢利導遷移不使太遠屯堡不求過大以足資自衛爲度所需房基或以地換或用價買或暫租借悉聽人民自便官家祇事催辦使之速成致較輕而易舉謹將職縣原辦情形開摺呈覽是否有當理合具文呈覆即請

鑒核施行

計送清摺一扣

輝南縣集合屯堡辦法

一會議辦法 擬定大綱招集士紳營甲人員會議研究利弊決定辦法

一派員勸辦

由縣署派員督同各區警甲調查勸辦曉以利害指明辦法限期實行

一勘定地點

由調查人員督同警甲百十家長邀集民戶公議相度地勢擇便於歸附之處作爲屯基

一歸併範圍

就各溝岔零星民戶量爲移置戶數不求太多以足資自衛爲限庶免有妨農事

一劃放屯基 由勸辦人員督同警甲將擇定屯基劃分丈量編號列冊每號面積二畝五分以便放領
一換買地基 屯基需地用以地換地辦法由百什家長從中合議令兩造公平交換其有應行價買者
由公共議價得比現時田地價格按照土地情形酌量增加但至多不得過時價之半

一酌留井道及公所地址 劃放屯基須先留出公共井道其平川區域民戶較多之屯並須預留學校
及警甲公所基地即作爲該屯公產應需地價由該屯住戶公攤

一傳戶認段 屯基用地劃定丈明後即由百十家長依照前列買賣交換各辦法傳令各戶認定基址
取具兩造甘結送縣備案

一租借地基 貧苦小戶無力換買房基者勸令富戶按借地不撤屋習慣辦法租借地基蓋房居住
一業主自集佃戶 凡大段土地之業主招有多數青戶散住各地者應勸令該業主自擇適中地點將
佃戶集合居住以便自衛

一限期移住 凡認定應歸併各戶均限於一年內蓋房移住責成各區警甲百十家長督促辦理屆期
將歸併情形報查

一標誌村名 凡新立屯堡其名稱或用舊或另起經公衆商定後即各先行埋立木牌標識以便民戶
遷聚

一聯築屯邊圍牆 住戶工程聽住戶任便修築惟靠屯四週須築墻垣如遇貧戶無力自築應由本屯

公共幫助辦理其有兩鄰不接之處亦由公共堵砌以便防禦盜賊

一剷除屯邊樹叢 屯堡成立凡屯邊所有樹叢均須剷除淨盡以防藏匿盜匪
一限折廢屋 歸屯各戶凡另用新料蓋房者遷移後須將原處舊屋折毀其有因收獲禾稼臨時支架
窩棚者亦須於事竣時立即折去不得存留以免藏匿

一取締新戶 自此次立屯後遇有外來民戶均須附居屯堡不許星散居住

東三省清鄉總局指令

呈摺均悉集屯辦法本爲衛民起見該縣所擬各節既足使之自衛並可催辦速成應准照辦仰卽督飭
進行以收實效摺存此令

放領屯基須預留學校暨警甲公所地址令

案查劃放屯基規模粗具經營之始佈置應求完備所有大小村屯須先留公共之水井道路其平川區域民戶繁盛之屯並須預留學校暨警甲公所基址即作爲該屯公共之產應需地價由該屯住戶照數均攤除分行外合行令仰該區長卽便遵照辦理具報切切此令

修治屯堡道路既砍伐樹叢令並布告

查本邑往來道路大半崎嶇廢壞加以路旁林木叢雜既碍交通復便藏匪亟宜及時修治以重路政而
保公安除分行并布告民戶外合行令仰該巡官卽便遵照各於該管界內督飭民戶分段修築所有路
甲長

旁樹林柳毛務令一律砍伐如有故意抗違准即送縣罰辦一俟修治完竣隨時呈報以便派員查驗毋稍延忽切切此令

建築撫民屯圍壕辦法布告

爲布告事案據撫民屯商務分會會長王俊峰農會調查員趙錫俊等聯名稟稱爲籌築圍牆公議辦法條章仰祈批示布告事竊商等前奉監督及清鄉里調查員面諭均令創修撫民屯鎮之圍牆以衛商民等因蒙此商等詳核之下工程浩大需欵甚鉅商民困難洵非易事查撫民屯諸般就緒僅缺圍牆一點適值地方不靖人心惶恐若不竭力維持難免遭其賊刦自得商民結成團體衆志成城不可工虧一簣而不收其完金集鎮應即日進行上不負列憲顧全地方之至意下可以保衛自安然非仰於官府雷厲風行之命令則商等勢難辦到商等合衷共議擬定修築圍牆之辦法八條附稟呈閱可否准行之處未敢擅便如蒙允准請即先出布告週知俾商民一體奉行庶免室碍理合聯名具稟伏乞憲台鑒核恩准批示布告施行實爲公便等情據此查立屯修圍現奉

東三省溝鄉督辦令催應即趕速籌辦除批示外合行粘貼條章布仰該鎮商民人等一體遵照勿違切切此布

計抄條章

一查撫民屯原設南北大街一道東西什字街三道以每號地三畝計算共出街基一百四十餘號現由

西邊排出短號第二蹚南北街共拉街基六十餘號所報者無幾今議定酌量修築週圍石土羣牆一

道底寬三尺上寬二尺高六尺週圍約長一千餘丈

二 議以大街南北兩頭並由中什字街東西兩頭建築通衢圍門四道或六道由圍門並圍牆四角處均修立炮台以禦寇盜

三 建修圍牆之地點擬在街基後尾處起修其牆基及裏邊留行人道路應佔街基戶之地以便軍人往來巡邏而牆外邊留行車道路擬佔比鄰民戶之地以便繞圍進門通順所佔民地不給地價惟有南北兩橫面順號之牆基並牆裏邊留行人道路均佔街基戶之地北頭牆外留行車道路擬佔鄰民安吉玉之地南頭街基並牆之內外道路均係錫惠卿之街基所佔地點甚寬價值甚多如不給地價實在格外偏苦議以該二家圍內如有街基者免其攤修南北兩橫面之牆款以昭平允

四 查各集鎮之圍牆非由官府籌款即由商家攤修惟有撫民屯鎮現屆商力未逮非由局內之商民兩界攤欵興修難以辦到議定修築週圍之羣牆無論需欵多寡專由己放出之街基戶擔負按街基畝數攤納由開工日起至完工時交齊不准拖欠且西邊新排二道街已放出之街基一律攤給修欵未放出之空號嗣後放出之時再行由戶補攤花費其建築所有圍門並各炮台係公共之物議定無論需欵多寡專歸商務會擔負由商戶按分子攤納庶可衆擎易舉

五 原報街基之戶現有建房亦有空間者雖係參差不齊固屬均霑利益必得一律攤納修牆之欵倘

有杭違或容心頑延不能即時出納者即行指名稟請傳究罰辦以重要工

六、查撫民屯地點向係輝城東南咽喉緊要藩鎮實關全局之安危財產性命修此圍牆乃屬團體公
益倘有無知之徒捏詞阻撓或以並未建房無力之說任意狡展不納修款者今定辦以破壞大局論
即將伊空號之街基稟請經官作三等公價出賣他人即由接買之戶攤納牆款免悞全局

七、築牆留道之地基所毀無論何色青苗議定每地一畝包給牛工子種小洋二元五角此款擬由圍
內并無街基之浮戶酌量攤納以示體恤

八、修牆等項事務議由本屯商務會正副會長及四名董事而民界由農務會調查員暨就近之會員
等一體擔任操辦遇事不准推諉本區巡官甲長區長等擔任催比一切以資襄辦其辦事機關藉設
商務會所有籌款及出入賬簿統歸商會經管以免冒濫

整理撫民屯街道令

爲飭遵事查撫民屯鎮逐漸興通圍壕業已修成街面亟應整理本署查得該市木棧放置木料堆積滿
街妨礙交通亟應飭令木棧一律搬去並將街道修理整齊兩旁挖洩水溝埋立路燈以利通行所有一
切花消應由各舖商攤納限半月內趕速修齊本知事屆時親蒞查驗如有違誤定將該巡官撤差再聞
該鎮烟賭嗎啡甚多應即破出情面認真捕拏送案罰辦限一律肅清勿稍瞻徇合令該巡官立即遵辦
仍將辦理情形尅日呈覆切切此令

指令警察于巡官飭將撫民布圍牆門樓街道一律修竣文

據呈已悉本知事昨蒞該鎮舉定會長當場勸諭衆商修理街道兩傍挖溝鑄板並埋立路燈料由房東購買工歸房戶自籌衆商僉皆樂從仰即會同新任商務分會會長等遵照前議尅日興工限半月連圍牆門樓一律修竣具報本知事仍親往驗收勿違此令

指令_洪委員爲具報整理屯堡情形覆勘相符文

呈悉據報情形業經本知事履勘相符惟零星小屯未遷住者尙多仰於秋節後馳赴各處履行督促移併本年務使歸併多半明春報齊庶夏季不至再受匪患仰即遵照此令

附洪委員原呈

爲報告事竊奉鈞諭飭將勸辦歸併屯堡并各處修築圍壕情形詳細報告等因奉此遵查委員自奉委後赴東北兩路會同區甲長等周勘地勢切實勸辦集立數目以來除劉前委員所辦及此次遷就之零戶不計外共計新立屯堡一百七十五處計一千五百戶共放出官契紙九百七十五張共地二千九百二十五畝外有自己本地蓋房者五百二十五戶所有屯堡均留街道壕基水井大村并留警甲公所學校地基所需地畝或用價買或以地換均由會首秉公估計偶有爭執隨時化解新立屯名暨牌標記附村樹叢均令砍伐以防藏匪已修圍壕地方有兩處一爲興隆堡(即托佛別)該處新移來商民一百五十餘戶自己蓋房約有三百餘間駐保甲二十人屯基南北長一里半東西寬一里半周圍均砌成土壕

厚八尺高六尺南北四門東西兩門四角砌台門樓均建築完竣街中兩旁挖洩水溝約花洋三千餘元其西邊接連又修一圍甫經動工一爲中央堡該處大小舖商原十餘家燒鍋一座新遷人民戶一百七十餘家商舖二十餘家蓋房屋者四百五十餘間駐防陸軍一連屯基南北長二里東西寬一里四圍均砌成土壕厚六尺高五尺南北二門東西二門現已修築完竣約花洋二千餘元以上兩處修築圍壕花費均由原放屯基時按戶攤籌一大場園屯堡該處原有燒鍋二座大小舖商十餘家自立屯後遷入民戶二百餘戶商舖四十餘家蓋房八百餘間駐有警察二十人保甲三十人屯基東西長五里南北寬一里一石頭河子屯堡該處爲赴濛江咽喉要道原來只有一店新立屯基南北長一里東西寬一里駐保申十五人新添大小舖商三十餘家民戶遷入一百餘戶蓋房三百餘間本年濛江道路修通該處可成繁鎮現命名曰興隆堡一輝發城屯堡該處地勢平坦東西寬二里南北長一里駐紮警察二十人遷入舖商二十餘家民戶一百六十餘戶以上三處圍壕尙未修齊其餘各屯堡集鎮均經委員面示從速籌辦惟本城錢法萬堅遷移費用異常吃力若緩至秋禾登場財力豐裕則督飭修辦尙屬易易所有奉令勸辦歸併屯堡及修築圍壕情形理合具文報請鑒核施行

附張委員原呈

爲報告事竊奉鈞諭飭將勸辦歸併屯堡併各處修築圍壕情形詳細報告等因遵查委員自奉委催辦西南兩路設屯修圍兩事將及一年所立屯基均係會同區長警官甲長等周勘地勢切實勸辦以小遷

大聚成村落除侯前委員所辦暨此次零星遷就小戶不計外 實共籌設新立屯堡一百六十五處計一千七百零五戶共放出官契紙九百九十七張外有自己地蓋屋有用地換段者計七百零八戶共地三千一百五十一畝所有街道水井均行留出大村並留警甲公所學校地址圍壕隙地買換各地統由百什家長公同估定毫無偏頗抑勒情事新立屯名一律豎立木牌標誌附村樹叢均令砍伐已修成之圍壕一係撫民屯該處集有商民百餘戶屯基南北二里許東西一里餘周圍均砌石頭圍牆寬三尺半高八尺半南北二門東西四門炮台門樓建築完整街中挖洩水溝修馬路立桿燈並添鑿水井數眼一切均遵鈞諭布置約共花洋一萬二千六百餘元此款係由原放屯基按戶攤籌業經委員督飭修築完竣該鎮迤北又新立一撫安屯亦仿撫民屯辦法修築石頭圍牆刻下修起南西北三面其東面擬秋後再修該處已遷入民戶六十餘家商鋪十餘家保甲駐所已於上年春修成現住甲丁十五名足資保護又高集崗設立屯集遷入民戶六十餘家舖面二十餘家蓋房二百餘間駐保甲二十人其餘各屯堡集鎮均經委員面示從速籌辦惟本年錢法萬緊遷移費用異常吃力若緩至秋後定有成效可觀所有奉令勸辦歸併屯堡及修築圍壕情形理合具文報請

鑒核施行

輝南設立屯堡始末記

古者五家爲比五比爲閭進而至於族黨州鄉類皆出入相友守望相助家有比鄰之樂野無吠犬之驚

此安居樂業市井不擾後人所以稱盛世也我輝南僻處邊陲地僅八社山深林密戶口零星其初原屬海龍之一隅洎宣統二年闢爲縣治人口始稍稍盛然居其地者率皆客籍因田爲廬希圖自便久之成爲風俗此倡彼效無在不然環顧四境迄無三五成鄰者每屆青紗幛起盜賊欺其孤弱肆意搶掠富者徙居城鎮棄其田廬而不顧貧者無力遷移只得生受其蹂躪哀哉小民何以堪此瑞之於民國八年秋來守斯土憫人民之顛沛忿強寇之縱橫乃籌設立屯堡爲長治久安之計條上其事大憲曰可爰召各區區長會首核議辦法集會多次盈庭聚訟率皆畏難當即力排衆議按照地方情勢決定兩種辦法凡山僻地方暫就各溝各岔酌量歸併以小戶就大戶屯堡不求其大以免遷移太遠有妨耕作所需房基或買或換悉聽民便衝要地方則仿立市鎮辦法劃出街基號每號五畝按號放領以歸整齊烟戶稠密地方一律酌留學校及警甲公所地基並修築圍壕砲台砍去附近樹叢以資自衛計畫粗定遂遴派專員分赴各區督同警官甲長區長等實力籌辦閱時年餘大致告成會清鄉調查員里君飛萬到境以此舉爲清鄉根本要圖稟陳

督辦呈奉

兼省長通令東三省沿邊各縣一體仿行今甫屆期年總計全境已設立屯基四百數十處歸併民戶七千數百家放領屯基一萬數千畝其餘陸續添置者尙不知凡幾雖各屯房間目前尙未蓋齊然睹其報領之初爭先恐後稍假時日工程自必完竣夫固無待强迫焉商鞅有言民可與樂成不可與慮始今以

此舉徵之而益信方議之起也民無遠識又兼安土重遷故阻力浮言相因而至使少一自餕綜前此廢寢忘餐所籌之根本計畫未有不成泡影者乃幾經開導幾費周折目的卒達夙志以償後之生於斯長於斯聚族而勤力於斯者相友相助有備無患其亦知當年荒僻人家星散無所謂屯並無所謂堡也歟中華民國十年七月朔日奉天輝南縣知事王瑞之記

呈送設立屯堡誌略文

呈爲遵報縣境集立屯堡業經辦竣謹檢同誌略呈請

鑒核事案查職縣呈報設置屯堡處所歸併戶數佔地畝數造冊呈核一案當奉

鈞署指令內開呈表均悉該縣籌設屯堡歸併民戶放領地基分期辦理成績優著於清鄉大有裨益一俟秋後即督飭依限建置勿任展延此令等因奉此遵查輝邑因僻處邊徼山林深密居民星散盜賊肆擾保護難周創辦集立屯堡自民國八年秋知事到任籌辦迄今歷時二載慘淡經營規模粗具事屬邊縣治安要政曾奉

鈞署通令全省各縣一體仿辦自應將經過情形具文報告聊備參考謹於公餘檢點文卷輯成誌略恭呈

鈞覽伏乞

詳加指示俾有率循除仍督飭進行期收治安實效外所有職縣集立屯堡業經辦竣緣由理合備文呈

請

鈞鑒訓示施行

計呈送 集立屯堡誌略一本

奉天首長公署指令

據呈已悉該知事關於籌設屯堡歸併民戶放領地基等項期年之間成績卓著具見實心任事條理井然殊堪嘉慰仰候將原送誌略逐日刊登本省公報俾使週知用資模範此令

飭各警甲激發天良盡力防勦以靖匪氛文

現值青紗障起防務吃緊迭經本知事督同警察所長調集警甲分段設卡協令兜勦在案近據報告發生綁票案數起並非大帮股匪均係跳梁之小醜足見各區警甲平素對於清查戶口巡邏防勦各事宜多所廢弛遇事仍敷衍如故殊不知輝屬地面瘠苦財源匱乏警甲費用多係取自民間一槍一彈莫非黎庶之脂膏所食所衣盡屬商民之血汗凡受豢養者宜如何激發天良爲父老謀太平爲桑梓盡義務乃近月以來匪焰日盛綁掠時間各警甲平時疏於防守遇事復換散畏葸不能奮勇殺賊捍衛鄉里其何顏以對人民本知事蒞任未久覩閩閈之疾苦嘆民衆之顛連晝夜憂思寢食俱廢凡爾區巡官甲保長皆係地方公民休戚與共安良除暴諒表同情此後務須慨念時艱力圖振作總期盜匪日見絕跡地方日就乂安本知事有厚望焉合行令仰該巡官即便遵照甲長稍玩忽切切此令

咨請濛江縣撥警駐紮兩縣接壤地方實行聯防文

案查敵知事呈報縣屬設防地點暨防守人員姓名一案於本月二十二日奉

省長公署指令第四七一六號內開據呈已悉濛江與縣境東邊接近地方向無警甲駐所應即由縣咨請撥警駐紮商訂聯防辦法以期互守仍將咨辦情形具報查核此令等因奉此查接管卷內上年辦理聯防趙前知事以

貴治西面與敵縣接近地方向無警甲駐所難與聯防會哨呈報

省憲在案此次聯防敵知事亦援案聲明茲奉

省長令開前因相應咨請

貴縣查察情形撥警駐紮以便彼此會哨實行聯防並希從速見覆實紀公誼

附濛江縣咨覆無警撥駐不便聯防文

爲咨覆事案准貴公署第三一四號咨開爲咨請事案查敵知事呈報縣屬設防地點暨防守人員姓名一案於本月二十二日奉

省長公署指令第四七一六號內開據呈已悉濛江與縣境東邊接近地方向無警甲駐所應即由縣咨請咨請撥警駐紮商訂聯防辦法以期互守仍將咨辦情形具報查核此令等因奉此查接管卷內辦理聯防趙前知事以貴治西面與敵縣接近地方向無警甲駐所難與聯防會哨呈報

省憲在案此次聯防敵知事亦援案聲明茲奉

省長令開前因相應咨請貴縣查察情形撥警駐紮以便彼此會哨實行聯防並希從速見覆實級公誼等因准此查近來鬪匪猖獗緣於各縣自守疆界以致此擊彼竄軍警難以勦平敵屬坐受匪患已歷數年茲准貴知事咨請撥警駐紮西面實行聯防會哨保守兩縣治安敵知事曷勝欽佩本應即時撥警駐紮以固邊防惟是數縣自上年以至本年鬪匪四起警甲槍彈被匪刦去之事層見迭出近來全境警甲幾有一蹶不振之事合全力以保縣城且虞單弱所恃現狀維持悉仰駐防陸軍實無警可撥駐紮數縣地瘠民貧款無從出敵知事已同各路木把籌畫徵欵辦法組織警備隊二百名一俟組織妥協再行撥隊前往駐紮種種困難情形當蒙垂察准旨前因相應咨覆貴公署查照可也

籌辦商團挑集散在丁請備案呈

呈爲具報四鄉各保挑集散在丁城鄉籌辦商團各若干名以固邊防而衛地方瀝陳情形仰祈

鑒核事竊查縣治地處邊陲東北兩面毘連濛江樺甸磐石三縣袤延數百里山深林密向爲盜藪自吉省軍隊集中股匪乘間思逞輝色防務吃緊萬分近因長春肇事吉兵譁潰南竄人心益形驚慌非添設重兵不足以資鎮攝昨復奉到

省署訓令飭於沿邊要隘派警甲設卡防堵吉軍邊綫甚長原有警甲實屬不敷分布茲經召集各區長甲長議定增添散在丁全境五百四十名斟酌地方形勢目下以東北兩路爲緊要西南兩路次之業均

分別緩急次第舉辦略仿舊日團會辦法摘要分立會所歸各區甲長保長指揮調遣現在農事已畢擬定自帶柴米常駐會所以便操練出外設卡或游擊均攏入常駐丁幾名藉資指導槍械由花戶自籌大概洋炮居多並各備抬槍數桿雖係烏合之衆頗足壯起聲勢至縣城關廂駐有游擊隊捕盜營並陸軍一連平時原足資防衛現在對吉有事陸軍或將出動游擊隊亦須出勤城內祇捕盜營及崗警兵力太單現擬籌辦商團以補城廂警衛之不足當經邀集商會正副會長暨各商董等開會集議衆皆贊同爰定按戶抽丁辦法小鋪戶抽丁一名大戶倍之計共抽團丁四十名槍械由各商湊集不足之數暫向警營兩處借用此項商團即歸中區巡官徐川朗兼帶已於七月二十二日實行成立團丁均駐在南門裏天增興院內無事不准外出白晝則巡邏街巷夜間則分守要隘城墙有頽圮處均重加修築并添置炮台數座梁口多處刻下已經布置完備除督飭時刻防範外所有四鄉挑集散在丁城內籌辦商團各數目理合開列清單具文呈請

核指令施行

計呈送清單一紙

奉天全省警務處指令

呈單均悉現在吉事就緒似可不必防備惟該縣地處邊陲寇盜充斥保衛仍宜嚴密所擬抽集臨時散在丁及籌辦商團事屬可行並仰逕呈

省長公署備案單存此令

奉天省長公署指令

呈單均悉該縣防範吃緊四鄉挑集散在丁城內籌辦商團幫同防守辦法尚無不合一俟地方平靖即當酌視情形分別遣散免妨民時而節糜費仰卽遵照單存此令

奉天東邊道尹公署指令

呈暨清單閱悉查核所陳布置情形尙屬周妥仰卽督令認真防守以固邊圉毋稍疎忽仍呈候

省長暨警務處清鄉總局指令此令

整頓保甲檢送續備甲丁簡章請核示呈

呈爲具報遼寧整頓縣屬保甲情形並擬具續備保甲簡章送請

鑒核事務局審核保甲自奉

鈞令歸入清鄉範圍切實整頓後凡關於清查戶口槍械辦理連坐冊結諸要端均經知事派由保甲委員遵照頒定簡章躬蒞各區督同保甲人員認真辦理計全縣保甲共抽常駐丁二百十數名又按各鄉居民戶數每十家抽練散在丁一名全境戶數一萬四千一百有奇共抽丁一千四百十數人常駐丁擇要設防平時編查戶口槍械連坐冊結有匪則聯合警察剿捕散在丁取寓兵之意有事則聚無事則散期能守望相助共衛公安前者里調查員到縣率同保甲委員按區視查均稱整齊並詳爲演說俾人人

皆知有應盡之義務應享之幸福及人人應盡之責任應防之禍患邊地人

民鑒於鬪匪之多清鄉之嚴益知力求振作惟查輝境僻處邊陲幅員遼闊山深林密村戶零星雖經籌設大小屯堡二百三十餘處然目下尙未一律遷移并里未成尙乏自衛之能力當此夏防緊要常駐丁少散在丁又聚集素難若非變通定章終屬無濟於事知事爲注重治安起見爰即召集會議決定由新抽各散在丁內再抽編十分之一命名續備保甲擇地常駐施以教練畫則清戶查道夜則扼要設防以補正甲之不足已於六月一日起一律舉辦一俟青紗幃倒即行解散由知事酌定簡章十六條令行遵守所有違令整頓縣屬保甲緣由理合繕同簡章具文呈報即請鑒核施行

計呈送簡章一扣

輝南縣籌辦續備保甲簡章

第一條 本縣爲注重夏防起見籌辦續備保甲以補常駐甲丁之不足

第二條 繼備甲丁暫擬由各區保原抽散在丁內抽集百分之十如有不敷用時再行酌增

第三條 各所續備保甲區域照舊有保甲區分劃以便遇事易於聯絡

第四條 各所續備保甲每年限於夏歷四月底一律辦齊造冊呈報縣公署備案至青紗幃倒即行解

第五條 繼備保甲係臨時抽編擬均行常駐伙食均自備柴米畫則清戶查道夜則扼要設防

散

第六條 繢備保甲駐在所應擇各該區適中地點公房廟宇均可佔用要以有嚴固牆院者爲合宜

第七條 繢備保甲每所置保長一人由各鄉紳民公舉辦事勤能長於緝捕者充任加具保結請由該管總甲長呈請縣公署加委

第八條 各所續備保甲如有公事或緝獲匪犯均仍由該管總甲長核轉防剿而外無論何事不得干預

第九條 各所續備甲丁應由該所保長隨時教練以資步法整齊而免臨敵錯亂

第十條 各續備保所遇警時如因兵力單薄得一面知會就近警甲一面報告縣署派隊協剿

第十一條 本所續備甲丁除遇警攻擊賊匪外無事不得隨便放槍以免驚擾

第十二條 各續備保甲所持槍械快槍抬槍洋炮均可使用所需砂藥子彈及一切費用均由各該區自行籌備

第十三條 各所續備甲丁均自備服裝只求整齊便衣亦可惟須製備黃袖誌書明某區某所續備保甲字樣令各甲丁簽於左膊以資辨識

第十四條 各續備保甲防剿出力確有功勞者得由該管總甲長呈請縣知事酌照舊有保甲獎懲章程一律嘉獎

第十五條 繢備保長如有辦事不力廢弛職務者應准由各區長會首報告該管總甲長據實呈報縣

署撤換各保長及甲丁有濟匪誣陷招搖訛詐種種情弊一經查明或被舉發得由縣知事依法懲辦

第十六條 本章程係臨時規定如有未盡事宜得隨時修正之

東三省清鄉總局指令

呈暨簡章均悉該縣籌辦續備保甲以備正甲之不足尤爲慎重防務起見查核所擬辦法亦尙周詳仰即督飭進行以收實效並將籌設屯堡速令歸併是爲主要簡章存此令

飭警所率領游民服各種勞役令

現查教養工廠成立伊始陸續收容游民已達十六七名之數應遵照教養工廠章程第十二條之規定先令習勞本城各學校暨局所以及商舖等處如有修繕搬運並零星之修工街道之平治各種勞役均應令被收之游民服習勤苦免得日後出廠復歸流蕩合行令仰該所長即便傳知各處遵照辦理是爲至要此令

嚴查人民煙賭布告

爲布告事照得煙能弱種賭可敗家國家禁令森嚴有犯必加重懲本知事蒞任以來察看全境人民私運煙土暗設賭局者所在皆有推其原因因輝邑接近濛江安圖等縣山深林密種煙未能禁絕現在煙土價貴種販均有利可圖縣境地處邊僻五方雜處游惰者多喝雉呼盧習爲故常地曠警單查禁難以周密坐此兩弊本縣烟賭之害遂致無日廓清查煙賭二事一可亡國弱種一可敗家傾產人所共知毋

庸贊述所特應告誠者吾輝茲符徧野民困待蘇烟賭之積弊不除閭閻之安寧莫保當此天時亢旱四郊多故本知事負守土保民重任若不將此妨礙地方治安之煙賭嚴行查禁其何以安良善而懲奸邪爲此示仰閩屬商民人等一體知照凡有違犯前項禁例者今後務懶痛改前非勉爲良善倘再執迷不悟一經查覺或被告發定卽從嚴懲辦決不姑寬除分飭警察保甲捕盜營司法警隨時密訪拏辦外特此布告勿違切切此布

查拏煙賭嗚咈游民按月表報令

案查烟賭嗎咈各項爲害至烈本縣城鄉遠近此種人犯實繁有徒亟宜嚴密查拏以杜滋蔓茲特訂定表式一種發交各警甲認真查拏送究按月填報除分令外合行檢發表式令仰該區巡甲長所立即遵照辦理務宜振作精神破除情面不得仍前玩懈本公署不時派員密查卽以此課各警甲之勤惰以定殿最倘各該管境內有犯不查查明不辦卽以包庇論如遇該月境內實無此等人犯亦須具文呈覆均毋延玩切切此令

計發表示一紙

查拏游民多名收所習勞祈備案呈

呈爲遵令具報縣屬游民確數先行收容令其習勞造具名數清冊送請鑒核指令事本年七月四日奉

鈞署局長省

訓令飭將境內游民數目切實查明分呈備查等因遼寧縣屬偏簡經費困難設立工廠一時實難作到而提前查收游民使地面上少勾引拉綫窩留等事實爲清鄉治本之計不容現爲緩圖當即令行警區將屬境游民實在人數切實查明造具花名清冊呈送到署知事覆查無異即於縣署東偏騰出屋宇數間酌修圍牆木柵以爲收容場所派警看管先令該游民等墊修城廂街道暨開挖城濠等工作使其習勞以資儆懼而清盜源除分呈

省長公署外所有違辦查收游民情形理合檢同清冊具文呈送即請

鑒核指令施行

計呈送遊民名數冊一本

奉天全省清鄉總局指令

呈冊均悉該縣遵章按區查收遊民至二十五名之多先令墊街挖壕服習勞役既不虛糜口糧復足廓清盜源深合設立教養工廠本旨該知事籌畫措置悉臻妥善殊堪嘉許除刊登公報令各縣局查照外仰仍督飭警區隨時查收具報既據逕呈仍候

省長公署令遵清冊存查此令

奉天全省清鄉總局訓令

案奉

省長公署指令據輝南縣呈報縣屬遊民確數先行收容令其習勞由內開呈冊均悉仰清鄉總局查核令遵此令等因奉此查此案前據該縣分呈到局業經指令並登公報通令各縣在案茲奉前因除將原指令存查外合行令仰該縣即便遵照前令辦理此令

奉天全省醫務處指令

據呈已悉該縣地偏欵絕驟難籌設工廠亦屬實情所有收所遊民現時暫充外役俾知儆懼爲一時權宜計辦理尚無不合惟墊修街道開挖城壕究屬暫時之事仍以勸告人民籌欵設廠爲宜仰即查照辦理並候

省長公署暨清鄉局令遵冊存此令

奉天東邊道道尹公署指令

呈冊閱悉仰候

省長暨醫務處清鄉總局指令錄報此令

籌辦教養工廠勸農商會資助函

敬啓者教養工廠爲收納莠民場所關係地方治安甚大本城上年開辦並未籌有的欵前承地方商民捐資補助暨由本署設法籌補勉支年餘惟來日方長終恐後難爲繼且所收游民僅服外役難得教養之實益擬於廠內添一紡織科現已訂妥木機兩架再買來洋綫即可開工惟周轉資本亟應預籌用特

函請

尊處慨解仁襄襄茲善舉一俟集有成數即祈賜下備用無任懇禱之至此致

通知警甲購用教養工廠織品函

逕啟者查本署設立教養工廠織有軍用裹腿及各種線帶品質極佳價值亦廉勝由外買現在存有若干付相應函達

查照希卽通知各區各甲備價來署購用可也此致

厲行清鄉連坐罰法布告

爲布告事照得清查戶口首重連坐原以杜盜匪之潛藏絕奸徒之接濟清鄉甚址要不外是本年縣境戶口現已清查竣事誠恐民間無知視連坐辦法爲具文故事陽奉陰違致干罰辦爲此布仰闡屬公民人等一體知悉凡各甲民戶務須互相監察遇有窩匪通匪濟匪等情事凡十家以內之人迅即密告本處警甲以憑轉報本公署核辦如敢故違一經查實定行從重懲究決不寬恕其各凜遵無違切切此布

飭警嚴查各衣莊及郵差製運軍衣濟匪令

近聞匪途出沒所着軍衣多係在各城衣莊製做由郵差密爲運出現在天氣漸涼正值換衣時期本城各衣莊暨來往郵差亟須認真偵察以防流弊合行令仰該所長迅即嚴督所屬遵照辦理勿稍疎忽切切此令

取締民間槍彈並嚴禁工匠私造令

現查奉吉風潮迄未弭平境內小帮股匪乘間逞查其所持槍械非係由於民戶掠得即係由於本地購造若不嚴行取締盜風將日益鴉張閭閻其何由安堵除分行各總甲長 警察所外合行令仰該所長總甲長即便遵照轉令督率所屬切實調查凡民間家存自衛之槍務令妥爲掩藏其孤處深溝隣舍較遠家無壯丁之戶藏槍適以濟匪應諭令該民戶將槍枝暫交就近區巡所保存以免被刦並嚴禁本地小爐工匠不得私造槍彈如係人修理應限定由該管警甲經手倘敢故違一經查實即行送縣以憑罰辦軍器重要毋稍疏忽切切此令

籌辦山林警察酌收木廠菁戶兩捐充餉祈核示呈

早爲遼瀋籌辦縣屬木廠菁戶兩捐情形仰折鑒核事案奉鉤局令開籌設山林警察所需款項均由各該縣木業內酌量捐撥茲據任所長面稱該縣櫟樹苗等七處不嚴每年可抽款兩萬餘元菁戶二三千名每年可抽三千元足敷該縣林警費用等語合亟令仰該知事籌商辦理文到限十日呈報核辦等因奉此 知事 遷經召集海保海甲海綏三區區長暨百家長會首以及木商等到署公同會議擬木廠捐值百抽五在城鎮由木棧代收在山內由該管警區堵收菁戶捐每人年收奉大洋一元由警區調查確數製備腰牌按名發給每年換發一次預算木廠捐每年約可收小洋二萬元菁戶捐每年約可收小洋六千元以之養林醫一百二十人足可敷用經諭以利害曉以大義當場均表贊同惟所需槍枝爲數較多

知事擬由各殷實民戶購備暫行借用據各區長等面稱無處購置環請備價赴省廠請領查其所稱情形尙屬實在第現時請領槍彈不易核准擬懇

鈞局俯賜設法代請以應急需實爲公便理合具文呈覆即請鑒核指令施行

東三省清鄉總局指令

據呈已悉查此案正在籌畫中仰候擬定辦法再行飭遵此令

試辦木廠青戶兩捐充作林警餉項佈告

爲布告事照得本縣舉辦林警前經警察所長面奉

東三省清鄉督辦王諭令酌收木廠及青戶捐作爲養警經費等因當由本署擬定木廠捐由木棧代收按賣價值百抽五青戶捐由警區查收按名發給保護執照每執照一張收奉大洋一元每年換發一次呈報

清鄉局查核在案除將印刷青戶執照令發警察所轉發各警區查收將木廠捐票發給各木棧代收外合行布仰閑屬木廠青戶等一體遵照知此次籌設林警原爲肅清地面保衛治安起見各木廠及各青戶均住山裏盜匪不除無由安業養警所籌之款實係爲個人保安之務務宜仰體

督辦籌維治安之苦心踴躍輸將違章繳納不得稍事抗違其木棧警區經收此捐如有需索爲難情弊准即指名控告定予重懲切切此布

抽收木捐出自賣主按林務局定價計算布告文

爲布告事案查本縣遵奉

東三省清鄉總局令舉辦林警所需經費擬定抽收木廠捐出自賣主按賣價值百抽五在城鎮由木棧代收在山內設卡堵收早已施行並布告週知在案現屆冬令外來木商輸運木料逐漸活動應即設卡稽征凡木料已存儲木棧當由木棧出售時按價抽收其不入棧店者即由經過局卡就近抽收價值依林務局規定之時價計算此項捐款即由買主預向賣主取得俟經過各卡地方代爲繳納至鄉間各戶拉運木料赴街出售者均須遵章辦理不得抗違以歸一律而免偏枯本署恐外來木商及山裏各戶未能洞悉特再重申前令仰閭邑商民人等一體遵照辦理幸勿抗違致于罰辦切切此佈

編練山林警察撥往榆樹岔駐防請備案呈

呈爲具報添設山林警察四十名撥往榆樹岔駐防瀝陳情形仰祈

鑒核事案奉

全省警務處令准

鑄
東三省清鄉總局咨開調查戶口烙印槍械給証遷移實行連坐並添設山林警察諸端應趕緊籌辦呈候

核定等因合亟令仰該知事督飭警所認真辦理等因奉此遵即令行警察所長任述言查照辦理去後茲據該所長覆稱本年三月間所長躬詣柳河呈請

清鄉督辦以輝南縣境添設山林警察一百二十名分佈在榆樹岔鋪板石四平街等處駐防應需之警餉由當地木幫售價小洋百元抽五元青戶每戶抽大洋一元籌款辦法已蒙允准在案但以槍械無處購置有碍進行四路張羅僅購得雜色快槍四十餘桿已屬智絀計窮再難多購擬即計槍募警暫添警察四十名置巡官一員合前由各區所抽撥之警察二十名共計六十名於六月一日先赴榆樹岔地方駐防此後應需槍械或備價由官請領或由內地設法購運一俟槍械齊楚再爲續招足額除將戶口槍械遷移連坐各項切實辦理外合將添募林警數目暨撥往駐防情形呈請轉報等情前來知事覆核無異除指令該所仍積極進行外理合具文呈報即請

鑒核指令施行

奉天全省警務處指令

呈悉查山林警備隊業已成立該縣山林警察應否仍照原議添設仰即呈明
清鄉督辦核辦可也此令

東三省清鄉總局指令

據呈已悉仰仍督飭該長警等認真防堵以免竄擾而靖地方此令

呈覆山林警察如額編成情形文

呈爲具報添募山林警察八十名與原有之林警如額編成情形仰祈

鑑核事勘查職縣遵令抽收木捐暨青戶捐創辦山林警察原擬每年可抽捐二萬三千元足可養警一百二十名前因槍械缺乏四出購買僅購得快槍四十桿按槍募警暫編林警四十名並由各區抽撥巡警二十名駐防榆樹岔曾經呈報有案嗣奉鈞^{警務處}令飭將派出警兵調回原防遂另行添募林警八十名分駐四岔大北岔兩處以資防守當時因收捐太少餉無從出未敢遽報成立現屆冬季木捐及青戶捐均可照章抽收而槍械又分次價領藉供應用遵即一律編成以符規定名額並均擇地修蓋防所開闢山路安設電話應需餉項及各種花費均由所收木捐青戶捐項下開支所有添募林警如額編成情形理合具文呈報

鑑核指令施行

奉天全省醫務處指令

呈悉查該縣山林警察前據呈報曾飭呈明清鄉總局核辦在案茲據稱添募八十名如額編成等情仰仍遵照前令呈報

清鄉總局俟奉到指令再行報處聽候查核此令

奉天東邊道道尹公署指令

呈悉仰速造具預算補呈

省長暨^{財政廳}警務處查核指令祇遵此令

清鄉總司

東三省清鄉總局訓令

案奉

省長公署第六四三六號指令內開據輝南縣呈報添募山林警察八十名與原有之林警如額編成情形由據呈已悉仰

東三省清鄉總局查核令遵具報此令原呈抄發等因奉此查討縣編募林警係爲防勦盜匪起見事屬可行唯抽收木捐暨青戶捐係如何抽收每年收入是否數百二十名警餉每警月餉若干如何編製本局無案可稽合亟令仰該知事查照所指各節詳細聲覆以續轉呈切切此令

東三省清鄉總局指令

據呈該縣添募林警八十名與原有之林警如額編成情形已悉查該縣所招林警如何編制木捐如何抽收捐款是否敷用本局無案可稽前奉

省令業經令行該縣具覆在案仰即查照前令具報核轉此令

呈覆抽收山林警察餉捐情形文

呈爲遵令聲覆前後添募山林警察擬定餉章暨抽收木捐青戶捐情形仰祈

鑒核事案奉

鈞局第三二號訓令開查該縣編募林警係爲防勦盜匪起見事屬可行唯抽收木捐暨青戶捐係如何

抽收每年抽收是否數百二十名警餉每警月餉若干如何編制本局無案可稽合亟令仰該知事查照所指各節詳細聲覆以憑轉呈等因奉此正核辦間復奉令同前因遼查職縣此次添募林警係將原有之保甲按名點驗汰弱留強改編山林警察八十名撥歸海保區大北岔四岔兩處各駐官警三十名海甲區大北岔駐紮二十名合之本年六月間原編在榆樹岔駐防之林警四十名共計一百二十名分爲四隊每隊各設隊官隊長巡記各一員惟第四隊人數較少擬設隊官一員不設隊長以期餉不虛糜人歸實用計設隊官四員每員月薪三十元隊長二員每員月薪二十元巡記四員每員月薪十元步巡長十二名每名月餉十元步巡一百零八名每名月餉八元以上巡長警一百二十名每月應支小洋一千二百零四元以全年計之約在一萬四千四百四十八元之譜至木捐一項係值百抽五在城鎮由木棧發一次統計兩項捐欵約在一萬五千元左右付此百二十名林警之餉出入尙可相抵不致虧空所有編制林警酌定餉章並抽收木捐青戶捐各情形理合具文呈覆即請
鑒核施行

東三省清鄉總局指令

呈悉查該縣所擬警餉暨抽收木捐青戶捐各辦法尙屬妥善仰候轉呈備案此令
立武廟並附設昭忠祠令

案查關岳合祠列爲祀典亟應速令舉辦以崇瞻仰查本城關帝廟宇將次建築完竣應即在廟內添塑岳忠節像以符祀典合行令仰該所長速即召集該廟會首安議添塑命名爲關岳廟或武廟期於合祠名稱相符並令於該廟內附設昭忠祠將從前陣亡將士姓名一律豎立神牌附祀以慰忠魂而資觀感均勿延忽切切此令

籌設警察教練分所呈送簡章文

呈爲具報更正警察教練分所簡章併以四區區官閻寶璋充管理員遺缺派警察隊長楊春普代理請鑒核事務查職署前呈送更正教練分所簡章暨預算書一案當奉

鈞處指令第五〇二五號內開呈覽書奉均悉查教練所考試畢業應於期年一個月呈請

本處派員監視歷經飭遵在案茲查管理員兼任教操應改爲兼教員四區區官閻寶璋調充管理員遺缺擬以何人代理將來代理員津貼若干出於何款未據預先籌及仰飭切實具覆以憑核奪等因奉此遼即令行警察所長按照指令各節分別更正具覆在後茲據覆稱遼查四區區官閻寶璋調充教練所管理員之職遺出區官一缺擬以山林警察隊隊長楊春普一員前往代理仍食原俸每月酌給津貼大洋二元以資策勵其欵擬由警欵盈餘項下請支所長爲節省警欵起見是否有當所有違令更正教練所簡章并派員代理區官各緣由理合簡同簡章備文覆請轉呈等情前來知事覆查無異理合檢同簡

章一分備文呈覆

鑒核指令施行

計呈送教練所簡章一份

輝南縣警察所擬定教練分所簡章

第一條教練分所擬於九月一日成立隨時開課

第二條教練學警擬由各區所挑選粗通文字者三十六名應期入所受課

第三條學警授課期間由九月一日起至滿足六個月為畢業

第四條學警在教練期間均食原餉飯費自備

第五條教練科目

一 警察職守概要

二 戶籍調查法

三 奉吉兩省單行警察章程

四 外事警察

五 現行法令

六 中日新約會要

七 地方自治大意

八 警罰法釋意

第六條學警每日由早九句鐘上堂十二句鐘止午後一點鐘上堂三句鐘止

第七條學警上課時無論出入均須服制整齊

第八條學警每日內堂授課五小時外堂教操一小時

第九條學警畢業攷試每科規定一百分爲足格以平均六十分爲合格

第十條考試畢業擬於期前一個月報由縣知事呈請

警務處派員監攷

第十一條教練所內擬設職員開列於左

一 教練所置所長一員以警察所長兼充仍承縣知事監督辦理

二 教練所置管理員一員兼任教員

三 教練所置教員二員專講內堂工課

第十二條教練所講堂擬備空房四間另備宿舍八間

第十三條學警姓名及講堂內細則俟開課後再爲呈報

奉天全省警務處指令

呈暨簡章均悉所送簡章既據更正復查均無不合准予備案至四區區官閭寶璋調充教練分所管理

員遺缺以楊春普代理一節查該員楊春普是否向在該縣警界充差資格是否相符未據呈報有案殊難懸擬仰即飭取履歷送候核奪簡章存此令

籌辦保甲教練所令

案查本縣保甲係由各鄉民戶抽編甲丁智識淺陋亟應教練以資整頓現於警察教練所內附設保甲教練所以資節省經費除分行外合行令仰該甲保長於九月十五日以前選粗通文字甲丁送所上課切切此令

附單

平安川	三名	高集崗	二名	樓街	一名
松樹溝	二名	蛤蟆河	三名		
二岔	二名	托佛別	一名	團林子	二名
東甸子	一名	流水溝	一名	安子河	二名

頒行區長經理會款規則

查各區會款收支每有浮濫亟聰明定規則以昭慎重而杜流弊茲由本公署訂定各區長經理會款規則十二條除通行外令仰該區區長會首等一體查照遵辦此令

計發規則

各區區長經理會款規則

計開

第一條 區長經營一區公款以節省實在爲主嚴禁侵漁浮冒情弊

第二條 區長經營會款無論收支除例行及零星花費外非經公衆議定不得擅專辦理

第三條 區長經營款項須備有左列賬簿

(一) 收支流水簿(記一切收入支出各款)

(二) 收支分類簿(分項登記各款)

第四條 區長所備賬簿須送縣署標明頁數並蓋騎縫印

第五條 區長收支各款每年分四季列榜宣示並須造報縣署查核

第六條 區長經營賬目應於每年六月十二月召集會首百十家長清查一次並請縣署派員監視

第七條 區長收存會款無論何人不得私相浮挪暫借

第八條 各區如有積存公款公產及其所生之款區長應妥爲經營不得隨意處分

第九條 區長經營公款如有影射挪移吞沒之處除勒追賠償外並處以應得之罪

第十條 區長遇更換時須將經手收支各款造具清冊連同存儲現款及文卷簿冊分別移交

第十一條 新舊區長交接須呈請縣知事派員監視以昭慎重

第十二條 本規則自公布之日起實行

籌建農商兩會兩會所落成飭即開會令

照得農商兩會新築會所業已次第落成均應開會一次以計畫會務之進行聯絡會體之感情關係至為切要除分行_{農會外}合行令仰該會長即便遵照於中秋節後定期舉行屆時本知事亦躬親蒞會樂觀厥成此令

創立農事演說會令

照得地方富庶首在務農而農事之改良尤宜開通民智茲指定該會院內附設農事演說會擬定章程十條合行令仰該會長等遵即照章辦理尅日成立具報毋延此令

計發章程十二條

奉天輝南縣農會附設農事演說會章程

第一條 本會附設於農會院內以考求實業改良農事為宗旨

第二條 本會設會長一人由縣知事兼充副會長二人由農會正副會長兼充均兼任講演編輯事宜

第三條 本會演說員無定額農會會員須分任講演義務各學堂教員對於農事具有熱心願任演說者亦可隨時開送銜名到場演說

輝南設立屯堡始末記

呈送設立屯堡誌略文

飭各營甲激發大良靈力防勦以靖匪氛文

咨請濛江縣撥醫駐紮兩縣接壤地方實行聯防文

附濛江縣咨覆無醫撥駐不便聯防文

籌辦商團挑集散在丁請備案呈

整頓保甲檢送續備甲丁簡章請核示呈

飭警所率領游民服各種勞役令

嚴查人民煙賭布告

查拿煙賭嗎啡游民按月表報令

查拿游民多名收所習勞祈補案呈

籌辦教養工廠勸農商會資助函

通知_{終止}甲購用教養工廠織品函

厲行清鄉連坐罰法布告

飭警嚴查各衣莊暨郵差製運軍衣濟匪令

取締民間槍彈並嚴禁工匠私造令

籌辦山林警察酌收木廠菁戶兩捐充餉祈核示呈

試辦木廠菁戶兩捐充作林警餉項布告

抽收木捐出自賣主按林務局定價計算布告

編練山林警察撥往榆樹岔駐防請備案呈

呈覆山林警察如額編成情形文

呈覆抽收山林警察餉捐情形文

建立武廟並附設昭忠祠令

籌設警察敎練分所呈送簡章文

籌辦保甲敎練所令

頒行區長經理會欵規則

籌建農商會兩會所落成飭即開會令

創立農事演說會章程

飭各團體編纂覺民淺說送署刊印傳講函

呈送農事演說會章程暨一二兩期講演錄文

第四條 本會演說時期暫定為每月朔望兩日宣講三小時俟風氣大開再行隨時酌改

第五條 本會講演範圍以農林畜牧園藝肥料害蟲獸醫以及農產製造農業經濟農業家庭田園文
話等類為限兼及崇儉習勤治家愛國等事以增進民德

第六條 本會各期宣講事項由各講演員將宣演之詞按期編成白話刷印成冊分給各區區長鄉老
及各學校教員轉為傳講以求普及

第七條 凡來會聽講之人如有於農業親歷事件可告知演員仔細研究辦法以便改良補救
第八條 本會係屬創辦由農會勸款辦理不得稍有勒派有樂輸者由農會造冊呈報縣署發給票據
每月榜示一次

第九條 本會每逢演說宣講日期所需雜費概從儉約

第十條 本會繕寫文件由農會僱員兼任月給津貼三元

第十一條 本會常任編輯講演人員得酌給夫馬費其數月由正副會長臨時核定

第十二條 本章程如有應增應改事宜隨時變通改訂

飭各團體編纂覺民淺說送署刊印傳講函

逕啟者蓋聞風俗之轉移端在開通夫智識輝南民氣固蔽學校未能大興非採校外教育之規難收化
民成俗之效本署現擬編印覺民淺說凡關於民智民德實業生計各類彙列一冊於每月朔望開農事

演說會或崇儉實進會時切實宣講以資啓牖民智素譎

台端熱心公益諒荷贊同即希

卓見所及按切本縣時事詳明立說(能以白話代文言尤妙)編稿見惠以便刊印散布是所至盼專此
順頌

台綏

呈送農事演說會章程暨一二兩期講演錄文

呈爲具報本縣創辦農事演說會檢送章程暨講演錄仰祈

鑒核事竊查輝南地處邊陲交浦欠利工商事業一時不能振興惟土曠人稀若將農業先爲提倡使田
皆開闢地無遺利則地方日臻富庶工商事業亦隨之俱興知事於上年到任之初首先創立農會並派
多員調查農業種類產額氣候土宜編印風土誌二百本分送各界研究改良生產均經早報在案惟邊
地人民識字者少非開會講演不足啓牖其智識爰於本年二月間在農會中附設一農事演說會每月
朔望由知事率同各講演員到會集衆宣講並兼講關於民智民德諸大端以敦風化試辦半年聽者頗
多復恐聽過輒忘故將歷期宣講者印成淺說分給識字鄉老及各區區長並小學校教員令往各處傳
講以期潛發民智講求利源長此以往果能風氣日開土地日闢物產日增將見農業大興工商事業亦
與以俱進於地方實業前途不無裨益除督率職員認真辦理外理合檢同章程暨講演錄具文送請

鑒核施行

計呈演說會章程一份兩期講演錄四本

奉天東邊道尹公署指令

據呈送農事演說會章程暨一二兩期講演錄均悉查輝南地處邊陲風俗民情本屬鄙陋該知事立意化導設會演說以農事先之并將說辭編成講演錄使之不忘自不難研究進步洵稱勤政愛民殊堪嘉尚仰即銳意進行務使民智日開商源日闢而于重道德敦風化自能隨之兼進尙其勉之毋怠仍補呈省長暨各主管官署查核附件存此令

奉天實業廳指令

呈悉查擬具農事演說會簡章尙屬可行應准備某至所編農事講演錄對於啓牖民智改良農業以及家庭教育諸大端講演頗稱詳盡足徵該知事利厚民生無懷不至仍仰督率認真進行以期文化日進本廳有厚望焉此令附件存

奉天教育廳指令

呈悉查該縣創辦農事演說會關係民生實用洵屬當務之急所擬簡章大致妥協披閱講演錄曉暢明白頗能增長人民知識促進社會文明該知事熱心毅力殊堪嘉許仰仍切實進行將來作爲各縣模範本廳有厚望焉簡章及講演錄存此令

籌辦農產品評會檢送章程請核示呈

呈爲具報縣城籌辦農產品評會檢同章程送請

鑒核指令事務誠縣於今春創辦農事講演會曾將章程暨講演錄呈報在案惟不有鼓舞觀感之方難引起人民之興味茲經知事招集農會正副會長及鄉耆人等籌議於農會中舉辦一農產品評會性質與展覽會相同惟加以講演又加以獎勵比僅只陳列較爲有效所需經管及設備等費數有限擬即由義倉穀息項下酌量指撥謹檢同章程具文送請

鑒核指令備案施行

計送農產品評會章程

奉天輝南縣農產品評會簡章

第一章 總則

第一條 本會以獎勵農藝改進促進農產改良交換優美品種爲宗旨

第二條 本會附設於農會內一切設備管理均由農會負責

第三條 本會每年開會一次於十二月內舉行會期以十日爲限

第四條 本會經費需數有限擬由義倉穀息項下指撥

第二章 組織

第五條 本會設會長一人即以農會長充任評議員六人以委員一人農商會各派一人推定地方富有經驗之公正鄉紳三人充任執事員役無定額由各機關臨時撥派

第六條 本會職員均為名譽職其臨時撥派員役亦均係義務不支薪水

第三章 徵集出品

第七條 本會徵集農產品以本縣各鄉大宗出產者為限分普通農產與特別農產兩類約共十七種如左

(甲)普通農產類

(一)高糧 (二)大豆 (三)穀子 (四)大麥 (五)小麥 (六)粳子 (七)包米 (八)芝麻
(九)小豆 (十)豌豆 (十一)稗子 (十二)菉豆 (十三)黑豆

(乙)特用農產類

(一)黃菸 (二)綫麻 (三)靛 (四)青麻

其他非重要農產及畜產副產等均暫不徵集

第八條 本會徵集出品每年於會期前兩個月由縣公署通令各鄉照辦不得逾期

第九條 本會徵集出品方法責成各百家長就本段所產者按照規定數目選齊送交本區警甲轉送

本會其中有為本村所不產出者則缺之但須聲明本村不適種植原因其各種數量如左

普通類(一)至(七)每種各一升(八)至(十三)每種各半升

特產類每種各一觴以內

第十條 選送之農產品應各標明出產地名種植人姓名每畝收穫量若干種植大概情形

第十一條 本會徵集農產品為數甚微均不給價如各村選送最優產品有係出自小戶者可由選送之本村會公共酌給價值

第四章 品評及展覽

第十二條 本會品評優劣成績以品質數量為標準合全境農產之同種者為比較以次評定分為最優優等次等最次等四級

第十三條 出品評定後各以紙牌標註產地姓名並簡單說明優點劣點以便陳列

第十四條 本會開會及展覽詳細規則按照臨時情形另定之

第五章 獎勵

第十五條 本會開展覽會時應預將品評各項農產成績及應改良意見列冊由農事演說會講演員按照各類宣佈其名譽成績並分別指明優點劣點示以大概改良意見以期觀感

第十六條 品評結果除按前條宣佈出品人成績名譽獎勵外擇其優者分別賞給名譽獎牌或證書並由農商會按照成績冊介紹於市場商機予以信用之保証

前項獎牌以鍍金質銀質爲之其式隨時擬定

附則

第十七條 本簡章呈經縣公署核定施行並呈明備案
第十八條 本簡章經會員公議得隨時增改之

奉天東邊道道尹公署指令

據呈送農產品評會章程請鑒核備案等情已悉仰即督同農務會長循循勸導促會農產逐漸改良是爲至要惟稱所需經管及設備等費擬由義倉穀息項下酌撥一節究須動支若干應俟辦畢呈核仍補呈

省長暨實業廳財政廳查核指令祇遵此令

奉天實業廳指令

呈悉查該縣舉辦農產品評會係爲改良農產起見所擬簡章亦尙安洽應準備案仰即督率進行仍將辦理情形具報此令簡章存

奉天實業廳訓令

案奉

省長指令據輝南縣呈籌辦農產品評會並附送章程一案內開呈贊章程並悉該縣籌辦農產品評會

自係爲鼓舞農民觀感起見應准照辦惟管理設備籌費究需若干應即切實擬覆以憑核奪仰實業廳轉令遵照原呈抄發章程並發此令等因奉此查此案前據呈報業經指令在案茲奉前因合行令仰該縣即便查照具覆以憑核辦此令

飭各校教員傳講農事演說及覺民淺說應將講演地點聽講人數報查令

照得本公署編印講演各錄業經分送各校教員宣講在案乃邇來訪問鄉人多有未經聽聞茫無頭緒者其爲擋置不理可想而知此項講演錄本係爲增進民德啓發民智增進民財而編關係至爲切要各教員爲鄉民之表率負有牖民覺人之責任未可放棄自奉文之後務於星期或假期時間游行鄉里擇人煙稠密之區認真宣誦除分行外合行令仰該教員遵即切實辦理並於每月底將講演地點暨聽講人數函報本署以備查核切切此令

呈送農事演說會第二期講演錄文

呈爲檢送縣治農事演說會第三期講演錄仰祈

鑒核事竊查本縣農事演說會每月朔望向由知事率同各講演員到會宣講以期啟牖民智開闢利源業將一二兩期講演錄呈送在案現在第三期講演錄已經刊印成帙除令發各界研究並傳講外理合檢同講演錄具文送請

鑒核施行

計送第三期講演錄一本

奉天實業廳指令

呈悉講演錄存此令

奉天省長公署指令

呈悉講演錄存此令

奉天教育廳指令

據呈已悉講演錄存此令

奉天東邊道道尹公署指令

呈及講演錄閱悉備案仰仍將應行改良農事口講指陳喚起興業精神開闢固有利源增進國民幸福先覺後覺胥達指歸並將講演情形按期錄呈查考爲要講演錄一本均存此令

呈覆本縣農事演說會歷次講演情形文

呈爲遼令具覆本縣農事演說會曆次講演情形仰祈

鑒核事竊查職縣呈送農事演說會第三期講演錄一案奉

鈞署指令第一五零號內開呈及講演錄閱悉備案仰仍將應行改良農事口講指陳喚起興業精神開闢固有利源增進國民幸福先覺後覺胥達指歸並將講演情形按期錄呈查收爲要講演錄一本均存

此令等因奉此遼查職縣農事演說會講演情形城內係照章程於每月朔望兩日由知事率同各驛演員在農會宣講外鄉則於講演錄印成後分發各校教員於星期或假期時間游行傳講並於月底將講演地點暨聽講人數報縣查核歷期均如此辦理奉令前因理合具文呈覆即請鑒核施行

奉天東邊道尹公署指令

呈悉此令

籌修義倉積穀備荒檢送章程請鑒核呈

呈爲遵令擬具辦理積穀備荒章程送請

鑒核事務前呈具覆縣屬未辦倉穀及五厘經費各情形一案奉

鈞臨財政廳 指令內開據呈已悉查籌辦倉穀爲預防災患起見並非因本年無庸賑撫即不必舉辦且此案迭奉部催自難視為緩圖應由該縣召集紳商各界設法籌辦並將辦理情形隨時具報仰即遵照此令又奉訓令內開案奉

省長指令據該縣呈未經籌設義倉積穀亦未抽收九厘備荒經費各情形一案內開呈悉應俟秋收後查酌情形辦理具報仰財政廳轉令查照呈抄發此令等因奉此查五厘備荒經費係爲荒年畝捐減收接濟警餉之用關於地方治安至爲重要應由該縣體察情形設法提存以備不虞至積穀一項已在呈處文內明晰指令在案茲奉前因合行令仰該縣遵照此令各等因奉此遵即召集各區區長暨紳商等

會議曉以大義尙皆樂從惟本年正值災歉僉請輕定捐額知事查核情形本屬實在經議定每十畝地捐穀二升計可集糧八百餘石折合濬斗一千二百餘石縣境地寬人少產糧較多縱遇荒年亦足接濟至於辦法擬春貸秋償酌收穀息以彌補倉耗及一切經費倉廩擬建在縣城農會內因存穀鄉間借放動分畛域且鄉老經管碍於情面萬難辦理妥善存儲城內官家便於監督縣境褊小收放亦不感困難所需建築倉廩及開辦一切經費擬請由發還提成項下挪墊一俟日後收入穀息時即如數歸還至五厘備荒經費因畝捐減率收不敷支一時碍難提存除 巡呈報財政廳暨東邊道尹

省長公署分呈東邊道尹外理合檢同章程具文呈報即請

鑒核指令遵行

計送積穀備荒章程一份

輝南縣辦理積穀備荒章程

第一條 本縣爲準備荒歉接濟民食起見籌辦積穀略仿社倉辦法春貸冬償只有息息相生不准轉販漁利

第二條 捐穀之法暫定爲每十畝地抽糧二升有地五十畝以上之戶一律捐儲不及五十畝者捐否任便

第三條 本縣積穀專收穀子一種不准以雜糧替代

第四條 積穀責成農會協同各區紳董按畝抽收預先登簿定期令民間自備車輛送倉

第五條 儲穀倉圃撥在縣城農會內建築未修成以前暫借用糧棧間倉存放（按存穀鄉間借放動分畛域紳民碍於情面辦理萬難妥善故爲便於監督計公議在城存儲縣境褊小收放均無困難）

第六條 積穀送倉時由縣署派員監視承辦紳董過斗入倉上加印記封鎖即將收入數目造冊報縣

查核并由縣分呈

省公署備案

第七條 每年夏季擇晴爽之日盤倉一次如沃晾曬以防腐敗盤查後仍照舊封鎖冊報

第八條 紳董管理倉穀以三年爲期期滿由縣署督同農會長另行選充如辦理不善得由縣知事撤換

第九條 管理倉穀紳董遇有更換應於交替時由縣署派監盤員協同農會長將倉穀盤查一次由接管紳董接收清楚造具冊結報縣

第十條 此項積穀係官督紳辦如遇縣知事交卸時應將管理倉穀冊結卷宗專案移交新任繼續辦理

第十一條 出借倉穀時期限定每年陽歷三四五等月償還時期限定陽歷十一月一個月內不准拖欠

第十二條 出借倉穀應由承辦紳董先期呈明縣署批准出示定期借放縣知事認爲宜發放時亦須與地方紳董商定均不得專擅

第十三條 出借倉穀應視各區災情輕重貧民多寡酌量分配不得爭執每戶准借一斗以上至一石以下爲限

第十四條 借穀須由各該區區長保甲長或殷實公正之紳商担保如屆期不能償還保人須負包賠之責

第十五條 借戶歸還倉穀須爲本年新產之糧且須乾燥潔淨如有攪和或潮濕者由經收之人退令更換

第十六條 借戶還穀每斗加息三升藉以彌補倉耗及一切經費如有盈餘併可酌量多儲

第十七條 貧民借穀設遇荒年無力償還得酌予展緩但穀息須如約繳出

第十八條 民借歸還時應將原借石數並收回穀息石數分別造冊呈報

第十九條 經管倉穀紳董純盡義務不支薪費如繼續辦理三年以上毫無貽誤得由縣獎予匾額或呈請給獎以資鼓勵

第二十條 收放倉穀員紳如有保存不慎或私徇刁難情事得罰以二石以上二十石以下之穀予以充倉積

第二十一條 倉穀專爲接濟民食如農民自有儲糧或家道小康冒稱貧戶請貸者查出設罰並予出保人以相當處分

第二十二條 辦理積穀所需建築倉廩及一切開辦費用擬由發還提成項下挪墊俟日後收入穀息即如數歸還

第二十三條 本章程係就輝南情形酌定以奉到核准文日爲實行之期

第二十四條 本章程如有因地制宜應行變通之處隨時酌量修改呈請核准

奉天東邊道尹公署指令

呈悉查核所擬積穀備荒章程尙屬妥切可行至五厘備荒經費一項現時既難辦到應暫從緩仰即先將貯穀倉庫於本年秋後成立具報既據逕呈仍候

省長暨財政廳查核指令祇遵錄報毋違清摺存此令

奉天財政廳指令

據送辦理積穀章程覆核大致尙安至建築倉廩及開辦一切經費姑准由發還提成項下先行挪墊日後收有穀息即先儘歸還不得任意拖欠並將築倉經費核減估計具報候核餘准如擬辦理仰即遵照并候

省長核示此令摺存

奉天財政廳訓令

案奉

省長指令據該縣呈遵令擬具辦理積穀備荒章程請鑒核一案內開據呈已悉仰財政廳查核令遵具報清摺存此令等因奉此查此案前據分呈到廳當以該縣送到辦理積穀章程大致尙妥至建築倉廩及開辦一切經費姑准由發還提成項下先行挪墊日後收有穀息即先儘歸還不得任意拖欠并將築倉經費核減姑計具報候核餘准如擬辦理業經指令在案茲奉前因除呈覆外合行令仰該縣查照前令辦理此令

估計築倉經費數目呈

呈爲具報估計築倉經費數目請

鑒核事竊知事前呈擬具辦理積穀備荒章程一案茲於本年九月十六日奉

鈞廳指令內開據送辦理積穀章程覆核大致尙妥至建築倉廩及開辦一切經費姑准由發還提成項下先行挪墊日後收有穀息即先儘歸還不得任意拖欠并將築倉經費核減估計具報候核餘准如擬辦理仰卽遵照等因奉此遵卽督同農會長按照原定捐穀額數擬先修築倉房七座招經土木工人切實核減估計修築倉房約需工料小洋五百元圍牆約需工料小洋二百元共計約需小洋七百元之譜此係極簡辦法無可再省如蒙

核准卽責令農會長購料監造務求工堅料實以期經久所有遵令估計建築倉房圍牆需費數目理合呈請

鑒核施行

奉天財政廳指令

據呈已悉該縣估計建倉經費共約需小洋七百元之譜既已無可再省應准照辦一俟工程完竣核實報銷仰即遵照此令

收積倉穀數目報請備案呈

呈爲具報收積倉穀數目請

鑒核備案事竊查職縣於上年七月間籌辦建倉積穀當經知事與農會會長及各區長議定辦法每十畝地捐穀二升約計可收八百石合瀋斗一千二百石並擬具章程呈報在案迨秋成督飭抽收各區因春旱秋潦霜降太早收成大歉民間異常疾苦抽收費力僅捐貯穀子四百八十石核計共收到六成其餘欠數容緩至本年秋後年景豐足即行照數補收除逕呈報財政廳東邊道尹

書長公署分呈東邊道尹
省長公署分呈財政廳外理合具文報請

鑒核備案

奉天東邊道道尹公署指令

呈悉仰收竣具報此令

奉天省長公署指令

如呈備案此令

奉天財政廳指令

呈悉據稱該縣倉穀只收到六成其餘欠數准緩至本年秋後再行補收藉舒民困仰即查照此令

籌設醫學研究所檢送章程請核示呈

呈爲具報擬設醫學所檢同章程送請

鑒核事竊查輝邑草萊甫闢水土惡劣疾病最多而地處邊僻內地名醫足跡不到地方之以醫爲業者多係一知半解濫竽充數粗諳方脈率爾應症亂投藥劑自誤誤人如不取締庸濫造就通材實非尊重民生之道知事擬在縣城設立醫學研究所一處延請名醫充研究長召集全境醫生陸續入所研究每月到所研究一次以三個月爲一學期四學期畢業期滿試驗材堪爲醫者發給合格証書准予營業不合格者迫令改途凡醫生診視病症須領用方案箋將所診之病所用之藥詳注存查以備隨時考驗知事爲慎重民命造就醫材起見是否有當除逕呈警務處

首長公署外理合檢同擬具章程具文呈請

鑒核施行

計呈送醫學研究所章程一扣

輝南縣醫學研究所章程

第一條 本所以造就醫材尊重生命以增進社會人類幸福爲宗旨

第二條 本所定名曰輝南縣醫學研究所

第三條 本所置所長一員醫長一員文牘庶務各一員所長由縣委任醫長由人所醫生公推文牘庶務由所長延用之

第四條 所長綜理所內事項醫長專理所內研究學術事項文牘庶務受所長之指揮辦理所內各項事務

第五條 本所職員研究時期均須至所任事不准久曠如有事故須說明理由向所長請假准行

第六條 凡城鄉業醫者無論已否開設藥鋪均須入所研究以期普及

第七條 城鄉各醫生每一個月研究一次由醫長主席命題以內經六科爲根據由淺入深從微入妙以三個月爲一學期四學期畢業

第八條 城鄉醫生入所研究報名時須報明姓名三代籍貫年齡住址及向係內科外科業醫年限分晰註明以備存查

第九條 研究時期由本所發送公函招集無故不准曠課每次研究如有不列席者罰扣成績二十分

第十條 每學期屆滿入所醫生均須共同攷試由醫長命題所長監視試卷分數醫長所長共同評定之

第十一條 各醫生有心得之妙術或經驗之奇方或能製造出產之精藥經醫長認為確有效用者本所得為轉請嘉獎以資鼓勵

第十二條 遇有時疫流行時本所得集醫生研究病原酌籌方劑廣施救濟分担義務不准臨時規避

第十三條 城鄉醫生診視病症均須由本所領取方案箋每百張收工本金小洋五角不用方案箋開方者有罰入所研究之醫生每人收卷紙雜費小洋二元作為本所經費畢業發給証書每張收工本

費小洋五元指定撥作嗎啡療養所經費

第十四條 本所以曹濟醫學為宗旨有稍明醫理志願入所肄業者准予收受肄業期限六個月為滿經考試錄取者由所發給證書准其業醫

第十五條 本章程如有未盡事宜得隨時修改呈請核定遵行

奉天全省醫務處指令

據呈擬設立醫學研究所一節係為增進醫學取締庸濫起見所送章程除第十三條領取方案箋每百張小洋五角似乎定價過大應行酌減外其餘大旨尙無不符應准備案仰即督飭認真辦理以重民命一面仍候

省長公署令遵摺存此令

奉天全省警務處訓令

案奉

省長指令據輝南縣呈報擬設醫學研究所並送章程由內開呈及章程均悉仰警務處查核令遵具報此令等因奉此查此案前據呈報到處業經指令遵照在案茲奉前因令再令仰查照此令

組織衛生清潔會擬送簡章請鑒核呈

呈爲遵令另繕清潔會簡章二份送請

鑒核事竊知事前呈具報警所派員接收清潔會情形並擬送簡章一案奉

鈞處指令第一零一五號內開呈暨簡章均悉復核擬訂各條仍多未符就原摺詳細批發仰即遵照文擬另繕送核此令批發簡章一分等因奉此遵即另繕齊楚理合具文呈送即請

鑒核施行謹呈

奉天全省警務處

計呈送簡章兩份

計開

第一條 本會以講求地方衛生清潔穢物保持健康爲宗旨故定名曰輝南地方衛生清潔會

籌辦農產品評會檢送章程請核示呈

飭各校教員傳講農事演說及覺民淺說應將講演地點聽講人數報查令

呈送農事演說會第三期講演錄文

呈覆本縣農事演說會歷次講演情形文

籌修義倉積穀備荒檢送章程請鑒核呈

估計築倉經費數目呈

收積貯穀數日報請備案呈

籌設醫學研究所檢送章程請核示呈

組織衛生清潔會擬送簡章請鑒核呈

擬辦嗎啡療養所附入教養工廠請核示呈

籌設嗎啡療養所呈

改組教養工廠辦法暨送施行細則呈

呈覆前籌教養工廠資金係屬借墊文

呈覆籌撥農產品評會經費情形文

通令各區長接待公差須遵照規則辦理文

禁止鄉間無謂花消布告

勒收商濟公濟兩銀號紙幣請鑒核呈

呈請轉飭官銀分號多放貸欵接濟市面文

呈報縣境商帖禁絕請飭公濟平市錢號設莊貸欵接濟市面文
組織儲蓄抵擋會令

開設商鋪須遵照管理營業規則辦理文

布告商民合股營業須早報備案文

指令林鳳崗具報修河工竣情形覆驗相符文

附修築西河口工款報告

指令王任賓具報堵築河口開設南門工竣情形覆驗相符文

附修築南河口工款報告

城內街道兩旁栽植樹木令

飭商務會勸學所及時栽植樹木令

飭催商務會長中區巡官栽樹勿誤時期令

飭城內商民加意培養道路兩旁樹株令

第二條 本會暫附設在警察所內歸本所監督之俟辦有成效再行公舉會長暨推行各鄉

第三條 本會按城廂地段劃分十一段每段各舉會員一人共十一人警察所發給會員証書並分報

縣署警務處備案

第四條 本會會員有辦理會務監視會內出入款項之責權

第五條 本會定每月初旬開會一次召集各會員到會討論進行事宜遇有特別事故各會員得請求
警所召集臨時會議

第六條 本會設義務醫士一名遇有疫癥發生俾得珍治

第七條 本會以警察所書記員兼充庶務員經理出入款項賬簿但係名譽職不支薪各設工頭二名

每月餉十元清道夫八名每月餉八元置衛生車一輛馬二匹

第八條 本會應需之款悉由城廂商民擔負捐額分為上中下三等萬元以上者為上每月納捐洋三

角千元以上者為中等每月納洋二角五百元以上者為下等每月納小洋一角不及格者免捐

第九條 本會催收捐款每逢月中二十日為捐納之期收捐之人以會員協同工頭催收每逢月初由
會分段調查捐戶等級註入調查簿以便照簿催收而免崎重崎輕之虞收入捐款隨時填發聯票按

月將票根送縣備查

第十條 本會按月收入支出之款應於下月十五日前報告署稽查並須列榜粘壁以便周知

第十一條 本會會員及經管警察如有不正當之行為或有侵蝕錢財等情弊其各工頭及清道夫等如有假借名義招搖或藉端擾害等情弊查實送縣究辦

第十三條 本會擬訂進行章程統俟呈准之日實行

奉天全省警務處指令

呈暨簡章均悉所擬大致尚無不合惟第八條所定捐等捐額固係因地制宜與本處呈准各縣試辦清潔會原案不符能否照准仰候據情呈復

省長俟奉准後再行飭知簡章存送此令

奉天全省警務處訓令

案查該縣衛生公所改組衛生清潔會一案前據遵照本處摺批各節更正另繕呈送到處當經據情呈覆並飭俟奉准後再行飭知在案茲奉

省長公署指令第一一八一號內開呈暨簡章均悉即據核明尚無不合應准備案仰即轉飭妥慎辦理可也簡章存此令等因奉此令等因據該知事即便遵照妥慎辦理此令

擬辦嗎啡療養所附入教養工廠請核示呈

呈爲擬將嗎啡療養所附入教養工廠請

鑒核指令事案奉

均署

省長公署

令開查奉省處理嗎啡療養所章程通行違辦在案各縣嗎啡療養

並令

所已辦者切實整頓未辦者限文到一月內迅速籌辦擇相當處所附設不得借題鋪張虛糜欵項

奉令

前因合亟令仰該縣遵照辦理乙面轉飭警所嚴令所屬一體查拿勿得違延乙面將違辦情形具報計抄發章程一份等因奉此知事遵查縣治應設嗎啡療養所歷前任均以地方偏僻籌欵艱難并未籌辦

茲奉

鈞令飭擇相當處所附設事關要政自不容再事宕延查輝邑僻處邊陲地瘠民貧論及地方財力如官產公產基本金等竟絲毫全無關於救濟事業如教養局督藝所等機關亦迄未籌立自知事到任以地而游民太多清鄉事緊始遵令籌辦教養工廠而款無可籌僅先收容習勞自食其力所需開辦及看守醫藥等費尙未籌有的欵現計收容二十餘人其中施打嗎啡者居大多數入廠幾日癒即斷絕服役習勞前非知改與設立療養所本旨隱隱相合知事擬即援照教養工廠章程第七條之規定將嗎啡療養所附入教養工廠凡拿獲嗎啡人犯即交該廠收容癒重者酌予醫療癒輕者即禁令自戒應需口糧等費暫由縣挪摺將來再依頒定章程設法籌還如此酌量歸併欵項既不虛糜辦理復易着手是否有

當除分呈

警務處並仍嚴飭警察隨時查拿收所療養外理合備文呈請

鑒核指令施行

奉天全省警務處訓令

案奉

省長公署指令第五六五四號據輝南縣呈爲擬將嗎啡療養所附入教養工廠緣由內開據呈已悉該縣嗎啡療養所擬請附入教養工廠辦法尙無不合惟此次通令處治嗎啡人犯係取強迫主義所呈酌予醫療禁令自戒等語未免與原章旨趣不合應即迅籌的款另擬辦法細則連同預算書統呈核奪仰警務處轉令遵照此令等因奉此合函令仰該縣即便遵照辦理並將另擬辦事細則及預算書分呈備查此令

奉天全省警務處指令

呈悉查此案已奉

省長公署核示由處轉行在案仰即查照辦理此令

籌設嗎啡療養所呈

呈爲具報籌設嗎啡療養所擬具辦事細則及預算書送請鑒核指令事案奉奉天全省警務處訓令轉

鈞署指令爲呈請擬將嗎啡療養所附設教養工廠一案內開案奉
鈞處訓

省長公署指令第五六五四號據輝南縣呈爲擬將嗎啡療養附入教養工廠緣由內開據呈已悉該縣嗎啡療養所擬請附入教養工廠辦法尙無不合惟此次通令處治嗎啡人犯係取強迫主義所呈酌予

醫療禁令自戒等語未免與原章旨趣不合應即迅籌的款另擬辦事細則連同預算書統呈核奪仰警務處轉令遵照此令等因奉此令函仰該縣即便遵照辦理並將另擬辦事細則及預算書分呈備查此令等因奉此案查職縣自設立嗎啡療養所以後七月分收辦七名八月分無獲九月分收辦五名均經按月表報在案以現在情形推測收釋廢續按月在所療養人犯尚在十二名左右每名每日的需口糧小洋八分計一日內約需口糧小洋二十八元八角藥品費小洋十二元購置消耗等費小洋八元管理員由縣署科員兼任不支津貼醫士及看守工資小洋二十六元綜以上各項共需小洋七十四元八角加炕火費全年約共需小洋九百二十七元六角查輝屬偏僻地方經費入不抵出勢須別籌的款舉辦知事極力搜索籌定四種款項一慈善捐二療養費三醫士證書費四烟犯罰金提成充賞以上四項收數多寡雖難預定所差當亦無多設年度終了收不符支擬由地方公款撥補以濟其窮再前設立嗎啡療養所時曾支出修繕及購置等費六十餘元連同七八九三個月支出口糧及看守工資等費均由

公款項下挪墊亦擬由前四項收款內歸還除仍嚴飭警察查拏送辦並_{分呈}_{警務處}

省長外理合將遵籌嗎啡療養所經費並檢同擬具辦事細則及預算書乙併備文呈報

鑒核指令施行

計呈送嗎啡療養所辦事細則一本預算書一本

謹將遵擬職縣嗎啡療養所辦事細則繕呈

審核

計開

第一條 關於嗎啡療養所之辦事經費及管理等一切手續依本細則之規定辦理之

第二條 嗡啡療養所附設於教養工廠

第三條 嗡啡療養所設管理員一名由縣署科員兼任不另支薪僱用醫師一名看守一名夫役一名

第四條 療養所經常費以左列各項收入撥充之不敷支出時以地方款撥補

一慈善捐

二療養費

三醫士證書費

四烟案罰金提成充賞

第五條 人犯所需口糧療養所需藥品薪俸繩置消耗均照預算開支一切支出准實用實銷

第六條 嗡啡犯由警察所長督飭各警官認真查拏送縣訊辦後交所療養

第七條 療養人犯入所由管理員督飭看守逐細檢查遇有攜帶物品係違法物回明知事沒收不

違法物保存俟該犯出所時飭領

第八條 療養人犯入所時須由醫士診視一次查其癮之大小以便投藥療戒

第九條 醫士須按日將在所人犯遍診一次如有左列各事實時回明管理員呈由縣知事依左列各

欵辦理之

一未戒除者刑期雖滿應仍舊療戒

二已戒除者如刑期未滿撥歸教養工廠作工如刑期已滿有家可歸並有職業者准繳療養費取保開釋考查確實無力繳納者准予免繳無家可歸並無職業者撥歸教養工廠作工

三發生他種病症時服藥醫治係傳染病時隔離醫治

第十條 療養人犯如有因病死亡者由知事勘驗通報備案

第十一條 在所療養人犯須聽管理員及看守之約束不聽約束者由管理員回明知事酌予懲處

第十二條 療養人犯食物由所備辦不准在外購買或家屬親友餽送

第十三條 凡療養人犯家屬或親友遞送衣服被褥等物須由管理員督同看守檢驗後始准收受

第十四條 凡療養人犯往來信件須由管理員查閱後始准收受

第十五條 每月療戒人犯若干由管理員列表送縣轉報查核

第十六條 本細則自呈奉

核准之日施行如有未盡事宜隨時增訂呈請

核示

奉天全省警務處指令

呈暨書摺均悉覆查摺開辦法均尚可行書列預算亦徵覈實自應准予備案惟既據逕呈仍候省長公署令遵再所送附件多預算書一本諒係呈送

省署之件誤行封入原件發還仰即查照此令

奉天省長公署指令

呈及附件均悉所擬細則第四條關於經費一節查煙案罰金充賞提成項下充作嗎啡療養所經費係屬高等審檢廳呈准辦法自可照准醫士證書費如係查照奉天單行取締醫士章程所定數目徵收應准連同慈善捐一並撥所應用以資補助惟療養費除自願投所療養者照章收費免罰工作外其餘一概免收以符定案第九條關於處治一節查處章程第五條載入所療斷者限一星期斷癮又載斷癮後休息二星期罰工作三個月等語是癮未戒除以前自無刑期之可言該條所擬未免誤會應將第一第二兩款一律刪去俾免分歧第十五條表報手續應查照本年六月二十日奉天公報本署通令辦理餘尙妥協可行至此項人犯統限半年內禁絕所編全年預算亦屬不合仰即另編早核原書發還並候分行財政廳警務處查照此令

改組教養工廠辦法暨送施行細則呈

呈爲遵令改組教養工廠擬具施行細則及預算書送請

鑒核指令事竊奉

鈞署訓令查奉省設立教養工廠原以查收游民廓清盜源爲宗旨原訂章程第十二條規定收納游民辦法第一項如游手好閒不務正業者第四項爲流蕩無歸無親屬監護扶養者第十三條又載有自願送廠投入者聽範圍之規定既溢地方之物力難供其末流之弊非特與廓清盜源毫無關係而地方歲數千金勢必不能舉以上之三項游民盡數收納徒以供豪紳貧窮親友之豢養殊非本省長創設是廠之本意各縣之籌設此項工廠專爲輕罪犯怙惡不悛者而設刑律及違警律自民國改定以後施之於程度較高之國民則可若怙惡不悛之徒往往以數日數月之拘役徒刑視爲日用尋常之事而不惜以身嘗試罪滿以後拘留則已屆程限釋放則貽禍地方勢不得不藉教化之力以濟法律之窮即令其撥入是廠量其資力授以技能滌其舊染導人正規工作期限不定時日必待其懺悔除惡根確能悔悟習成薄藝足謀生活然後准其取保釋出以防其攷態復萌社會多一善良之人即監獄少一累次犯罪之人造端甚微收效實大董其事者必明乎教育諳于法律且必心地慈祥行止嚴正者始克勝任是乃政治上最强有力之感化制裁作用與普通工廠貧民習藝所性質迥殊所有原訂章程第十二條第一第四兩項及十三條自願投送之規定自本令頒布之日起廢止各縣已設者自應認真整頓未設者尤宜酌量組織務使攘窃詐騙及土棍地痞煙賭等犯因入工廠而改務正業則盜源不期清而自清矣除原章十二條第一第四兩項及十三條之各項遊民失於教養者應由地方各團體另籌救濟方法再行

分別辦理外合行舍仰該知事即便遵照辦理具報毋任玩飾致干咎戾切切此令等因奉此遵查輝邑僻處邊荒地接外省五方雜聚向爲奸宄出沒之區知事於八年五月到任時因厲行清鄉查辦莠民較多即經籌設教養工廠以資收禁惟當時以欵無可籌未辦工業僅先收容使服外役所需口糧及看守醫藥等費係臨時募捐支應遇不敷時呈由清鄉罰欵項下撥補歷經呈報有案茲奉

鈞令謹即招集各區區長會首設法籌欵議定由地畝抽小洋四千元釋縣署西隔壁第二國民學校地址適宜經公議在大南門裏購房院一所與學校換用收容藝徒暫以四十名爲限廠內設廠長司事講員技師看守若干名分設縫紉製造靴鞋印刷編織洗濯等科現時經費銀窘預算難於分配擬由十一年一月至六月底先爲試辦在此試辦期內廠長講員均不支薪先編一臨時預算俟辦有成效再按營業章程辦理現在通盤核算除行政費由地方欵開支外其營業費用以三千元作購買房地機器修繕等費以一千元熱作營業基本金至藝徒伙食技師工資在此試辦期內均由行政經常費開支俟七月底度開始再照章歸營業項下支銷以符定例至地方失於教養之遊民擬另行設立收容所以資救濟再行政臨時經費預算編列小洋八百二十元零八角照章本應用地方經常費開支惟輝邑瘠苦地方款收不敷支籌辦極難且預算已經公布亦不便再請追加擬懇援照籌辦教養工廠通令所定辦法准由清鄉罰金呈請撥用所擬是否有當除逕呈_{首長公署}分呈_{東邊道外}曉得_{清鄉總局}辦理合檢同施行細則暨預算書備

文呈請

鈞署
局鑒核示遵施行

計呈送教養工廠施行細則暨臨時支出預算書各一份

奉天輝南縣教養工廠施行細則

第一章 總則

第一條 本細則依據通行教養工廠章程第六條之規定參酌地方情形詳細厘訂爲本縣單行之辦法

第二條 教養工廠經費分行政營業兩項行政費由地方經常費開支營業費由各區按地畝籌撥小洋四千元以三千元作購置房地機器修繕等費以一千元墊作營業基本金擬由十一年一月至六月底先爲試辦所有藝徒伙食技師工資在此期內均由行政經常費開支俟七月年度開始再照章歸營業支銷以符預算定例

第三條 教養工廠收容藝徒除照本章程第十二條第二三五六各項辦理外得將本縣監獄內已定罪名之輕罪人犯撥入習藝但因經費不足暫以三十名爲限

第四條 習藝工徒除縣署判送者明定期限外餘均以滿半年爲藝成性改之期期滿由廠長考察情形報請縣知事核示延期或保釋

第二章 職員

第五條 廠內設廠長一員管理廠中一切事務副廠長一員補助廠長辦事司事一員主辦管理及營業各事宜看守及工師講員醫師臨時酌量延用

第三章 入廠

第六條 凡藝徒收廠由司事查前姓名年貌籍貫親屬職業罪案刑期其他等分別登入藝徒名籍簿
第七條 藝徒入廠後由廠長及司事攷查其年齡身體性質及罪名刑期等項分別撥科習藝不准聽其自擇

第四章 作業

第八條 依本章程第二十一條之規定酌設各種工藝其科目如左

甲類 普通工業

- (一) 縫綉科 專習裁縫學堂警察保甲操衣等件
- (二) 製造科 專習製造銅鐵木器及建築房屋
- (三) 靴鞋科 專習製做各樣皮布絨綬靴鞋
- (四) 印刷科 專習印刷書報表冊並雕刻圖戳

乙類 簡易手工

- (一) 編織科 柳條麥桿編物及紡繩織帶等

(二) 洗濯科 專習獎洗綢布各種衣服

丙類 粗重工作 專服官舍公所道路橋溝一切修繕搬運等勞役

第九條 入廠藝徒一律服習勞役其就役罷役時限另按月令隨時審定之

第十條 藝徒免役日期列左

(一) 元旦三日

(二) 春夏秋冬四節各一日

(三) 星期日下午半天

第五章 教誨

第十一條 對於藝徒之教誨方法如左

(一) 星期日及諸免役日午午八點鐘集合於教誨堂由講員演說個人之生計及教養之本旨俾知改過自新

(二) 凡新人廠及放免出廠時皆須從其身分職業年齡案由犯數所關一一勸戒利導以資警惕

(三) 藝徒有疾病時或遭父母大故時須施以懇切開導之教誨以期易入

第十二條 藝徒有請求自行出資購閱書籍者以無傷感化爲限得許可之

第十三條 講員時時察查藝徒有無遷善改過登簿備查

講員^參設以能得由廠長員司兼充之

第十四條 於工場休息時教授以簡易識字及淺近算學

第六章 衛生

第十五條 凡廠中院落監房工場堂室廁所皆須於一定時間掃除潔淨其他換氣採光沐浴飲食衣服之布置檢查悉由廠內員司指導行之

第十六條 藝徒有疾病時須撥醫診視調治並將脈案病狀治法等記入調病簿以備參考

第十七條 有病藝徒非俟完全治癒後不准工作並不准與普通工徒同居以防其殘傷傳染

第七章 管理

第十八條 藝徒每日早起晚睡均由看守點名收放廠內大小門戶常加鎖閉鑰匙由廠長掌之看守長隨時檢查

第十九條 凡有出入廠門者門衛兵須加盤查出入貨物亦須檢驗

第二十條 藝徒歸監房時由看守搜檢其身體

第二十一條 藝徒作業聽講就食就寢等時均不准交談不得私相授受物品

第二十二條 藝徒接見家屬每月以兩次為限接見時刻限三十分鐘由看守長監視之隨時將其接見之事由記入接見簿備查

第二十三條 凡給藝徒送衣物金錢到廠應由司事代爲管收並備置物品錢財收發簿分別登錄

第二十四條 藝徒收發書信必經廠長折驗准收發者由司事登入書信收發簿至書信閱畢仍交司事保存俟出廠時付還不准收發者亦照此辦理

第八章 獲罰

第二十五條 藝徒在廠勤勉作業製造精良並能謹守規則常無過失者依左列各法獎勵之

(一) 優予待遇 (二) 擢升工頭 (三) 減少工作

第二十六條 藝徒怠於役業或違犯廠規者依左列各法懲罰之

(一) 使服重役 (二) 加帶重鐐 (三) 拘入閹室

第九章 出廠

第二十七條 藝徒因期滿放免應由司事於期前通知廠長具報縣知事核准後對該犯施以放免之教誨收回廠中公物算付收存物品作業獎金

第二十八條 藝徒出廠應報請縣知事將該犯出廠情形令知其居住地之警甲

第二十九條 藝徒因病死亡由廠長將病情及死亡日期報告縣知事請驗有親屬者通知其親屬領回無親屬者由本廠備棺抬埋標記

第三十條 藝徒死亡如遺有財物准其親屬具領若無人請領得充公用

第十章 冊報

第三十一條 廠中應行備置左列各表簿

(一) 藝徒人數表 (二) 藝徒成績表 (一) 工藝盈虧表 (二) 成品日記表

第三十二條 前條所列各表應於每月月終造送縣公署查核

第十章 附則

第三十三條 本細則如有未盡事宜得呈明修正之

第三十四條 本細則自呈奉核准之日起施行

奉天省長公署指令

呈及附件均悉該縣改組教養工廠辦法固係爲整頓地方庶政起見所請行政臨時經費擬由清鄉罰金項下早請撥用查核亦尙可行惟營業經費議定由地畝抽小洋四千元究竟如何抽法未據明白聲敘如係另外增收則與本署通令減捐原案大相違背應不准行蓋地方物力有限總以減輕民間負擔爲第一要義倘現在無款可籌即暫緩擴充亦所弗恤仰即本此旨趣另擬呈奪并候分行清鄉總局東邊道尹查照此令

東三省清鄉總局指令

呈件均悉查所擬細則大致尙無不合預算列支各數亦尙核實惟行政臨時經費小洋八百二十元零

八角該縣預算既經公布無法追加准由清鄉罰金項下撥用以策進行至籌議由地畝抽欵及與學校換用地址各節既據逕呈仰候

省長查核令遵細則預算書存此令

奉天東邊道道尹公署指令

呈暨附件均悉查所撥辦法尙屬可行仰該縣督飭認真整理庶清盜源而敦教化至行政臨時經費擬請由清鄉罰金項下撥用等情仰候

清鄉總局指令祇遵可也書摺存查此令

呈覆前籌教養工廠資金係屬借墊文

呈爲遵令具覆前呈按地籌集教養工廠資本係屬借墊仰祈

鑒核指令事竊查職署前呈改組教養工廠籌集資金各情形一案奉

鈐署指令內開呈及附件均悉該縣改組教養工廠辦法固係爲整頓地方庶政起見所請行政臨時經費擬由清鄉罰金項下呈請撥用查核亦尙可行惟營業經費議定由地畝抽小洋四千元究竟如何抽法未據明白聲敘如係另外增收則與本署通令減捐原案大相違背應不准行蓋地方物力有限總以減輕民間負擔爲第一要義倘現在無欵可籌即暫緩擴充亦所弗恤仰即本此旨趣另擬呈奪並候分行清鄉總局東邊道尹查照此令等因奉此遵查前擬按地籌集工廠資本金辦法係由農務會長召集

各區區長公同議定當以欵雖額外增收究係暫行借墊日後仍須歸還茲奉

鈞令復飭農會會長召集會議另擬去後旋據呈解窃奉鈞諭前擬由各區按地畝籌欵四千元墊作教
養工廠資本金一案奉

省署指令以按地籌欵有違減輕民間負擔之本旨飭即另撥呈核等因遵經召集各區長會議僉謂輝
邑地處邊瘠居民多半直魯流氓因無恒產無所不爲教養稍疏即陷平罪近年自監督蒞任以後令各
鄉警甲查獲游民拘禁於收容所由是我鄉間農民得幸福者殊非淺鮮前奉

省令將收容所改組教養工廠教以技藝實有益於游民有裨於地方因基本金無籌各鄉區長社首會
議公同認籌小洋四千元與工廠作爲墊補一俟發達營業獲利之時再行歸還是係公衆情願茲奉上
令具見

省長愛民之切惟工廠關係重要縣境又無公產舍出諸地畝別無辦法會長區長等一再籌計擬請仍
照前議辦理本年收成豐足籌措並不費力將來歸還即作爲地方公共基金欵既不至消耗要政復得
舉辦實爲萬全之策是否可行理合具文呈請鑒核轉呈施行等情前來覆查該會長區長等所議情形
尙屬實在除指令聽候外理合具文呈請

鈞署訓示施行

奉天省長公署指令

呈悉該縣按地籌集教養工廠資本暨據覆稱實屬公眾情願并係暫行借墊姑准照辦仰即遵照並候
分行局道遵照此令

呈覆籌撥農產品評會經費情形文

呈爲遵令具覆籌撥農產品評會管理設備等費情形仰祈鑒核事竊查職縣前呈籌辦農產品評會並
附送章程一案奉

鈞廳訓令內開案奉

省長指令據輝南縣呈籌辦農產品評會並附送章程一案內開呈贊章程並悉該縣籌辦農產品評會
自係爲鼓舞農民觀感起見應准照辦惟管理設備等費究需若干應即切實擬覆以憑核奪仰實業廳
轉令遵照原呈抄發章程並發此令等因奉此查此案前據呈報業經指令在案茲奉前因合行令仰該
縣即便查照具覆以憑核辦此令等因當因倉穀尙未收齊穀息無出未敢懸擬僅由農會墊款五十元
購置玻璃箱櫃數具陳列產品現在倉穀業已積成經知事召開農會公同計議擬自民國十一年起每
年由穀息項下撥用小洋一百元作爲開會講演暨製作獎牌之費實用實銷不准超過所擬是否有當
理合具文呈請

鈞廳鑒核示遵

奉天實業廳指令

呈悉仰候轉呈

省長核示到廳再行飭遵此令

通令各區長接待公差須遵照規則辦理文

查公差下鄉辦事係屬執行公務不得滋擾本知事會屢有誥誠近月調查各區會賬仍列有招待費用殊屬非是亟應明定章程以杜絕需索供應之惡習茲由本署擬定鄉村接待公差規則七條合令各該區長即便遵照并即轉知百十家長等一體照辦此令

鄉村接待公差規則

第一條 本規則以杜絕供應嚴禁需索使鄉村免除無謂費用爲宗旨

第二條 本規則所稱公差係指各機關因辦行政公務下鄉之人員而言其屬於訴訟傳喚事件仍照司法章程辦理

第三條 公差下鄉專辦事件不得向村中需索錢文村中亦不得給與錢文

第四條 公差到村所需食物應自行備辦村中勿庸供給如遇小村購買不便時由區長或百十家長

指定地方代爲料理

第五條 公差到村如必須住宿時應由區長或百十家長指定地方不准自行找宿該村亦不得另索宿費

飭商民將沿街新植樹株妥爲保護令

飭商民各將門前樹株乘時踏實並用水澆灌以冀滋長令

籌修輝南公園募捐函

附輝南公園記

三、教育

咨請海龍縣分劈學田文

咨催海龍縣速分學田文

咨覆東豐縣約定派員分劈學田日期文

咨請海龍縣約定分劈學田辦法文

請獎辦學出力人員呈

轉發辦學人員褒狀令

勸告人民注重義務教育白話曉諭

添設國民學校請鑒核呈

籌設私立國民學校列表報請鑒核呈

續辦私立國民學校報請備案呈

修葺學校禮堂舉行祀孔典禮呈

移換文廟地基報請備案呈

建立文廟募捐啟

飭海保區長速在大場園托佛別二處新立屯堡所留公地內建築學舍文
指令海保區長據報在大場園石頭河子托佛別三處學校文

附原呈

指令海甲劉區長呈報松樹溝新建學校工程文

附原呈

飭高等小學校整頓學校園令

通令團林子等處區長整理校園令

籌辦義務教育檢送細則及限期表請鑒核呈

籌設師範講習所呈

四、財政

查催拖欠田賦辦法令

調查白契迅飭投稅令

第六條 各機關公差均須遵守規則如遇有故意違背者准由區長或百十家長稟報縣知事從重懲辦

第七條 本規則自公布之日起施行

禁止鄉間無謂花消布告

爲布告事照得本署迭令禁止鄉間無謂花費三令五申以圖減輕人民担负目前海興區報有路倒本知事親往勘驗恐鄉會預備飯食特親用電話諭知警區甲所不準備辦及至到傷竟又辦齊惡習難除實堪痛恨除將警官甲長嚴加申斥外台行布告日後如有無謂花費定責由經辦人賠償勿謂言之不預也務各凜遵切切此布

勒收商濟公濟兩銀號紙幣請鑒核呈

呈爲遵令查明縣屬商濟公濟兩號發行紙幣資產幣數列具細表並勒收辦法仰祈鑒核事案奉
省長第八十三號令開查各縣商舖濫出私帖動輒荒閉累民迭經通令限期收銷在案現在期限早逾據調查員報告仍有私自流行未能收盡情事各縣知事責成所在並不嚴厲勒收辦法殊屬疲玩應速分別勒限禁絕具報其未經調查員揭報之處仍應查明境內有無出帖商舖即將該商舖之字號資產帖數暨勒收辦法呈候查核倘再陽奉陰違虛應故事惟有分別撤懲除分行外合行令仰該縣查照具覆此令等因奉此達查輝南地居邊僻設治之初因金融梗塞各商號多出使私帖藉資周轉計民國元

一三二等年間陸續出帖者共三十五家民國五年經調查紙幣會委員會同鄭副知事嚴行取締呈准酌留二十二家共出帖五萬四千餘元暫准蓋章行使嗣因家數繁多勒收查驗均屬不便改擬化散為整辦法以縣城各商全體資產作為基本集現金六萬元就商濟當附設商濟銀號發行紙幣八萬二千元於民國六年四月成立收回各商私帖五萬餘元至民國七年因東西豐海柳等縣紙幣太多輝境錢法較緊物價低落農家出產多移往朝陽鎮銷售市面大受影響經公濟當執事人殷明孝請以該當資產十萬零八千元集現金八萬元附設公濟銀號發行紙幣十萬零二千元以資補助經前知事核准發行知事到任後悉私發紙幣為數太多難驗其準備資金尚能充足不至荒閉累民究屬有違功令當經傳集商董暨各該銀號經理勒令設法收回一面咨會鄰縣暨稅局郵局拒不收受布告商民持帖兌換一面派委員逐日赴該兩號實行監視督收半年以來計收回商濟銀號紙幣三萬五千公濟銀號紙幣四萬元其未經收回者尙居多數查其難收之原因約厥有兩端東邊各縣因錢法奇緊均係行使私帖雖禁令時頒仍皆通融使用輝邑僅商會組成之兩銀號家數及帖額均比外縣為少而多家聯保準備充裕信用亦比較為強故雖勒限催收在當地商民多觀望鄰封不來兌換其散在外縣者咨會布告直等具文此其一輝南逼在邊隅三面毗連外省交通阻塞除冬季有糧石菸麻出產能以輸入金錢此外春夏秋三季絕無商賈之交易舟車之往來而官銀雖分莊又久不放貸官家紙幣無由輸入則禁用及兌換均不免艱難此其二積以上兩種原因故催收雖嚴仍未能尅報竣知事攷覈情形對於商

民觀望一層擬仍用禁止行使及派員監視辦法對於官幣缺乏一層擬懇

鈞署令飭東三省官銀號行知輝南分莊多放貸款使官幣足供需要則私幣即易於收回是否有當理

合具文列表呈請

鈞鑒訓示

奉天省長公署指令

呈悉該縣商濟等號發行紙幣既經勒限收回並派員監視仰俟收清即行呈繳查銷並候令行財政廳轉商東三省官銀號行知該縣分莊酌量貸款以維市面表存此令

奉天財政廳訓令

案奉

省長公署第一百四十五號訓令內開案據輝南縣知事王瑞之呈稱（原呈見前茲不重錄）等情據此除指令呈悉該縣商濟等號發行紙幣既經勒限收回並派員監視仰視收清即行呈繳查銷並候令行財政廳轉商東三省官銀號行知該縣分莊酌量貸款以維市面表存此令等因奉此常經轉商該號酌核辦理去後旋據核覆查敵號於輝南所放貸款尙有十餘萬元之多若以該縣市面尙未臻繁盛應已足敷周轉況現屆春融營業口簡紙幣已不需要實非加數出放貸款之時請查照轉報等因准此除呈

報外合行令仰該知事遵照此令

呈請轉飭官銀分號多放貸款接濟市面文

呈爲據情轉讀借貸頃接濟市面仰祈

鑒核事務據縣城商務會會長董毓秀呈稱爲取締私帖錢法奇窘公議抵押借款以資救濟事務查輝
邑僻在邊陲交易不通金融滯塞當地周轉向恃私帖數年來市面興隆錢法活潑實拜此私帖之賜故
歷前任屢奉禁令迄未實力奉行蓋皆具顧全地面之苦衷也我監督蒞任查禁維嚴公令所關商民亦
無詞可說惟念一縣之大既不能以粟易布即須有可供交易之媒介物輝南之面既連外省交通阻塞
平時絕無商賈往來官幣素令輸入之途兩面久呈困窮之象駐輝官銀分號頃應貸款接濟乃誤於小
縣僅放貸欵十二萬元縣境地闊民稠實不足以供需要會長召集各商會議僉以本地私帖關繫商民
命脈今既實行查禁地方將杜絕生機至再籌維擇以本縣房地照作抵押品恩借官幣十萬元以資活

動錢法救濟恐慌謹合詞呼請懇即轉呈

奉天財政廳商令官銀號准予借給以維市面商民幸甚等情據此知事覆加查核該商會所稱困難情
形均屬實在現屆孟秋時節青黃不接需要緊迫知事身任地方不得不爲民請命務懇
約廳體會邊縣困苦情形准如所請轉商東三省官銀號破格救濟以維金融實爲公便理合據情轉呈

即請

鑒核示遵施行

奉天財政廳指令

呈悉已據情轉商官銀號酌核辦理應俟函覆再行飭知此令

奉天財政廳訓令

案查前據該知事呈稱以取締私帖錢法奇竊請抵押借款以資救濟等情當經本廳函商官銀號酌核辦理去後茲准覆稱查該縣現因實行取締私帖市面錢法吃緊當屬實在情形自應准予貸款接濟敝號擬准籌撥款項發交該分莊酌量情形隨時出貸其貸款一切手續仍照敝號向章辦理覆請轉飭遵照等因准此合行令仰該知事即便遵照此令

呈報縣境商帖禁絕請飭公濟平市錢號設莊貸款接濟市面文

呈爲據情轉請在輝分設公濟平市錢號酌期貸款以資接濟市面仰祈

鑒核事竊據縣城商務會會長趙從善呈稱爲商帖禁絕市面危險懇請分設公濟平市錢號酌期貸款先時經本地紳商創辦公濟商濟各銀號發行紙幣貸放商民接濟商貿之振興補助農人之開墾用意不爲不良自我監督到任以來遵奉功令定限勒收將各銀號所出紙幣一律取締禁絕現在只剩海龍東豐商帖周轉市面而輝城驟少七十餘萬之錢交易直無媒介之物職會有維持商務責任目賭市井蕭條景象不禁慄慄危懼查輝南地方平素絕無金錢流入僅每年冬底以所出糧石木料菸麻油靛等

土產換來幾許金錢然縣署解款統捐解款林捐解款商鋪由裏城買貨走款不數月間即外溢淨盡金融爲地方命脈若不急思補救市面何以生存故職會再四籌思更番集議於無可如何之中思一救濟之策擬仿照海龍縣山城鎮朝陽鎮各處辦法呈請省城公濟平市錢號分設輝南縣城無論商民如有抵押品或有殷實妥保即能貸款按期歸還如此則輝南之錢法可以疏通商民之危困可以復活即秋成後農家之土產商貿之交易亦不致奉票缺如興有市無錢之嘆職會爲救濟市面恐慌商民交困起見故不揣鄙陋冒昧陳情所呈是否有當仍懇鉤署鑒核備文呈請

財政廳核准飭公濟平市錢號分設輝南貸放商民實爲公便等情據此查輝南地處邊陲錢法滯塞絕少官幣之輸入向恃商帖以周轉在民國三四年商號發行蠟帖者至三十二家之多後來化散爲整組成商濟公濟各銀號發行紙幣數達七十二萬餘元自知事到任違令勒收二年之間收回六十八萬餘元在縣焚燬十一萬餘元解繳

鉤廳五十七萬七千元其餘尾數散在各處早已禁止行使不難收淨惟輝南設治僅十一年並無富商鉅賈全仗貸使商帖營業現爲勒收私帖將貸款一律追回而爲銀號股東者六十餘家復因勒收紙幣虧賠股本至二十餘萬元破產傾家者不少雖經知事百計圖維商帖勉強收清市面未至動搖而其困苦情形實有岌岌不可終日之勢該商會所稱市面恐慌商民危困委係實在情形當此青黃不接需要緊迫之時知事身任地方不得不爲民請命務懇

鈞廳俯念邊縣困苦情形准如所請轉商公濟平市錢號分設輝邑以濟地面而維商艱實爲公便理合

備文呈請

鑒核示遵施行

奉天財政廳指令

悉仰候商官銀號覆到再行令遵此令

組織儲蓄抵擋會令

查本縣上年災荒又值收禁私帖錢法萬緊今年農民種地僱人用錢吃糧用錢求借無門賣地無受主正是俗語所說的捧着金碗討飯吃本知事於上年冬季即洞悉困苦景象憂心如焚曾召集農商兩會長各區區長籌擬組織儲蓄抵擋會當衆勸認股欵三萬餘元並擬推地方收捐主任朱炳南經理其事農會張會長各區區長及地方富戶共同輔助預備今春貸給農民嗣因錢法太緊認股紳商迄未繳欵現當青黃不接之際勢難再事延緩本知事意見此會應在農會內附設一面提前認之股一面添招新股收入股欵每月按二分生息年終另分紅利此種辦法在入股人既有錢利可得而農民復得以接濟困危發了財又救了人想爲地方紳富所樂爲也茲草擬辦法數條發該會參酌辦理此令

儲蓄抵擋會草章

一本會純爲救濟農民困苦而設係臨時組合附入農務會內一俟錢法鬆通再行酌定進止

二 本會專由地方紳富湊集款項轉放給本地農戶

三 本會收入股款即時立具儲款息摺每月按二分生息年終另勞紅利

四 本會放貸以本縣之土地契照作抵押品利息三分償還期最長限六個月

五 本會放貸限於實在困乏之農戶每戶至多不得過二百元

六 凡以地照押錢者須出具妥實承還保鋪戶或地方紳富均可

開設商舖須遵照管理營業規則辦理令

查開設商舖必須遵照管理營業規則辦理然後方准成立近查本城小商舖往往僱債潛逃市面既受影響商民亦多受累長此以往其何以堪本署爲杜漸防微維持商業起見合亟抄發章程令仰該所長立即遵照通行管理營業規則派警將現在城內各商舖查明資本確數取具殷實舖保發給營業執照日後新立者亦即遵章辦理並由該所布告週知勿稍違延切切此令

計附章程如左

通行營業章程

第二條 凡欲營各項工商者須開明左列事項分別稟報該管警檢官署

一 營業者之姓名年齡籍貫住址

二 經理人之姓名年齡籍貫住址

三 營業種類 如係數種營業應分別稟報

四 資本總數 如係合股應註明各股東認款數目

五 開設地點及門牌號數

六 有無總支店坐落何處

七 房屋間數及房屋是否自有或租賃

八 豬徒人數

九 開始營業之年月日

十 字號名稱

十一 商標及票據式樣

十二 照章應領之帖照

第三條 依前條之規定已經報明各事項如有變更時應隨時稟報該警察官署

第四條 凡開始營業稟報時須取具資本相當之鋪保木印以爲保證

第五條 凡開始營業者經該管警察官署核准後發給營業執照方准營業前項營業執照得因地方

情形酌收照費但不得逾資本全總額千分之三

第六條 凡營業之遷移轉租倒租廢業均稟報該管警察官署更換或繳銷原領執照

有各鋪戶門前栽植之樹即責成該商民自爲照料加意培植倘漫不經心致樹株萎枯應令該商民賠償補種如有外人毀傷亦令報知崗警或本公署以懲罰辦除布告商民一體知照外合行令仰該所長即便飭屬遵照辦理切切此令

飭商民將沿街新植樹株妥爲保護令

爲布告事照得沿街新種樹株亟宜加意培養俾安土生根來春始有向榮之象城廂地段寬廣警察保護難周所有各鋪戶門前栽植之樹即責成該商民自爲照料加意培植倘漫不經心致樹株萎枯定令該商民賠償補種如有外人毀傷務即報知崗警或本署以懲罰辦除飭警所隨時查察外合行令仰閩屬商氏人等一體知照切切此布

飭商民各將門前樹株乘時踏實并用水澆灌以冀滋長令

爲布告事照得本城年前所栽樹株時當寒冷培植不甚堅實現屆春融地氣上升正樹木萌芽之日應由各鋪戶各將門前所植樹株乘時用力踏實四周將土堆圍並用清水乘時澆灌以濕發榮滋長本公署已諭令崗隊巡官并派人分投查察遇有不遵辦者即傳該鋪主人從重罰辦若有毀傷並責令賠種決不寬貸以重樹政合行布仰閩城商民人等一體知悉其各凜遵毋違切切此布

籌修輝南公園募捐函

逕啟者本城市面興通人煙日稠亟宜闢置公園以爲公共遊息之所查兩等學校游戲場附近有樹木

多株基礎已具須廓規模因勢利用辦理較易已由本署派員督工移植樹株平治道路挖修水池以造成良好之風景惟既爲公衆遊息處所即應酌建亭榭以備遊人休憩並須裝置假山栽種荷花及各種花木以悅眼簾而暢胸襟凡此種種設備須籌的款茲由本知事倡捐大洋一百五十元惟獨力難成衆擎易舉素稔

台端熱心公益諒荷贊同即希

惠挹廉泉量力捐助多固爲美少亦無妨俾成雅事潤飾城闕幸甚爰修短啓請列

台銜此致

附輝南公園記

輝南本前清鮮圍場光緒四年乃開荆斬棘度地居民宣統二年始設治於謝家店境之東南峯巒叢雜林壑深邃西北即輝發江環繞如帶縣城基址橫廣數千畝軒露開爽左龍首右鳳頂排捫並峙盤糴台
李頤據形勝余於己未夏來守斯土攬山川之靈秀物產之富饒人民之醇樸有蒸蒸日上之勢爰刻意經營力謀生阜兩週歲出野大闢貨財日聚商賈藏於市行旅出於途穰往熙來民用康樂因思芸芸有衆終歲勞苦宜有以佚之縣署東北隅有隙地荒廢久雜樹生焉勢稍褊轉而見深可資游覽乃於本年春撥工修繕相其勢植嘉木就小渚爲曲池中栽菰蓮上圍蒲柳畚土爲阜樹石狀山高逾仞上建茆亭登眺則林莽川阿蔚然列目浮水爲榭通以野杓因勢而利用之彌月工畢告竣犯力未役一民用錢七

百餘元爲余之俸餘及士民之貸助其銜名坊以表之事竣庶民來遊者踵相接入門勿禁物我俱妄蓋取古人治園圃之義與邑人同其樂也雖然此園之闢置不過蠶立基緒今後輝邑日興月盛則此方里之園民以未小也必然開拓而踵修之是則有待於後之君子中華民國九年孟夏太原王瑞之記

教育

咨請海龍縣分劈學田文

爲咨覆事案准

貴縣咨開據教育會呈以海輝學田省議會議決之案不能甘服與會公決否認分劈咨請查照等因當經令知公民陳宗舜等在案茲據呈稱窃海輝學田理應秉公分劈歷經呈請暨省議會議決

省長通令照辦各在案乃海龍教育會長蔡雲路等覓強詞辯論抗不遵行蔑棄公理莫此爲甚茲查伊等咨覆辯論各節如稱此項學田並非海輝未分治之先由公欵報領關係前海龍總管依凌阿由商民公司卽地方銀號性質依總管主管其事墊價報領原領十方經依總管售出六方歸還該商民公司原墊之款下餘四方卽是餘利適值興修文廟書院遂將此地撥歸學田爲歲修文廟及春秋祀典之用及學校創興卽割歸學款項下不啻依總管以商民公司名義報効學款者等語查此項學田置買在海輝未分治之先人人所知固無論由何欵報領旣分之後海人輝人應分享其利此理甚明何待詳辯卽伊所云依總管報領情節亦謬誤之甚不得不一陳之先時修建文廟書院由三十六社勸募樂輸捐共十

八萬吊其交到之數共十五萬吊此款均存在商民公司乃光緒二十八年事也依總管卽由本年一面用此款興工修建一面用此款報領學田二十方一欵兩用同時並舉經手人即該公司經理朱顯廷閻肅安二君証人具在一向便明至二十九年工竣共虧款六萬餘吊依總管乃將此地平段賣出六方得價九萬吊以資彌補所餘之地多係山荒畝當時縮爲四方以省課賦是依總管何嘗墊價何嘗報効更何有餘利可言且學田云者原爲建設書院以備養士之資何得指爲祀典所需海龍素多明達之士此事何竟飾詞如是又稱報領浮多係前學董蓋形誥以追繳各校學生學費項下動用是此學田既未動用樂輸捐亦未動用畝捐輝南實屬有意欺蒙賴地等語查海輝未分治時無所謂海人輝人各校學生尤無海輝之分卽由現在而論當初被追繳學費者輝南學生亦正不少如謂用學費報領浮多是輝南對此學田原領既應分一方省議會議決僅分原領一方夫豈事理之平足是賴地之咎應歸輝南抑應歸海龍明理人當自辨之又稱輝南設治在宣統二年此學田如應分劈設治之初何竟安於緘默今隔十數年之久無端生此無謂之爭等語查輝南設治伊始百政待舉本無暇及此乃當時亦屢次以言語爭論不過未形諸公牘故該教育會諸人不知其詳耳及自實行爭分以來現又荏苒三年何謂無端之爭況凡事論理不論年理苟正當年豈能限統觀該會所辦各節均屬強詞奪理不顧事實其餘所稱此項學田列入學款預算及分治時上縣何以不命令行之等語更屬不成理由無煩多辨總之此項學田置買在先分治在後且並不在海龍界內海龍斷無獨得之理非照議劃分決難甘休爲此具文呈請

鑒核轉咨即時分劈毋再宕延等情據此查此項學田既經省議會議決咨由
省長公署飭縣遵辦自未便延不執行除轉令外相應咨請貴縣請煩查照仍遵省令辦理並希從速賜
覆是所至盼

咨催海龍縣速分學田文

爲咨請事據公民于龍辰等面稱案查海輝分劈學田一案於民國九年五月三日奉職署令轉海龍縣
公署咨開以此案業經飭據教育會覆稱本會邀集員表决仍俟於民國八年九月二十一日早謂縣公
署轉呈省議會提案覆議後奉有公文如何辦法再行核奪等因在案迄今時逾九月並無眉目仍舊延
宕殊屬狡猾茲由民等公推代表孫煥章等趨赴海龍授案分劈懇請轉咨

貴縣查照省議會議案並

省長公署令文秉公辦理毅然執行等情前來查此案奉令執行久未結束具報實非所宜該公民等面
請理由尙屬正當相應資行

貴縣請煩查照仍遵省令從速辦理至紳公誼

咨覆東豐縣約定派員分劈學田日期文

逕覆者案准

貴公署函開案奉

教育廳轉奉

省長令開輝南縣士紳孫煥章等呈請飭縣遵令分劈學田一案仰教育廳迅予派員會同海龍東豐兩縣知事查案秉公強制執行以資清結等因相應函請查照希即擬定前往分劈學田日期速覆等因准此當經轉知勤學所長遵照派員茲據聲稱定於七月十日前往分劈學田相應函復

貴縣希卽查照

咨請海龍縣約定分劈學田辦法文

逕啓者案奉

教育廳訓令第三千四百號內開案查海輝士紳互爭學田一案疊奉

省長令派員澈查等因當經委派省立第五師範校長侯德錫前往澈查旋據呈復到廳並轉呈

省長在案茲奉

指令內開此項學田既係借用庫款報領自應仍照原案酌予分劈不准再有爭執仰即轉令遵辦具報等因合行鈔黏原呈令仰該知事會同海龍縣知事辦理具報切切此令附鈔件等因奉此除令勸學所遵照外敝知事擬於本月五日親到

貴署會商辦理以期速結相應函達
查照

請獎辦學出力人員呈

呈爲縣屬高等小學校長王榮及教員楊均青勤學員白雲峯等任職均逾五年請分別給獎仰祈

鑑核事竊據勸學所長于龍辰呈稱竊查修正教育成績審查會章程第十條內載凡在教育界服務三年以上著有成績並五年以上著有特別成績者均有應得之獎勵茲查縣立高小校長王榮由民國四年春季到校任職扣至八年底連任已逾五年該校學生共計七級歷期畢業升學各生實屬不乏足徵該校長教管有方訓練認真成績卓著擬請從優獎叙又查該校正教員楊均青由民國三年七月到校任職扣至八年底亦逾五年其間教授各級學生畢業生學者爲數甚鉅是發員教授勤懇始終不怠又查樓街國民學校副教員紀寅賓輝發城國民學校正教員王樹聲托佛別國民學校正教員曹培元驥立女子國民學校副教員矯貴珍等均由民國四年春季到校任職扣至八年底均逾五年該教員等均屬教授勤勞不遺餘力又查勸學員白雲峯由民國四年春任職現在已逾五年其勤導添級增校爲數不少實屬勤導盡力成卓著又查大場園學務委員董毓秀由宣統二年任職現在已逾十年平安川學務委員王家邦由民國四年春任職現在亦逾五年該兩員或辦事出力或勞怨不辭不無微勞足錄以上教職各員任職均逾五年其所有成績暨省道縣視學歷期查學報告均極嘉許核與請獎定章相符若不請予獎叙實不足以昭激勸而勵勤勞理合繕具各該員等履歷表具文送請轉呈等情前來知事覆查無異理合備文呈送即請

鑒核分別給獎施行

計送履歷表一本

奉天教育廳指令

呈悉仰候彙核辦表存此令

轉發辦學人員褒狀令

案查本公署呈轉縣立高小學教員楊均青等任職均逾五年請分別給獎一案於本月十一日奉
教育廳頒發辦學人員暨教員董毓秀等褒狀八張郵寄到縣合行檢同褒狀令發該所長即便遵照轉
發各該員一體查收是爲至要此令

計發褒狀八紙

勸告人民注重義務教育白話曉諭

聚集人民而成一國所以國家的盛衰強弱全在乎人民的知識道德能力要求國民都有這三樣是必
得自幼加以培養現在設立的國民學校就是爲發育兒童的身心培養兒童的道德並教給他生活必
要的智識所設的這們看起來爲父兄的要想子弟的身心發達有國民的道德智識能彀自立生活無
論他日後是爲農爲商爲工或是研究政教藝術就必定從小使他就學這就是爲父兄應盡的教育義
務現在世界交通是一個生存爭進的時代與從前大不相同了蒙昧愚拙的民族萬不能佔優勝勢必

處處受人家的壓制生活一天比一天困難我們中國自從改革以來也很注重國民教育但不過都會市鎮和那開通較早的縣分學校已經多數設立我們輝南開闢年淺風氣未開更得趕緊的提倡普通國民教育無奈你們鄉民多不明白義務教育是應注重的事情雖有拿子弟讀書識字爲事的也不過請個先生教讀並不管好歹一般塾師既不明白世界的大勢合教育原理又不知道體會兒童的心性與國民應有的常識漫令誦讀管理無法直把兒童寶貴的光陰白白耽誤試向爲父兄的要盡力攻子弟念書是爲什麼豈不同自己誤了一樣嗎本知事本國家教育宗旨體察我們輝南的情形要爲你一般青年子弟謀個自立生活故此把興學一事視爲急務業經詳細籌畫分配學區調查學齡並以員分區勸導但是官家雖然百般的提倡輔助你們還得要你們爲父兄的都拿本知事的心爲心圖個在子弟就學上着急熱心創辦就近有學校的屯子一律令子弟入學沒有學校的地方趕緊聯合創立聽勸導員的指導或是就近各村籌集款項或能撥出公共學田一經呈報本知事立准照辦倘地方財力實有不及尚可量予補助總期一律觀成至於那住戶太少不便就學碍難成立學校的村子原有私塾可以仍舊設立但是你們一般爲塾師的必得要知道研求教科改良教授管理務要合乎國民教育宗旨如果能以合法雖然人數不足也把你們與小學一律看待作爲代用學校等到人數足班教有成績就可以改爲國民學校若因程度不合尚可爲你們設立講習所考入補習養成完全教材免被淘汰但是你們必須遵照我的意思趕緊改良教授並極力勸導兒童就學倘要是謬於固陋或是陽奉陰違本知

事不時派員攷查以你們教法合否和學生就學多寡爲去留標準立予取締解散另派塾師管理以免誤人子弟除將創立小學計畫和那改良私塾的各項規則詳細規定派員分途勸辦外還恐你們大家觀望特再把這義務教育的大意和急當注意的理由簡明的爲你們說說要知子弟青年光陰可貴總然財力艱難也要勉強補助他求學不然少小失學老大悲傷甚或流爲無業你們爲父兄的誰不盼子弟好還不知道趕緊注意嗎特諭

添設國民學校請鑒核呈

呈爲具報縣屬籌設私立國民學校填列調查表送請

鑒核事案查本年一月十九日奉天公報內載

鈞廳令開前爲提倡私立小學擬具簡章呈請

省長核示在案茲奉 指令照准飭即通令遵照合行鈔黏原呈令仰該知事遵辦具報並黏貼簡章出示曉諭城鄉一體週知勿忽附原呈簡章等因奉此遵卽抄發原呈簡章令行銷學所長于龍辰遵照辦理一面黏貼簡章布告闡屬一體週知在案茲覆稱現在城廂內外共成立四處編爲一二三四私立國民學校名目以便資考鄉間如蛤蟆河廟林子暨平安川等處各設立一校統計城鄉共成立七校學生計共一百七十三人所有教員資格及一切籌備事項均詳細列表送請查核轉呈等情前來

知事覆查無異理合具文呈送卽請

禁止鄉民巧立大押小租名目圖省典稅布告

飭催立屯換買地基各戶從速稅契令

攷核警官調查白契成績填具比較表請備案呈

飭發各警區經售官契紙月報表式令

布告典買地畝非官契紙不准稅契文

呈送印花稅成績表文

整頓畝捐布告

籌解歷前任拖欠省廳鉅款令

附原呈

試收斗捐布告

試收屠宰捐作辦學專款請鑒核呈

五、實業

頒定種樹簡章並禁鄉民濫伐暨毀傷糧林佈告

勸導植樹並依例在公園校園舉行植樹典禮令

勸興農林畜牧白話曉諭

擬定督勸墾荒章程勸民開墾令

六、交通

呈報縣境設置電話情形文

呈報縣境榆樹岔等處電話竣工通電情形文

呈覆縣屬長途電話早經設置文

籌修輝濛往來道路令

咨請濛江縣協商修路辦法文

附濛江縣咨覆地方凋敝無力修路文

呈報修治縣道里道辦法文

籌擬修築濛江道路請核示呈

函請濛江縣派員會勘路線文

飭警偕同工頭躡勘路工令

飭三區巡官督修西股鋪板石磬爾嶺各道路令

飭二區區官督修東股四岔抵老嶺一段道路令

飭警所派林警遵照批單督修濛江縣境道路兼任保護令

鑒核施行

計送學校表一分

奉天教育廳指令

據呈已悉表存此令

籌設私立國民學校列表報請鑒核呈

呈爲具報縣屬籌設私立國民學校填列調查表送請

鑒核事竊據縣屬勸學所長于龍辰呈報查民國九年上學期縣屬城廂內外籌立私立國民學校數目
業經遵令填表呈報在案茲據覆稱本年上學期四鄉先後繼續成立者如中央堡第一第二私立國民
學校兩處一二岔第一私立國民學校一處大肚川第一私立國民學校一處大央第一私立國民學校一
處高家崗第一私立國民學校一處共成立六處學生共一百零五名及教員資格一切設備等項均詳
細列表送請查核轉呈等情前來知事覆查無異理合備文呈送即請
鑒核施行

計送學校簡明表一紙

奉天教育廳廳長指令

呈表均悉仰仍切實籌設具報表存此令

續辦私立國民學校報請備案呈

呈爲具報縣屬添設私立國民學校列表請

鑒核事竊據勸學所長于龍辰呈稱竊前奉

鈞署訓令提倡私立國民學校在案本年下學期遼即竭力勸辦以冀教育普及現在新經成立者計杉
松園第一私立國民學校輝發城第二私立國民學校中央堡第三私立國民學校共計三處學生六十
六名至學校地址教員姓名資格教授學科校舍間數學生級數及人數學費等項均詳細列表送請查
核轉報等情據此知事覆查無異除逕分查核外理合檢表呈請

鑒核施行

計呈送私立國民學校簡明表一紙

奉天東邊道尹公署指令

呈悉該知事熱心學務勸導有方深堪嘉尚仰仍籌添校舍以廣學額務期教育普及是所殷盼表存備
查此令

奉天教育廳指會

早悉仰即督飭認真辦理此令

修葺學校禮堂舉行祀孔典禮呈

呈爲遵令聲覆修葺學校禮堂舉行祀孔典禮文廟須緩年興修情形仰祈

鑒核事民國八年十二月二十四日奉天公報內載

鈞廳令各縣及時卜地興修文廟如實因財力不充可於學校禮堂舉行典禮限文到半月內先將規畫情形具文呈覆等因奉此知事遵查本縣地處邊僻財力奇絀興修文廟需款較多一時力有不逮業經召集勸學所長于龍辰教育會正會長王榮副會長王樹聲開會集議僉稱須暫緩歲時再行籌辦爰議定擇於本城縣立高等小學校禮堂內略事修葺以備舉行祀孔典禮等情在案理合具文呈覆即請

鑒核施行

奉天教育廳指令

呈悉該縣地處邊僻所陳財力奇絀自係實在情形在縣立高等小學校禮堂內舉行祀典應暫准照辦此令

移換文廟地基報請備案呈

呈爲縣城文廟基址偏僻擬對換正號街基以備修建祈

鑒核備案事窈查前奉

鈞令飭卜地繕修文廟以備春秋丁祭一案業經事知以財力支絀請稍緩歲時即行籌辦等情呈奉
指令照准在案茲查輝邑文廟基址當宣統二年設治時經薛前知事於縣城東北隅撥留附城地基二

號逼在城隅太嫌偏僻且位置東北亦不適宜現據勸學所長面晤查商務分會會長董毓秀在城內二道街置有正號街基二號位在東南堪作建築文廟之用擬以原留地基與之對換等情知事覆查該街基坐落城中地點既好且較原留廟基長出五丈對換甚屬合宜經諮詢士紳衆意僉同除令知勸學所查照外理合具文呈請

鑒核備案

奉天教育廳指令

如呈備案此令

建立文廟募捐啓

聞之觀水者首推夫海言道者必歸於聖我孔子總羣聖之統立萬世之範謂之水中之海聖中之聖誰曰不宜故自漢以來凡建極立國者莫不隆其典禮首先示尊崇即下至一省一邑亦皆敬修廟宇饗以太牢舉千古之前賢往哲一一從祀而表揚之匪惟明景仰之殷抑亦見夫子之道如日月經天江河行地固一日一人不可離者也輝南設治十有餘稔凡百規模端倪粗具惟此一役尙屬闕如茲者政通人和擬在縣城東南隅剏建文廟一所以奉春秋之享獻但茲事體大獨立難支所賴與人爲善之君子慨解廉囊共襄義舉俾禮門義路閑士民出入之大防壁水泮池作社會鑑形之止水崇祀孔禮近聖人居勵世作人端在於此較之放生建橋諸事其功德之相去奚翅雲泥語云人之向義誰不如我如有破格捐

諭者敬特虛左以待

飭海保區長速在大場園托佛別一處新立屯堡所留公地內建築校舍文

查大場園石頭河子托佛別三處自闢設屯堡以來商民嘗集市面逐漸興通亟應籌備的欵在各該處所留公地內趕速鳩工建築校舍以資擴充學務爲此令仰該區長立即遵照辦理具報勿稍違延切切此令

指令海保區長據報建築大場園石頭河子托佛別三處學校文

據呈該區修築及購置學校情形覆食均符應于備案此令

附原呈

爲呈報事竊奉

鈞令飭在大場園托佛別石頭河子等處新立屯堡內籌建學校等因區長遵經向各處會首計議多次初因籌款爲難未能早日辦成自前月監督親到勸辦衆花戶均無異詞遂經議定大場園處置買李金印房院一所地基六畝正房七間東南西北有炮台二座托佛別處置房七間現正修築圍牆石頭河子處在保甲所西隔壁建築校舍七間地基已修好房工由二名陳會首包妥明春準能竣工以上三處校舍均甚合用理合呈報

鑒核備案

指令海甲區劉區長呈報松樹溝新建學校工程文

據呈建築學校工程業經本知事親往驗收工程尙屬實在准予備案此令

附原呈

呈爲具報建修學校告竣暨一切花項繕具清摺仰請鑒核事竊因前奉鈞諭創立國民學校並建築校舍等因遵即於春季興工動土運用木料即行修築經營始成所需土木工及一切等項花費共除洋一千七百十八元零一分附有繕具清摺將各項花費數目分晰詳列均經確實業已將學校營造完畢除修築告竣外理合具文呈報鑒核查閱施行

飭高等小學校整頓學校園令

案查前年諭令王前校長築在校東隙地開置學校園業經成立惟僅栽樹木種菜蔬不足增長實業上完全智識應督同教員率領學生培養各種植物合令該校長即便遵照辦理切切此令

通令團林子等處區長整理學校園令

爲通飭遵辦事案查團林子輝發城中陽堡蛤蟆河興隆堡平安川等處均於上年經本知事督飭置有學校園專爲種植菜蔬瓜果以備學生研究植物之用乃昨開教育會議詢據各校長面稱會首對於學校園每有視爲會產任意處理者殊屬非是茲特通令各該區長應即將此項園圃永久指作學校用地不得隨便處置致礙教育是爲至要此令

籌辦義務教育檢送細則及限期表請鑒核呈

呈爲遵令補送縣屬勸學所籌辦義務教育細則及限期表具文呈請

鑒核事務查前早勸學所籌辦義務教育細則一案奉

鈞廳指令第一〇八八號內開悉查送到分期義務教育表內第一區之縣城擬於民國十五年六月辦竣爲期太緩籌辦義務教育細則亦應另行擬定補送備案此令等因奉此遵經令行勸學所遵照辦理去後茲據覆稱遵即將籌辦教育細則詳細擬定繕列清摺送備查核惟分期義務教育表前擬縣城於民國十五年六月辦竣爲期固屬太緩然按諸本地情形如照定章於十二年六月辦竣實在不易茲參酌現在情況及漸進手續另定辦竣年限列表呈請轉報等情前來知事覆核無異理合備文呈送即

請鑒核施行

計呈送籌辦義務教育細則清則一扣

輝南縣籌辦義務教育細則

第一章 總則

第一條 本細則以實行義務教育參酌本地方情形制定之

第二條 本細則由勸學所督同勸學員及學務委員區長實力進行之

第二章 學齡及學齡兒童之調查

第三條 凡兒童自七歲至十二歲為學齡期學齡兼男女而言

第四條 凡學齡兒童均應受國民學校之教育違者應強迫之

第五條 凡年長失學兒童在十八歲以下者不得入國民學校受同一之教育

第六條 調查學齡兒童應責成勸學員及學務委員各區長認真辦理並由學務委員區長於每年終

開具本區兒童就學及未就學人數冊送勸學所彙案呈報備查

第七條 調查學齡兒童表應依式印發各區以期劃一

第三章 師資

第八條 調查本縣之人由本處或他處中學師範畢業者均詳細註冊以便增設學校時酌量選派

第九條 本縣設立師範講習所最為切要擬籌有的欵即呈請開辦以儲教材

第四章 學區及學校

第十條 本縣向分八大學區每區均設有學務委員及區長茲擬按每區之地勢劃分若干段即責成

學務委員區長擔任調查學齡一切事項

第十一條 凡城鄉百十家長均有協助本區學務委員及區長辦理學務之責任

第十二條 學務委員區長百十家長辦理一切學務均係義務不支薪費

第十三條 各區國民校畢業人數較多時即籌設高等小學如財力不足可與他區聯合立之

第十四條 各區應設國民學校若干處即以學齡兒童爲比較如有兒童四五十名即設一學校或人數不足一校可以與他區聯合設立之

第十五條 各區應設學校若干處由勸學所會同學務委員區長商酌定之並呈報縣署備查

第五章 學科

第十六條 各區增設學校如修身國文算術體操等科均不得缺少且須採用部定讀本至手工音樂體操等科可以臨時酌核之

第十七條 凡各區增設學校所聘教員須受過新教育具有科學知識者

第六章 設備

第十八條 國民學校之設備最關緊要者爲黑板講台棹檻等項不得缺少

第十九條 國民學校地址教室無論公地或租借雖不求完美但於採光通氣等項必須適宜以重衛生

第二十條 國民學校開辦費及經常費由勸學所會同本區學務委員區長就地籌辦並呈請縣署備查

第二十一條 各區所有學款即由學務委員經理之每學年終應將本年收支數目造具清冊送由勸學所彙報備查

第二十二條 凡確係家道貧寒強迫入學之兒童可免收學費

第七章 罰罰

第二十三條 兒童達就學之期經學務委員區長勸告後即開列名單知會百十家長就近催促之如

催促三次無故不入學者呈請處罰

第二十四條 凡有意破壞或阻撓學務及抗不納本處應攤之學款者呈請縣署處以相當之懲罰

第二十五條 凡關於學務所收入之罰金均作爲本地興學之費不得移作別用並不得移作他區學

校之款

第二十六條 各區辦學人員有不合本細則強自立異者勸學所得令改正之

第二十七條 縣視學查學時遇有前項情事得呈請懲處之

第二十八條 本細則施行後各區辦學人員如不認真力行經勸學所查明呈請縣署懲戒之

第二十九條 各區辦學人員如實有成績者由勸學所查明呈請縣署按地方興學考成條例轉請獎

勵

第三十條 本細則如有修改時須呈請縣署轉呈核准行之

奉天教育廳指令

皇及附件均悉所有各區辦學年限清單既經更正細則亦訂定補送查閱尙屬妥協仰即督飭辦學人

員切實經理其應辦各項事宜隨時呈報備查摺表存此令

籌設師範講習所呈

呈爲遵照籌辦義務教育程序擬設師範講習所以儲教材仰祈

鑒核事竊查籌辦義務教育必先培養師資方可次第進行茲經督飭勸學所長于龍辰籌備設立師範講習所去後茲據呈稱查設立師範講習所誠爲刻不容緩之事惟本縣境僻款絀無論辦何要政均極困難茲於困難之中籌一簡易辦法擬於暑假後招收講習生一級附入高小校內即由高小校長兼管理責任所有課程除增加主任教員一名外由高小教員各盡其長分科擔任以臻完善薪水一項主任教員擬月給小洋三十二元兼任各教員擬每人每月津貼小洋五元學生膳費擬每人月補助小洋二元其不足之數及書籍等費均由自備所內雜支擬每月支小洋二十元以資撙節以上花費計主任月薪三十二元高小校長教員十名計月需五十元學生以三十名計算月需六十元再加雜費二十元統共每月合小洋一百六十二元按十一個月計算年需小洋一千七百八十二元即由地方公款項下特別開支以便及時成立如此辦法實屬省之又省費欵不多事亦辦到舍此似別無善策是否有當理合具文及擬具簡章一分具文呈請核轉等情前來理合檢同簡章一分備文呈請

鑒核指令施行

計呈送簡章一分

輝南縣師範講習所簡章

第一章 總則

第一條 本所造就師資以備實施義務教育免致教材缺乏為主旨

第二章 學年及級額

第二條 修業年限定為二年以資深造而收實效

第三條 擬先招一級定額四十人如招生困難人數過半亦即開辦

第三章 學科

第四條 所授科目除遵章教授外並審查學生程度擇要特別注重之

第五條 各科書籍均須自備或繳現價由所代為購辦

第四章 入學資格

第六條 凡志願入所肄業者須具有左列之資格方准收錄

一 在高等小學畢業者

一 曾充私塾教師者

一 文理明順品行端正者

第五章 入學試驗

第七條 入學試驗（國文）（算術）

第六章 保證

第八條 凡攷入本所者須具志願書及保證書

第九條 保証人須經本所認為適當者方為有效

第七章 學膳等費

第十條 學費一律免收惟膳費除每人每月補助小洋二元外其不足之數及薪炭等費均由自備至所內一切雜支則由公款動用

第八章 退學及懲戒

第十一條 凡違犯校規屢戒不悛業經開除及無故退學者均追繳在校時學費以資儆戒

第九章 服務

第十二條 凡在本所畢業者須在本地服教職一年以盡義務

第十三條 本簡章如有未盡事宜得隨時修改之

奉天教育廳指令

呈暨簡章均悉該縣十年度教育經費預算既未將此款列入應候彙案咨行財政廳核覆到日再行核辦簡章存此令

財政

查催拖欠田賦辦法令

案查民國七年度應征經征尾欠田賦暨帶征前清宣三民元二三四五六等年田賦爲數甚鉅前因省令勒限綦嚴萬難再延曾經開單會催在案惟查此項拖欠年限已久或因業主他往或因地不堪種若不從根本着手終恐無清結之期茲由本署酌擬辦法數項令仰該區公巡官立即按照前令單開欠戶遵照此次擬定辦法認真查催毋得稍有玩延致干未便切切此令

計開辦法如下

一凡催欠戶務須查驗該戶歷年糧票如無即係拖欠令於卽日內來署補納或有抗延卽將該欠戶傳送來署以憑押追

一按照前令單開欠戶逐細詳查如業主他往或居別縣所欠課賦卽令該承租人先行代納予限自找地東索償倘如推諉即傳該租戶來署以憑斟詢辦理

一業主租戶均無從查催僅有地已荒蕪者即行取具四鄰切結送縣備查

一此次查催田賦爲清理積欠起見限本年陽歷七月底止掃數催齊如逾限不能清完定行呈請查封另放該區警應隨時勸告以期家喻户晓

一此次所擬辦法爲日後查封另佃之根據該區巡官務須選派安警仔細辦理不得稍有疎忽倘有不

實不盡之處各該區巡官均應負責

調查白契迅飭投稅令

查田房契稅前奉

財政廳令將賣六典四由八年七月起作爲永久定額其遠年未稅白契即至本年七月一日取銷免罰辦法等因曾經通令遵照在案近日以來投稅者甚屬寥寥是非明定責成不足以資警頓茲擬責令各警察區巡官各總甲長保長各將管界內民戶從前未稅白契逐一查明具報備查嗣後請管界內遇有典賣不動產之行爲者須諭令購買官契紙即日赴縣報稅一面將賣買主姓名具文報告本署查核至少須一個月報一次無人賣買亦須呈明各該區巡官總甲長保長等如不實力查催或徇情庇護定行撤懲除分行外合行令仰該區官
印長即便遵照辦理勿違切切此令

禁止鄉民巧立大押小租名目圖省典稅布告

爲布告事查本縣鄉民典地多用大押小租名目希圖省稅動起糾葛茲爲確定人民權利起見特行禁止嗣後凡典種田地均須正式立具典契遵章納稅倘再巧立名目圖漏國稅一經查出或因訴訟發見定即照章罰辦其各凜之慎之切切此布

飭催立屯換買地基各戶從速稅契令

案查上年新立屯堡所移各戶換買之屯基地故白契應於設立屯堡之日起算六個月內來署稅契以

得定章現在期限已逾投稅者寥寥無幾殊屬不尙爲此通令謹申長官遵即選派安寶等員逐屯按戶明白曉諭催令換買屯基各戶速即來署稅契如經此次通令之後不即稅契者一經查出或經人告發定予照章罰辦決不寬貸仰即遵照辦理勿任推延此令

考核警官調查白契成績填具比較表請備案呈

呈爲具報年終攷核警官調查白契成績繕具比較表送請

鑒核事務前奉

省長公署令發調查未稅白契章程暨警察調查白契考成規則調查票式飭卽迅速督率辦理具報等因奉此當經製備調查票令發區巡各官切實查報並由縣派員分路督催數月以來頗見成效查攷成規則第二條內開每屆年終縣知事將調查白契之區巡官分別考核一次又第三條內開警察調查白契以銷售契紙暨征收契稅之數與上年比較增減定爲功過分別獎懲各等語茲經查明九年分銷售契紙暨契稅增減成數各區均增加三成以上照章將巡官徐川朗等九員依攷成規則第四條之規定各由縣記大功二次以示鼓勵除登入功過簿行知外理合繕具細表呈請

鈞署
鑒核施行

計呈送比較表一紙

奉天省長公署指令

據呈已悉表存此令

奉天財政廳指令

呈表均悉巡官徐川朗等九員調查白契出力既經謹照攷成規則於年終考核分別記功以示鼓勵應准備案仰即知照表存此令

飭發各警區經售官契紙月報表式令

爲飭遵行事案查前奉

財政廳令發部頒官契紙章程內載各縣警察區內附設官紙發行所應將每月收入契紙價款除提成外其餘列表儘數報解不得拖延並派警嚴查民間置典出產於立契十日內即須購領官契紙逾限查出卽以隱匿論等語曾經通令遵照辦理在案茲查各區巡官其能認真勸銷依限報解者固不乏人而因循疲玩者實居多數甚或亦有售出價款拖延數月始行呈報似此敷衍尙復成何事體現經本署製造經售官契紙數目月報表式一紙令發該區官巡官立即遵照表式將管界售出典買官契紙若干張分別查填連同繳廳繳部兩聯存根並價款一併呈報查核本月無者亦應聲覆如再仍前滯稽辦理不力定卽分別懲處除布告並督飭行政司法兩科員書認真檢查外合行令仰遵照勿違切切此令

布告典買地畝非官契紙不准稅契文

爲布告事查民戶典買地畝非用官契紙不准稅契係屬定章輝邑草萊甫闢經界不清地畝既係浮

多不肯盡數報加清賦四至非滿即嵐亦多難於考查以故地方奸民往往私造白契捏寫四至朦混投稅一經涉訟即纏累無窮本署爲慎重產權起見特此布告閭邑人等週知嗣後無論買典地畝非向該管警察區所及區長公所購領官契紙立契不准稅契如有訟爭白契概作無效且須罰辦除令稅契處司法科登記所各員書隨時檢查外仰爾商民人等一體遵照慎勿圖省小費致貽後累切切此布

呈送印花稅成績表文

呈爲遵報辦理民國九年度印花稅成績列表送請

鑒核事竊奉

鈎署訓令第一二〇六號內開案奉

省長訓令內開案准

財政部函開查新稅推行至關重要各道尹對於所屬各縣辦理印花稅成績自應加具考語呈候彙轉並按照會計年度於每一年度終了時考核一次現在九年度屆滿所有增銷及銷不及額各縣應即實行考核以課殿最合令該縣將九年度印花辦理成績速行呈報以憑彙轉等因奉此遵查輝邑僻處邊隅設治未久集鎮絕少商務不興銷售印花僅限於城內百數家鋪商民國八年以前派定額大洋五百元實際只推行二成自入年秋知事到任認真推銷較前大見起色嗣奉

印花稅處令改定年額爲二十元驟增三倍比較頗難及額統計全年實銷一千八百〇六元六角九分

計八成有奇茲謹將民國九年度縣境銷售印花稅數目造具印花成績表理合備文呈請
鑒核施行

計呈送民國九年度印花稅成績表一紙

奉天東邊道尹公署指令

據呈已悉表存候轉此令

整頓畝捐布告

爲剴切曉諭事查畝捐一項乃辦理地方要政之款如養警則在保民興學則在智民既爲經常要需即應切實整頓本知事到任未久清理地方捐款收支相抵積虧至一萬八千餘元之多究詢致虧之原因蓋有數端（一）臨時費用增多本縣出來徵收畝捐僅按警學額支計算自奉令提成警學款即不敷用加以卹金子彈等臨時支用原收之款遂愈形支絀（二）民戶納捐遲滯年徵收畝捐分爲春秋兩季例應先期繳納以備應用乃各花戶多意存挨延往往甲年應納之捐推至乙年始上警學用款不能久待提成解款不容緩期收捐處迫不得已輒向銀號告貸是於定額外又多出一份利息（三）地畝數有隱匿畝捐辦法應按實種地數徵收本縣東南兩面地寬糧少畝捐額應超過田賦額乃全縣計算竟比田賦還少一萬數千畝地有隱匿則收捐少收捐少則支用不敷緣此種種本縣地方捐款遂積年虧欠套搭不清警學正項開支均不能應時給付馴致各警區往往不顧正事專意催餉挪摺應急不許動挪

則捏報民欠各學校無計可展則時向收捐處坐討今日付給幾元現款明日開一抹兌期條收捐員日以搪債主爲事於捐務之整頓竟無暇計及長此不變得過且過將見費用日增地畝日少借貸日多歸終積下虧空何須按地攤派試一通盤合算在花戶緩納幾月捐隱匿幾畝地不過一時寬裕實際上並無許多便宜而醫學不得整頓借貸日夜生息無形中却增若干苦累本知事爲整飭捐務輕民負擔起見特此不憚煩瑣諱諱勸諭凡我民衆應共體此意嗣後對於應抽捐款務須及時措辦所種地畝務須核實報出倘再希圖延匿則是不聽勸告有意抗違惟有查照加罰章程實行罰辦以儆疲玩毋謂言之不預也切切此布

籌解歷前任拖欠省廳鉅款令

據呈已悉應予備案此令

附原呈

呈報收捐處籌還早欠應解省提各款數目繕具清摺祈鑒核事竊查收捐處前數年因地方款收不敷支以致應解省提各款並未隨時批解拖欠本地各費亦久未付還自監督到任請理地方款項設法籌還補解計共一萬六千餘元現在各項欠款如數還清埋合逐一分繕清摺具文呈報即請鑒核備案施行輝南縣收捐處謹將監督到任代歷前任籌還早欠應解省提各項款洋數目繕具清摺呈送

查核

咨會濛江縣由輝代修濛境道路文

呈報開闢濛江縣道路繪送路線圖文

飭張委員赴西股修道處督工令

飭洪委員赴東股修道處督工令

籌撥沿路丈放屯基敷設市肆布告並令

擬沿路兩旁樹木准人民自由砍伐布告

改修西股通濛道路令

呈報縣境道路添設新線檢送誌略圖說文

呈送開闢濛江縣道路暨集立屯堡誌略文

輝南縣籌修濛江道路始末記

七、司法

通告商民如有託言本署親故或員吏在外敲詐勒索者務即指名揭告文
通告商民遇有冒名詐偽者務須指控勿被愚蒙文

通函區巡官_{甲長}遇有冒名本署親故或公差藉端勒索者即獲送文

縣民楊作梅認捐修監費請按照成案獎恤呈

飭各警區認真搜檢犯法案件令

布告商民批買期豆及木料均須立具批單取保以息訟端文

八、外交

呈覆取締韓僑毀壞道路侵佔畎畝辦法文

檢發日人商租地畝用紙令

飭查外國人佃地照章發給契約令

檢查韓民如有槍枝須送縣註冊令

飭警區傳諭各民戶不准私招韓佃令

呈覆縣民招租韓人佃種田地並無典賣情事文

計開

一除代解于前委員征起未解民國三年閏月加收敵捐銅枚小洋三千三百三十三元四角

一除代解民國五六兩年車捐鑄本經費小洋一千七百二十八元七角五分

一除代解民國六年以前內捐提成小洋一千五百零九元五角二分

一除代解民國六年以前內捐省提五成學款小洋五百九十二元八角六分

一除代解民國六年以前敵捐票費小洋七百三十一元九角七分

一除代解七年五月一日至十五日內捐省提

五花學款五元五角
百分之十五角五分共
票費一角

一除代解民國七年五月以前敵捐票費小洋三十五元四角六分

一除代解民國七年以前內捐省提小洋七十八元零一分

一除代解民國七年五月以前戲捐省提小洋十五元六角

以上共代解小洋八千零三十一元七角二分

一除代付于前委員借到未還公署收支處小洋一千八百三十五元零五分

一除代付電話局電話費小洋十九元九角五分

一除代付稅捐局小洋三百一十元

一除代付商務會小洋一百八十元

一除代付商濟銀號小洋二千元

一除代付社會教育費小洋二百元

一除代付警款小洋三千一百三十七元五角

一除代付學款小洋八百三十四元六角六分

一除代付孤頂子警餉小洋二十二元

一除代付收捐處憑帖小洋八元

一除代付輝柳縣視學費小洋十元

以上共代付小洋八千六百五十八元一角六分

以上統共代解代付小洋一萬六千六百八十九元八角八分

試收斗捐布告

爲佈告事案查縣屬農會前請仿照海柳兩縣辦法創設斗捐每斗糧抽收東錢二成補助農會經費並請由稅局代收等情業經本署據情呈奉

財政廳核准在案本局現奉令代收此項斗捐自應遵照辦理爲此會銜佈告仰爾商民人等知悉嗣後所有糧石凡應完國稅者即一併完納斗捐每根一斗按東錢二成核算本稅局除掣給稅票外另給斗捐票一紙以便沿途局卡查驗放行爾商民等須知此項捐款雖出之於地方商民仍用之於地方行政

在商人所耗無幾在地方補助甚鉅不得隱匿偷漏或反抗不納致干查究其各凜遵可也切切此布

試收屠宰捐撥爲辦學專款請鑒核呈

呈爲擬收屠宰捐撥爲辦學專款仰祈

鑒核事竊維強國首在興學辦學須有專款輝南僻處邊陲設治已及十稔城鄉公私學校成立謹二十
餘處教育不甚發達究其原因一則戶口星散風氣不開勸辦殊多困難一則款項艱窘無米之炊巧婦
難爲知事自到任後迭與辦學人員磋商擬寬籌學款以爲擴充地步無奈地方僻塞其可籌者早已籌
辦外此實屬籌無可籌然處此注重教育時代又兼義務教育明年必須依次進行籌款一節尤屬刻不容緩之事茲於難籌之中指一可籌之款查肉捐一項本縣違辦有年惟屠宰捐他縣早已開辦本縣尙
未舉行茲擬仿照鄰縣辦法於肉捐外加收屠宰捐每豬一口收小洋五角所捐數目即與肉捐相等以
便與各縣劃一但各縣之屠宰捐用途各自不同本縣地處邊遠確係特別區域擬將此項屠宰捐撥爲
辦學專款不作別用庶幾輝南教育尙有發展之一隙輝人子弟亦隱受若干之實惠捐係仿收款歸專
用一舉可成事無善於此者所有擬收屠宰捐撥爲辦學專款緣由是否有當理合具文呈請

鑒核訓令施行

奉天財政廳指令

據稱該縣學款缺乏擬於肉捐外加收屠宰捐專爲辦學之用應予照准仰即請領捐票依照所定捐率

切實起徵具報此令

實業

頒定種樹簡章並禁鄉民濫伐及毀傷檣林布告

照得十年樹木最爲民間莫大之利我們輝南地多山陵天然林木本是狠多近年人煙日密隨便砍伐成材的森林已去了十分之五六若不急於培養再過幾年不但蓋房子做器具沒有材料就是燒的木柈恐怕也不夠用了你們庄稼人只知貪求近利以爲砍樹種田能以現得計那知道那森林的利益比種田還大的多並且不只於伐木造材可以生利實在還能防止旱澇災病是什麼道理呢樹木能吸引地裏的水供給枝葉的放散又能調和氣溫空氣裏含的水分飽滿纔能下雨呀若沒有樹的地方水分不得含蓄就不容易下本年春旱特甚各處減了收成我們輝南偏不覺旱就是多森林的好處林木叢生根能護住砂土不被冲刷枝葉雜草能吸收雨水流下來緩慢可以多滲到地裏去上不冲刷河底不淤水勢不急不能暴漲那還能澆呢至於林木調和氣候清潔空氣有益衛生但憑實驗就可以證明你看發生災疫大半都在通商大埠樹木稀少人煙稠密地方山林原野地方就少即如本年春旱蒙古一帶沒有樹的地方發生牲畜瘟疫我們東邊一帶有森林地方就沒有發見這都是個証據不是哄你們此外的好處說不盡前此開農事講演會時這種樹事都詳細演說過當時聽講人都說是對可是光說不行還要實力去做纔好本知事到了你們輝南地方於你們有益的事就要辦不管你們願意不願意

這件事已經於上年秋季就派種樹勸導員孫煥章將全境的林木都查過了今年春又查了一次所有成片的禪林都記載冊上了並諭令業主依法培養加意保護不准濫伐如有外人毀傷一經告發必為罰辦培養好的本縣還有獎勵但是大道兩旁不宜多留樹叢其河邊有大段林子也要截出段落以免胡匪窩藏除派專員隨時督察外合行抄發章程布告閑境居民一體遵照辦理勿違此布

計抄章程

輝南縣栽種樹木簡章

(一) 各區山岔河邊溝塘禪林密布均須由業主依法培植未到長成不准採伐並不得任其自然生長

(二) 道旁河邊荒甸山坡及屯堡周圍等處如有隙地須一律添種冀木以期逐年生利不言冀木者始准種普通樹木

(三) 成片樹木均由種樹勸導員勘報每年春秋兩季查勘各樹狀況及成活確數據實冊報縣署覆查

(四) 每段樹林無論面積大小樹木多少其面前應埋立木牌一塊註明業主姓名樹木種類及株數以便查驗

(五) 禪林區內不准牧放驃馬牛羊並不准行人車馬踐踏毀傷違者送官議罰

(六) 各區培養林木經官查明著有成效者業主及區長警官甲長均由本縣酌給獎牌或賞給匾額成績卓著者並得由縣呈請核獎

(七) 各業主栽種樹木並不遵照定章及區長警官甲長不實力勸導者分別處罰及記過示懲

勸導植樹並依例在公園校園舉行植樹典禮令

案奉

實業廳訓令第四零五號內開案奉

農商部第二七三號訓令內開案查民國四年本部呈准以每歲清明爲植樹節歷經通行遵辦在案現屆本年植樹節近所有京外應節植樹事宜除由部選地具報遵辦並通咨各省如期舉行外仰該廳即便籌備屆期遵行并認真勸導人民鼓勵種植以薄林利而厚民生此令等因奉此除由廳飭屬籌備屆期舉行並分行外合行令仰該縣務即認真勸導人民種樹並依例如期舉行植樹典禮以重林政而厚民生此令等因奉此除由本署擇定公園校園地址屆期本知事親到舉行植樹典禮並分行外合行令
仰該所_員會_員即便遵照分途勸導人民種樹以重林政切切此令

勸導農林畜牧白話曉諭

古書說的民爲邦本又說是食爲民天我們東三省土地肥沃天然適於農業而我們輝南一縣山林蔓延河流交錯土性肥美更是一個農林畜牧無一不相宜的地方只因爲開闢年淺又屢次受天災匪害

所以不很發達近幾年來戶口已經加多災害也比從前減少可見是氣運轉移豐年有望的啦現在歐戰已經和平各國都往生產上競爭我國工商還未發達更得在農產上注意我們輝南有天然山林良好的田地不但生產大豆雜糧並且有特產的菸麻藍靛各樣木材都是工業原料爲世界市場上急等用的東西像這些天生物產真是我們農民養命的根源若不趕緊講求簡直把莫大的利益白白放棄豈不可惜嗎本知事居住本省又生長田家農業上的情形原很熟習到任以來考察輝南的水土氣候民情風俗在這農林獵牧上特別注意故此特把應當講求的利益說給大家聽聽要勸你們注意講求纔是第一樣要你們開墾閑荒本縣開闢雖有幾年現在調查未墾閑荒仍然不少開墾利益實在很多譬如富戶開墾地多家道增盛貧戶開墾就衣食充足流移的門戶開墾就可創成事業就是赤身爲人出力的能開墾便可有了室家富的出荒貧的出力互相借助不上兩年定能得利至於那砂嵒窪甸不堪耕種的地或是栽樹或是牧放牛羊總求土地沒有荒廢人民沒一箇游手好閑的不但生產多加而且貧富都得安全地方還不富庶嗎第二樣是要知講求農藝我們中國發明耕種的法子遠自上古比各國都在先歷代農書上載的你們沒有看過且不必論就是從來老農相傳授下來的法子也都很好不過你們農人大半是安於苟簡不肯細心講求所以赶不上人家外國了其實各國所講的農學新法也不外我們歷代相傳那些經驗的法子不過人家是精更求精我們農家是知一不求知二知大略就不再往精裏求了如果能個個用心想那土性如何相宜糞料怎麼造有勁犁具怎麼能好使省工籽種

怎樣選擇以至於種植鋤踢收割怎樣合法仔細講究講究不明白處向那知道農學的問問或是把刊佈的改良淺說拿來研究研究自然收穫多利益就大了第三樣要注重森林我輝南地少山多原有天生的林木所以農家不大着意那知道森林利益最大不怕山坡河岸和邪砂城荒廢的地方一經栽植都可以生長目前不過費舉手之勞日後便收永遠的大利現在人煙加厚使用的多加上各處修工電杆鐵道處處要用木料若不知道採伐造林的法子用不上幾年不但建築缺少木材就連柴炭也得貴了況且栽樹還有防風防水防旱防沙說不盡的種種好處我勸你們有林的地方要遵照森林章程大家連合保護一面採伐木料賣錢一面從新栽植沒有森林的地方也就着閑地把他栽起來不過春秋初秋後費點閑暇工夫樹苗是天生到處都有的既不費事又有大利爲什麼不辦呢第四樣要注意牧養牧放牛羊容易得利是人人知道的可是現在養的總不多拿我們輝南地勢而論山場荒甸到處多有若能家家注意牧養不用說養牛三年五頭羊能八月下旬羔孳生的最快皮毛骨肉樣樣有用就是多造些糞也是農家很要緊的上糞多打糧不也是牧養的好處嗎若養的多了再能殼漸漸的選擇奸種防範災病不上幾年牛羊成羣豈不是家家富足了馬本知事職在教民除了把農業上各項改良的法子編成淺說分散你們大家研究並派員分途勸導外茲再不嫌煩瑣明白曉諭務望你們個個着意即刻的實行從此家給人足本知事這番勸告纔算不徒託空言呢切切此諭

擬定督勸墾荒章程勸民開墾令

查本縣境內東南一帶未開墾之曠地甚多亟應督勸原業主招佃創墾以興地利合行檢發督勸墾荒章程令仰該區長卽便遵照辦理切切此令

計發督勸墾荒章程一分

輝南縣督勸墾荒簡章

第一條 凡本縣境內未盡開墾之曠地統照本簡章規定限期一律開墾

第二條 開墾曠地限定二年第一年須開十分之六第二年一律開齊其不堪墾種之地亦須酌量土質栽植樹木或備做牧場

第三條 全境各區所所有現未墾熟之地責成各區長督同百十家長調查明確列冊呈報縣署備案各戶不得隱匿致被查出懲罰

第四條 所有未經墾熟地畝應由原業主儘現有佃戶違限墾刨如佃戶無力開墾者應即另招佃戶倘逾限期業主或佃戶均無力違章開墾得由該區區長百十家長等代爲招佃原業主應一律認爲佃戶照歷來佃種慣例辦理

第五條 現有佃戶於所承墾段內之生荒如無力墾闢應即向業主聲明劃清界址聽業主招佃不得有意把持破壞對於新佃戶不得阻碍開墾違者准業主或新佃戶稟控究辦

第六條 無論原有新招各佃戶既經承墾有直接生產之利所有田地應視若已產盡心經理不得荒

廢出地內及附近之天然樹木雜林均須加意保護不得濫行砍伐違者即屬情佃得由業主撤退或稟官懲罰

第七條 各區長百十家長等均負有勸導並輔助業主聯絡招佃及介紹佃戶開墾之責每至春耕後

將確已招佃戶數及墾熟荒數彙總開報縣署備查

第八條 如區長百十家長等能將本管界內荒地勸墾成熟達五成以上者由縣署分別記功發給獎章其有玩忽並不實力勸辦致開墾不及三成者分別記過以示勸懲

第九條 本章程自公布日實行如有未盡事宜隨時修改

交通

呈報縣境設置電話情形文

呈爲遵令具報縣屬籌辦電話情形仰祈

鑒核事本月九日奉

鈞署令開案照本道伊巡視各屬詳查沿江各縣道途極爲險阻消息異常濡滯如遇機要事宜僅恃郵傳鮮不延悞近查海龍與東西圍裏各縣已一律安設電話不特消息較前靈通今甫二年且已獲有利益本道尹業將設置電話之便利與經過各縣籌議僉以爲善但以籌款不易爲慮然各縣各辦需款不過小洋四五萬元如官紳或富商合併籌集則衆擎易舉尙不致有甚爲難之處已稟請省署令飭東邊

各縣一體籌辦以重要政在案茲奉

省長指令以所擬擴充電話自屬扼要之舉候令實業廳轉飭實力籌辦仍由道隨時督率辦理等因奉此查各縣已經設有電話者亟應力加擴充以期早達曾及其未安設者尤應勉即籌辦迅覲厥成除分行外合亟令仰該知事即便遵照籌辦辦理具報查核毋稍延忽等因奉此遵查縣治電話長途北通朝陽鎮海龍東豐西通豐山城鎮南通柳河樣子哨境內各區各市鎮及有軍隊警察保甲駐所地方均經一律安設電話消息極為靈通本年春因添設林警駐榆樹岔抽編保甲駐大北岔四岔等處復經知事召集各區鄉老籌集款項令委電話局長孫煥章購備材料開工添設大北岔一處已於五月間竣工通電其榆樹岔四岔兩處因購料誤期尙未告成刻正督催辦理奉令前因理合具文呈覆即請鑒核施行

奉天東邊道道尹公署指令

呈悉查該縣設治未久亦隨各縣安設電話多處是知為政在干得人洵非虛語仰仍積極進行將未設二處趕速籌辦以期普及而速政令是為至要此令

呈報縣境榆樹岔等處電話竣工通電情形文文

呈為遵令具報縣境榆樹岔四岔二處電話竣工通電情形仰祈

鑑核事切知事前呈具報籌辦縣屬電話情形一案於本年 月二十八日奉

奉天譙南縣報告書
鉤署指令第二二八八號內開呈悉查該縣設治未久亦隨各縣安設電話多處是知爲政在于得人洵
非虛語仰仍積極進行亟將未設一處趕速籌辦以期普及而速政令是爲至要此令等因奉此遵卽令
催電話局長孫煥章遵照辦理去後茲據該局長覆稱榆樹岔四岔二處電話業於陰歷九月十五日一
律竣工接綫通話等情前來知事覆查無異理合具文呈報即請

鑒核施行

奉天東邊道道尹公署指令

機呈已悉此令

呈覆縣屬長途電話早經設置文

呈爲遵報縣屬電話長途消息靈通情形仰祈

鑑核事案奉

東邊道尹公署
鑄令奉

鑑署
省長公署令開各縣地面遼闊交通不便遇有事故動多滯碍曾經通令各屬籌設電話並迭次督促在案現查輝南長白興京等縣則僅設城鄉長此遷延殊不足以靈消息而策治安合行令仰轉令所屬各知

事籌款耗辦免誤事機等因令行令仰請知事酌量給准。又月清賬目
釣署查核仍分報備考等因奉此遵查縣治長途電話北通朝陽鎮西通東豐西豐西安南通柳河樣
省長公署

子哨以及各區各市鎮凡有軍隊警甲駐在地點均一律安置電話消息極為靈通均經分別早報有案此外別無應設之處奉令前因除分呈外理合具文呈請

鑒核施行

奉天省長公署指令

據呈已悉此令

籌修輝濛往來道路令

查濛輝兩縣往來道路阻塞於剿匪進兵運銷物產諸多不便業於本年二月間由本知事率同該會長與濛江商會安侯兩會長當面籌議估計修道一百四十里劃定里數由兩縣分任擔修惟修治辦法尙未定妥此事與發達本縣工商極有關係不容視爲緩圖合行令仰該會長迅即切實籌辦並函催濛江商會雙方接洽妥速籌定辦法以便鳩工修築一俟接到覆音即行詳細具報以備查核切切此令

咨請濛江縣協商修路辦法文

爲咨請事案查濛輝兩縣山林深密出產富饒祇以交通阻塞無由發達民人艱於生計盜匪易於潛藏何莫非道路不修之累敝縣曾於上年將境內赴濛大道修築一次係由縣城達榆樹岔本年二月間邀請處商會侯安兩會長來輝當面籌議以榆樹岔一段

責治境內有窪甸數十里不易修築擬改由四岔經板石河子東下此路窪甸較少工程不難議各修各

界將來

貴境如覺費力尙可由輝接濟此事於發達濛輝產業極有關係不容視爲緩圖相應咨行
貴知事請煩查照督催侯安兩會長妥速籌定辦法以便鳩工修築並希
從速見覆實納公誼此咨

附濛江縣咨覆地方凋敝無力修路文

爲咨覆事案准咨開查濛輝兩縣山林深密出產富饒祇以交通阻塞無由發達民人艱於生計盜匪易
於潛藏何莫非道路不修之累敝縣曾於上年將境內赴濛大道修築一次係由縣城達榆樹岔本年二
月間貴處商會侯安兩會長來輝當面籌議以榆樹岔一段貴治境內有窪甸數十里不易修築擬改由
此路山嶺窪甸較少工程不難議各修各界將來貴境如覺費力尙可由輝接濟此事於發達濛輝產業
極有關係不容視爲緩圖相應咨行貴知事請煩查照督催侯安兩會長妥速籌定辦法以便鳩工修築
並希從速見覆等因准此當即招集侯安兩會長來縣會議據稱濛江連年患匪商民元氣業被摧殘殆
盡加以客軍入城時常挾擾取締私帖金融弗靈大有岌岌不可終日之勢建修道路雖屬善舉奈當此
殘喘未蘇寅食卯糧之際雖承貴縣概允協助而其餘欵項亦難籌措等語敝知事查核該會長等陳述
一切尙屬實情相應咨覆貴縣查照一俟敝縣收撫事竣地方平靖再行從長計議可也

呈報修治縣道里道辦法文

呈爲遵令擬具修治縣道里道各辦法繪具詳圖繕具簡章送請

鑒核電轉備案奉

東邊道尹公署
鈞署令奉

省長公署令開查道路事宜爲內務行政要端我國地廣民稠每以道路之失修遂致交通之多阻長此不謀整理匪惟商業凋敝特恐肇確相沿旅行彌困除關於省道各節候查詢省議會核議辦法外其縣道里道應如何規畫仰卽轉令各知事遵照酌擬呈候轉咨等因合抄原件令仰諭知事詳細酌擬分別呈報母延附抄件等因奉此遵查縣屬道路橋梁崎嶇傾頽之處前於民國八年三月奉

約令省令 頒給辦法即經督飭警甲區長分別最要次要次第修治九年秋季計畫開闢輝濱交通復將縣境東區長碾溝腰嶺大場園四岔袁家店一帶道路重新修築一次呈報有案車馬往來頗稱便利惟土路不能耐久非時加修治難期平坦奉令前因當卽抄發條例令行警察所長任述言察地方情形妥擬辦法去後茲據該所長將修治工程計畫辦法繕具簡章乙份並繪具路線全圖送請轉呈等情前來知事覆加查核尙屬切實除俟春融時卽行督飭辦理並分逕呈外理合具文呈送卽請

鑒核電轉備案施行

計送簡章一份路圖一紙

輝南縣謹擬修治道路大概辦法呈請

鑒核

計開

一縣道之銜接處以縣城爲中心點東至一百五十里與濛江分界之二岔嶺地方應修嶺一座修橋七道西至平安川三十五里與海龍縣分界應修嶺橋各二道南至五十里與柳河縣分界之長虫哨應修嶺橋各一道北至輝發城江岸三十五里與吉林磐石縣分界中間應修一橋共計迴環三百餘里每里平均約在一百五十工以三百里計議應需四萬五千餘工

二里道之銜接處與縣城東北之興隆堡西至輝發城南至大場園均在三十餘里縣城迤南由蛤蟆河起直至榆樹岔龍灣地方九十餘里城西平安川北通朝陽鎮南接杉松崗均在二十餘里每里約需七十個工共路二百餘里約需一萬四千餘工

三修治縣道里道均以舊有之道路聊爲展拓縣道寬在二丈五尺以上里道寬在一丈五尺以上均從道旁取土墊高路身即以兩旁挖土之坑作洩水溝遇有橫道之溝窪悉用木料搭構橋梁覆以砂土務期堅固

四修道之工人擬於農暇時由當地住戶抽撥分段興工每十里路爲一段每一段由該管警甲督同百什家長按戶抽丁無丁之戶計丁納費自備飯食各修各段尅期報竣不許推諉但遇河橋空曠險要

處須合數段之衆協力修理倘有抗違之家准警甲指名報縣核辦

五修道所需之木料擬就地取材秉公給價業主不准拒絕使用需款若干由警甲協同區長百什家長等公議之仍按全境居住之商民均攤以期衆擎易舉而免偏枯之弊

奉天省長公署指令

悉所擬辦法切實可行該知事留心路政深堪嘉許惟按之修道條例施行細則第三條乙規定尙缺塞測平面圖塞測縱斷面圖稟測橫斷面圖橋梁溝渠隧道圖土方計算書工料祥細計算書工程計畫說明書仰即分別測造補呈再行轉咨章圖存此令

奉天東邊道道尹公署指令

呈及圖摺閱悉該縣轄境山多路險車馬行人頗感不便摺開按段修治辦法尙屬簡要可行仰即督飭實力興修早觀厥成是爲至要仍候

省長指令並錄報查考圖摺均存此令

籌擬修築濛江道路請核示呈

呈爲遵令擬修縣屬四岔與濛江毗連之道路辦法繪具簡章送請

鑒核事案奉

鈞局令開查該縣與濛江毗連僅恃樣子哨通濛江一道尙未修妥其進兵剿匪種種窒碍若由該縣四

岔直達濛江另開一道不過百數十里兩端已有可通行之處僅中間百餘里塔頭泥塘數處修築較易兩地商民夙有是議應由該縣商民合力將此道闢通直達濛江兩縣駐警聯防以絕匪踪而興地面合行令仰該知事辦理具報等因奉此遼查輝南地多山林交通阻塞東南毘連濛江尤爲盜賊淵藪修道設防詢爲急務知事於民國八年五月到任時考察情形即首先集立屯堡平治道路安設電話由四岔達濛江關道之議曾經與該縣印事暨商會往返籌商多次因濛民無力未能實行奉令前因復經召集警察所長任述言商務會長兼東區區長董毓秀等切實計議查縣屬四岔東去三十餘里即係濛江分界地點其間通行道路尙易修治惟嶺東則有塔頭泥塘多處建築較難該處係濛江縣境所有修道應佔地基應需材料等項均難成俎代謀擬請鈎局令行濛江縣知事派員會勘協辦職縣必盡力補助以促其成茲先將輝境修道工程擬定辦法開鑿送呈

鈎覽所擬是否有當理合具文呈請
摺送呈

計送清摺一扣

輝南縣謹將縣屬四岔起至濛江縣界修治道路之大體辦法呈請

鑒核

處須合數段之衆協力修理倘有坑違之家准警甲指名報縣核辦

五修道所需之木料擬就地取材秉公給價業主不准拒絕使用需款若干由警甲協同區長百什家長

等公議之仍按全境居住之商民均攤以期衆擎易舉而免偏枯之弊

奉天省長公署指令

呈悉所擬辦法切實可行該知事留心路政深堪嘉許惟按之修道條例施行細則第三條乙規定尚缺
寢測平面圖寢測縱斷面圖寢測橫斷面圖橋梁溝渠隧道圖土方計算書工料祥細計算書工程計畫
說明書仰即分別測造補呈再行轉咨章圖存此令

奉天東邊道尹公署指令

呈及圖摺閱悉該縣轄境山多路險車馬行人頗感不便摺開按段修治辦法尙屬簡要可行仰即督飭
實力興修早觀厥成是爲至要仍候

省長指令並錄報查圖摺均存此令

籌擬修築濛江道路請核示呈

呈爲遼寧擬修縣屬四岔與濛江毘連之道路辦法繕具簡章送請

鑒核事案奉

鈞局令開查該縣與濛江毘連僅恃樣子哨通濛江一道尙未修妥其進兵剿匪種種窒碍若由該縣四

岔直達濛江另開一道不過百數十里兩端已有可通行之處僅中間百餘里塔頭泥塘數處修築較易兩地商民夙有是議應由該縣商民合力將此道闢通直達濛江兩縣駐警聯防以絕匪踪而興地面合行令仰該知事辦理具報等因奉此遼查輝南地多山林交通阻塞東南毘連濛江尤爲盜賊淵藪修道設防詢爲急務知事於民國八年五月到任時考察情形即首先集立屯堡平治道路安設電話由四岔達濛江關道之議曾經與該縣印事暨商會往返籌商多次因濛民無力未能實行奉令前因復經召集警察所長任述言商務會長兼東區區長董毓秀等切實計議查縣屬四岔東去三十餘里即係濛江分界地點其間通行道路尙易修治惟嶺東則有塔頭泥塘多處建築較難該處係濛江縣境所有修道應佔地基應需材料等項均難成俎代謀擬請

鈞局令行濛江縣知事派員會勘協辦職縣必盡力補助以促其成茲先將輝境修道工程擬定辦法開摺送呈

鈞覽所擬是否有當理合具文呈請

鑒核示遵施行

計送摺一扣

輝南縣謹將縣屬四岔起至濛江縣界修治道路之大概辦法呈請

鑒核

第一編 公牘

呈送輝南風土誌文

呈爲編輯輝南風土調查報告書備文恭呈仰祈

鈞事臨事知事於本年五月間奉委署理輝篆謁辭之時曾奉大帥面諭以輝南地處荒僻物產豐富從前皆以邊徼忽之應體察地方情形認真治理隨時報告等因知事達於到任之初即仰秉

鈞謨力求整頓罔敢稍懈所有一切興革事宜如清理捐欵以恤民艱組織農會以通民隱清結積案以息訟爭裁革吏胥以祛民蠹嚴禁煙賭以革陋俗整頓警甲以維治安各端均經次第舉行呈報有案其接續籌辦者如設立屯堡整頓鄉規推廣小學改良私塾覆查戶口確辦登記等項亦皆及時籌備惟地方風氣固塞民智未開頓改舊觀每生阻力體察情勢非熟悉地方風土人情難得措施之要領況迭奉明令提倡實業知事忝司民牧責任所在舉凡農工商礦各事業如種植漁牧如何得其宜森林礦產如何盡其利工藝未精如何改良而推廣商業凋敝如何鼓舞而振興尤須攷察當地情形以便因勢利導爰於到任後將應行調查各項事務別爲多類擴長綱要分委農商警學各機關暨四鄉清賦登記各勸導員實地調查並由知事於接見紳商及因公下事鄉隨時隨留意採訪計五箇月乃竣事即經知事抽暇彙核糾謬補闕親手編輯風土調查報告一書內分歷史地理職官民治財賦教育宗教禮俗物產實

業交通等類所有敘列事實及附陳意見皆係就輝論輝振筆直錄言詞蕪拙識見粗疎知所不免惟有

仰乞

大帥俯賜裁成詳加指示督所未逮再縣屬風氣固蔽對於鄉土之事事物物素乏考究此項調查書類記載頗詳擬由縣刊印多份分發農工商學各界以爲研究鄉土及改良生產之資并即備作將來編纂縣志之據是否有當理合檢同報告書一份備文呈送恭請

鈞鑒訓示祇遵

計送報告書一份

呈爲編輯輝南風土調查報告書備文恭呈仰祈

鈞鑒事竊維地方治理全恃守令爲轉移守令措施又須衡量夫習俗輝南地處漫僻草昧初開土客雜居風尚迥異入手改革非就地方風俗之所尙習慣之所趨切實調查分別緩急次第設施雖收無往不利之效況迭奉

明令提倡實業知事忝司民牧責任所在舉凡農工商礦各事業如種植漁牧如何得其宜森林礦產如何盡其利工藝未精如何改良而推廣商業凋敝如何鼓舞而振興尤須攷察當地情形以便因勢利導爰於到任後將應行調查各項事務別爲多類摘其綱要分委農商警學各機關暨四鄉清賦登記各勸導員實地調查並由知事於接見紳商及因公下鄉隨時隨事留意採訪計五閱月乃竣事即經知事抽

計開

一由本縣東鄉四岔地方起點接至濛江縣界老嶺爲止計程三十里之遙每里約需三百五十工以舊有道路聊爲展拓寬在一丈五尺車輛可便交通

一以舊道爲標準從道旁取土墊高路身即以兩旁挖土之坑作洩水溝遇有橫道之溝窪悉用木料搭構橋梁覆以砂土務期堅固而後已

二修道之工人擬於農暇時由當地住戶抽撥分段興修每十里路爲一段每一段由警甲督同百什家長按戶抽丁無丁之戶計丁納費自備飯食各修各段尅期報竣不許推諉但遇河橋空疎險要處合數段之衆協力修理倘有抗違之家准警甲指名報縣核辦

三修道所需木料擬就地取材秉公給價業主不准拒絕使用需款若干由警甲協同區長白什家長等公議之仍按全境居住之商民均攤以期衆擎易舉而免偏枯之弊

五修道期間擬於本年春末夏初種完地時開工泥水可期調和約需一個月工夫必能竣事

東三省清鄉總局指令

呈暨簡章均悉該縣擬修縣屬四岔與濛江毗連道路係爲便利交通俾易搜勦起見仰速積極進行所擬簡章亦甚妥協唯所修之道寬一丈五不無太窄應以三丈爲率仰即遵照並候令行濛江派員至該

縣核議舉辦此令

函請濛江縣派員會勘路線文

敬啓者案查敝縣遵令擬修縣屬四岔與濛江毘連道路以利通行一案於四月五日奉

東三省清鄉總局指令第二五一號內開呈暨簡章均悉該縣擬修縣屬四岔與濛江毘連道路係爲便利交通俾易搜剿起見仰速積極進行所擬簡章亦甚妥協惟所修之道寬面一丈五不無太窄應以三丈寬爲率仰即遵照並候令行濛江派員至該縣核議舉辦此令等因奉此查輝濛要路迭奉上令催修不容或緩敝縣境內赴濛大路如四岔榆樹岔均經陸續修治惟

貴縣境內如北甕圈孔楊樹大小北山板石河子等地方途程以何處爲捷便工事以何處爲簡要有無早經修過之路可就以及用地用料如何籌備相應函請

貴公署希卽查照派員勘定妥速籌議詳切賜覆以便接洽進行實紹公誼

附略圖一紙

飭警協同工頭躡勘路工令

案查由四岔赴濛江應修之道路業經本知事親往勘明路線召集農商兩界議由境內實行撥夫修築惟濛境距此較遠騷匪尤多值此農忙之時當據農商兩界環憇情類折價另行招工包修等情勢必派一人偕同工頭查點樹株躡估土工方能論價合令該所長迅派林警就近約同王劉兩工頭刻日前往該路線核實查勘應需工料各若干詳細繕具清單具報立待核辦勿稍違延切切此令

飭三區巡官督修西股輔板石磬兒嶺各道路令

查本縣通濛江道路由四岔杜濛應修之路線經本知事勘明業已議決濛江境內歸八社公修本境內由勝家店到四岔老嶺一段長十八里歸大場園會沿途各店公修由鋪板石溝掌過磬兒嶺到炮手房子一段應歸撫民屯商會督沿途各店公修仰即遵照限十天內動工半月內將樹木砍開隨後再修治道路本知事將全路工程計畫完竣日內即親往督工勿違切切此令

飭一區區官督修東股四岔抵老嶺一段道路令

查通濛道路業經本知事勘明惟工程浩大若非分段修治難期迅速所有由勝家店達四岔老嶺一段長十八里（王墨林店至嶺只八里應多砍樹株以下略加修治即可）應歸大場園商會及沿途各店鋪公修仰即督飭刻日興工該路本甚平坦現時宜先砍樹寬須四五丈限半月砍完具報屆期本知事親往驗收勿違此令

飭警所派林警遵照批單督修濛江縣境道路兼任保護令

案查由四岔赴濛江經過板石河子雞爪頂子平崗等地方應修之道路業經八社公議招工包修日內即動工限一個半月工竣惟是濛境距此較遠羈匪尤多亟應飭警督工兼任保護俾克早日歲事而免疏虞除咨請濛江縣飭屬協助外合行抄發批單令仰該所長立即飭屬遵照辦理一俟工竣具報候驗勿違此令

計抄單

立批單人劉桐林
王墨林今包修由輝南四岔嶺起至濛江境內平崗大道一條言明砍樹六丈寬每里小洋四十
八元將樹貼地皮放倒截斷搬出道外使不碍交通並不准堆放致易藏匪土工係就路兩旁挖順水溝
寬三尺深二尺每丈六角即以溝土墊起路身使成圓凸形其就山坡地方上溝水須由路身橫過應酌
量地勢用木架起小橋道寬一丈五尺開車不便須隔一二里即修一段寬廠作開車地點遇河溝及窪
甸一律用木材架橋寬與道齊工須堅固言定由立批單日起限一個半月全工報竣不准遻延工價陸
續取用不得長支倘工程草率或延誤限期有圖書保家承管所具批單是實

咨會濛江縣由輝代修濛境道路文

爲咨請飭警協助事案查輝濛交通道路前奉

東三省清鄉總局訓令以濛境荒亂無力興修飭由輝南代辦等因曾經咨請

貴署查照在案茲經啟知事蹕勘路線擬由四岔起經過板石河子鷄爪頂子平崗等地方砍樹寬限六
丈路身寬限三丈六尺已議定日內即分段動工相應咨請

貴公署查照卽希飭屬協助一切俾早竟功是爲盼

呈報開闢濛江縣道路繪送路線圖文

呈爲具報謹勘輝濛毗連道路擬日內動工仰祈

鑒核事務查前奉

鈞令飭修濛江道路當即召集商民籌款舉辦經知事親歷各地勘路線境內擬修兩股一通撫民屯一通大場園境外由四岔分界嶺起達濛江縣城曲長五十餘里擬修一股均砍開樹木寬限六丈路身修三丈六尺日內即分段動工除咨會濛江縣署知照外理合將勘定路線繪圖呈報卽請零核指令施行實爲公便

計呈勘定路線圖一張

東三省清鄉總局指令

呈聞均悉仰速督飭切實進行藉收效果並候轉令濛江縣查照圖存此令

飭張委員赴西股修道處督工令

查通濛道路由鋪板石溝裏過馨兒嶺到炮手房子一段前經責由撫民屯于巡官暨該鎮商會與沿途各店公修先砍樹木寬須六丈予限十天內動工半月內將樹木砍開後即修治道路在案爲此令仰該員就近協同于巡官督催早日動工依限報竣如有抗違者即由電話稟報本知事擬月底將全路工程計畫完竣後即親蒞督工勿違此令

飭洪委員赴東股修道處督工令

查通濛道路由勝家店到四岔老嶺一段長十八里歸大場園暨沿途各店公修先砍樹木寬須六丈限

半月砍完再修道路前經責由大場園鄉區官督同該商會暨沿途各店公修在案爲此令仰該員就近協同該管區官督催早日動工依限報竣如有抗違者卽由電話真報本知事擬月底將全路工程計畫完竣後卽親往督工勿違此令

籌擬沿路丈放屯基敷設市肆布告並令

爲布告事查東邊各縣物產甚多而尤以濛江爲最只以該縣地方荒亂道路不通久未行銷於市現經本縣籌款由四岔嶺起經過濛境板石河子大北山珠子河一帶直奔大甸子即濛江縣城開闢大道一條並設森林警察保護此後道路通順往來商賈車馬定能日見增多正宜藉此興通地面茲將境內開兩股大道東股經三岔口子二岔口子石頭河子大場園腰嶺子等地方直達縣城西股由四岔溝林警防所後身西行過饅兒嶺經鋪板石大肚川大陽等地方直達縣城道之兩旁擇適宜地點出放屯基使成肆市旣便行旅兼資保護現已派員嚮放凡我商民有願在上開各處營商或住居者速即前往報領幸勿觀望自誤切切此仰

擬沿道兩旁樹木准人民自由砍伐布告

爲布告事查林木窩匪屢奉

清鄉局訓令砍伐本知事此次勘驗道路如榆樹岔鋪板石四岔二岔大北岔均爲赴濛江大道兩旁雜樹叢生參天蔽日路身不乾行走綦難且易藏匪地主久不砍伐實屬有碍公安茲定沿道兩旁每邊以

三丈爲限准人民自由砍伐地主不得阻攔伐倒期限三個月內拉運准緩至秋後但須堆放道外不得妨礙交通合亟布告閭邑人等一體週知此布

改修西股通濛道路令

查前令由鰐兒嶺修道現經本知事覆勘不甚順利已率同撫民屯商農兩界首領勘定由鋪板石修治過濛江分界嶺經濛境小北山大北山珠子河等地方再修六十餘里直抵濛江縣城一切辦法均經本知事召集商民計畫一定仰即督飭興工限三個月修竣事關要工本知事不時親往查看務須妥實辦理此令

計發工程計畫書一份

一由撫民屯南李維新店起入南溝修至輝濛分界老嶺計廿八里砍樹六丈寬修道三丈三尺寬窪塘河溝一律用木鋪平路兩旁挖順水溝寬三尺深二尺即用溝土墊路

一過嶺向東南方面經濛境小北山大北山珠子河等地方直達大甸子即濛江縣城曲長六十五里砍樹六丈寬修道因窪塘難挖暫修一丈五尺寬俟樹倒道乾再行寬展河溝窪塘一律用木墊平土工同前

一分界老嶺西北坡極陡應修盤道曲長五里許附近樹木全行砍開先在嶺下建一木寨備工人及護林營居住

呈報縣境道路添設新線檢送誌畧圖說文

呈爲遵報縣境道路應添設新線業經辦竣謹繪具圖說檢同修道誌備文呈請鑒核事切奉

鈞署訓令第二三一號內開案准

省議會咨開案准貴省長交覆議修治道路章程暨交覆議修治道路究竟何處應採用舊道何處應添設新線二案當於六月六日正會提出併案討論僉謂修治省道一案本會曾主張照舊有官道整理雖爲省欵起見而於發展工商各業亦不無關係茲准咨開必須添設新線希詳細規畫藉備採擇等因本會同人雖來至田間實難按地周知其有無添設新線地點及籌欵方法應將新舊參用主旨通飭各縣召集各界首領妥爲籌議繪具詳細圖說逕送到會再行彙議轉咨庶採擇有據而經費有著此本會會議此案之結果也業經表決通過相應咨覆貴省長查照施行等因除咨覆外合令該知事遵照等因奉此遼查輝邑僻在省之東北隅三面昆連外省山深林密交通極爲阻塞舊有官道西通海龍南通柳河北通磐石均尙順利惟東路通濛江之道龍崗環繞深山大林人跡罕到強寇據爲巢穴行人視爲畏途知事爲清匪患便交通起見於民國八九年間兩次開闢通濛道路計添新線兩股本年春復將濛江境內道路由輝籌欵代修直抵濛江縣城東股長六十八里現已竣工西股長九十里正在赶辦統計需款一萬五千餘元因工銀欵鉅遂商民之請輯有修道誌略一書具詳始末此外各路聊爲展宕即足敷交通無添設新線之必要召集各界籌議衆論僉同除督飭商民將舊道協力興修外理合繪具修道圖說

檢同修道誌略一併

備文呈請

鑒核施行

計呈送修道誌一本 圖說一紙

奉天省長公署指令

呈及附件並悉仰候轉咨

省議會查照此令

呈送開闢濛江縣道路暨集立屯堡誌略文

呈爲具送縣屬編輯設屯修道兩誌略仰祈

鈎鑒事竊奉

鈎署總務科長函開面奉

鈞諭飭將輝南設立屯堡開闢濛江道路辦理情形呈報備查等因遼查知事辦理設立屯堡歷時兩載
餘締造經營規模略具開闢濛江道路先後兩次工艱款鉅迭經事變仰賴

蓋籌碩畫主持於上得以告厥成功遐邇人民同聲稱頌現准地方士紳之請將設屯修道兩役經過情
形輯成誌略謹錄呈

鈞覽伏乞

俯加指示督所未逮除率屬切實籌辦期收治安實效外理合備文呈請

鈞鑒訓示施行

計呈送修道設屯誌略各一本

奉天東邊道道尹公署指令

呈暨附件均悉查設立屯堡開闢道路爲地方當務之急該知事兩載以來締造經營不遺餘力業將辦理全縣鄉屯及道路告厥成功深堪嘉慰仰即隨時整飭以竟全功誌略存此令

輝南縣籌修濛江道路始末記

輝南乃奉屬諸邑之最小者地居省之東北隅其東南一帶與吉之濛江接中以龍崗分界深山大林人跡罕到強寇據爲巢穴行人視爲畏途故兩縣雖相距百餘里往往經年不通音問若長此荒蕪不治非第易以滋萑苻抑且無以便交通向來知此邑耆雖亦屢議修治均以籌款維艱旋即作罷瑞於民國八年秋奉檄蒞止下車伊始首以是役爲急務乃會商各界幸多贊同囑勘通濛道路計有榆樹岔鋪板石四岔三股當由中股鋪板石興工伐木填塞修進數十里爲峻嶺所阻事幾寢已而改修四岔一面咨商濛江縣促其接修濛界並邀該縣商會會長來輝議定協修辦法旋置濛匪竊發屢屢咨催竟以殘喘未蘇覆請緩辦其事又幾寢是年秋

王督辦理堂以清鄉蒞輝大獎是舉力促進行遂定議按地撥工完全由輝代築瑞喜其事已就緒復率同警察任所長親往濛境測量路線並示以工作程序自謂王道蕩平指日可見不意鳩工伊始又值濛江剿散降匪伏莽遍野庶民咸有戒心其事又幾寢但念機不可失乃改變方針備工包治委專員飭警甲分段督催以專責成瑞復恐其敷衍了事焉遷延歲月焉又不時躬往查閱以防其偷閒欲速之弊越三閱月修進五十里許直抵濛城又因四岔一路偏在境東復將鋪板石前修未竣之路重行勘測繼續接修過嶺展進七十里即抵濛江城下計全路工程四岔一股長共六十八里鋪板石一股長共九十里輝濛道路至此完全開通回憶此三年間幾經波折倘稍涉踟躕仍鞠爲茂草矣尙何成功之有乃終不爲時屈不爲勢阻有志竟成詎不信然其一應花費係商民分担與募捐補助總其額不下二萬元以輝南蕞爾之區籌如此之巨款成如此之巨工且倡議在數年以前竟收其功於數年之後經營慘澹卒底於成較之乘輿濟人買舟濟衆者其功利之廣狹何啻霄壤然非督辦倡之而不能堅其議非紳商贊之而不克竟其功瑞也何能竟得以借箸而籌成茲力役吾知後之履此坦途者必將指而目之曰此某某之所建築也此某某之所提倡也名附驥尾亦欣與有榮焉孔子云因民之所利而利之斯不亦惠而不費乎又云擇可勞而勞之又誰怨瑞豈好爲此勞民之舉哉蓋其勞在一時而其利在萬世勞之正所以利之耳從此盜賊歛跡交通日便實業日興於輝濛前途不無小補此雖不足言利濟然清夜捫心職責所在亦可謂稍盡萬一也是爲記中華民國十年七月奉天輝南縣知事王瑞之撰

司法

通告商民如有託言本署親故或員吏在外敲詐勒索者務即指名揭告文

爲出示公告事照得指官詐財律有明文藉案訟索法所不宥本知事蒞臨斯土僚友夙重氣節吏役不假事權堅白持躬廉潔率屬本已無瑕可指無隙可乘第恐有不法之徒假親故之名爲鬼蜮之技輒轉煽誘詐騙欺在人民不明訴訟上手續受人撞騙暗自耗財實則經辦該案人員尙未之察覺本知事職權所在其曷以安爲此出示公布仰閭屬商民人等一體知悉自此次公告之後如有託言本知事親友假案勒索招搖或有本署員吏藉事敲詐留難等情事准其郵稟指名揭告查有確據定即立予嚴辦倘或干受愚蒙一經查覺亦必一併究懲其各凜遵勿違切切此布

通告商民遇有冒名詐僞者務須指控勿被愚蒙文

爲布告事照得本知事蒞任以來整躬率屬日失謹嚴事必躬親權不外假近聞有不肖之徒託言本署親故在外招搖詐騙遇事生風者除隨時察訪根究外合行布仰閭屬商民人等一體知悉此後如遇有冒名詐僞情事務須指名控告或扭送來署定必嚴辦倘或甘受愚蒙一經本署訪查得實定即照例彼此俱坐其各違照毋違切切此布

通關區巡官
關甲長遇有冒名本署親故或公差藉端勒索者即獲送文

逕啓者本知事奉委攝篆斯土瞬經兩載隨任辦事者僅三二人後來投薦者留用數人要皆職有專司不預外事前曾兩次通告閭屬如有託名親故竊勢招擾者務卽來署揭告切勿受其愚蒙各在案第恐日久事殊難保無假藉名義滋擾之事各區區長警官甲長不知底裏或且關碍附和不事舉發殊與地

方治安官廳名譽大有妨礙爲此通函各

區長
巡官

一體知悉此後遇有假托本知事親友鄉誼名義在該管

區內滋事招擾以及本地不肖之徒勾通助虐者務即拿獲送署法辦卽本署因公派赴鄉間人員如有需索情事亦望照此辦理萬不可關碍徇情重負本知事慎重地方顧全聲譽之至意是爲至要

縣民楊作梅認捐修監費請援照成案獎恤呈

呈爲監犯楊作梅認捐修監經費小洋二千元仰祈

鑒核事竊奉

鈞廳訓令案奉

司法部第四八六號訓令內開查民國以來實行新律凡判處徒刑拘役人犯悉在監獄執行故監舍容額應較從前加多而獄務改良亦較他事爲急本部統籌全局前經擬定擴充新監整頓舊監各計畫分別施行在案現查各省對於籌設新監獄大半擬有推行方法果能切實辦理不難日起有功惟各縣監獄迭據調查報告尙多因仍舊貫未加改良以故脫逃之案時有所聞瘦斃之囚不可勝數苟非設法補救則縣知事日在交付懲戒之中而受刑人皆有喪失生命之懼每一念及深爲惻然爲此令仰各該高

等檢察長轉行各縣知事查明該縣實在情形有無應興應革之事詳細具報轉候核奪如能實行捐欵或籌欵修改監房創辦工藝或其他必要事宜者應准按照成績呈請獎勵以昭激勸至看守所爲羈押未決人犯之處較監獄尤爲重要亦應一併注意俾臻究竟善除分咨外仰轉令遵照辦理等因奉此除分行外合行令仰該知事遵照迅將該縣舊監獄實在情形有無應興應革事件詳細具報以便轉呈並一面仍行查照本廳前次通行勸募捐欬修築監獄辦法認真辦理如有成效即便呈由本廳轉請獎勵切切此令等因此知事遼查輝邑地處邊陲民情蠻野羈匪衆多刑事詞訟多牛命盜重案額定監押人犯四十五名實際總在八九十名監房共六間除炊廄占去二間外已未決人犯僅各占二間異常擁擠且此項監房建在縣署西南隅並無牆垣僅圍以木柵屋頂均係仰瓦牆脚皆用土坯當時建築係隨衙署包修工程了草特甚歷任以請款艱難復不加修繕牆圯棟崩屋瓦頽脫滲漏不堪門窗破壞木柵腐朽極形危險向來戒護全憑枷鎖森嚴腐敗情形不堪縷述知事到任後以獄政重要即擬重加修整亦以籌欬艱窘未克舉辦前月因奉吉政變軍隊集中謠諑繁興羈匪蜂起監押罪囚屢謀蠢動迫不得已挪用公款大洋三百餘元重建木柵兩層補築破牆數處門窗全加修理罅漏如數補修並新購鐵鎖鐵鑊若干督飭看守法警嚴加防護幸免發生危險惟此項挪用之款實苦無計籌還當經遵照

鈞令轉向商民及在監人犯誠懇勸募而山僻人民對於監獄率多輕視竟無一人樂輸茲據看守報告監犯楊作梅因目睹獄政腐敗籌欬艱難發動善心願爲捐助招其親屬張羅能集小洋二千元聲明情

甘報效本縣作爲修監費用等情查該犯楊作梅係輝南縣人家中薄有資產因前充區長浮收規費經
趙前知事於民國七年六月間依刑律第一百四十七條判處二等有期徒刑六年在監執行已一年餘
謹守規則頗知悛悔今復熱心獄務慨捐鉅資似宜勉其好善之懷開其自新之路查監犯捐款修監
鉤廳曾有酌予獎恤成案本案事同一律擬懇援照辦理如蒙

備准並懇准將前此修監挪用公款大洋三白五十餘元由此捐款項下扣抵再添築男監房三間女監
房一間炊廠一間男女廁房各一所並就縣署二堂西二間改修法庭一處應需款項若干暨前修挪墊
款數俟奉准後再行造具計算概算各書呈核此外所餘之款即掃數早解所有此案監犯楊作梅認捐
修監費用緣由理合檢同監犯楊作梅原卷具文呈請

鑒該示遵

奉天省高等檢察廳指令

呈卷均悉監犯楊作梅捐助修監費小洋貳千元洵屬急公好義深堪嘉許即由該知事查照監獄規則
及該犯身分罪刑酌量予以優待至該款用途僅可修理監獄原呈並請就二堂西二間改修法庭一處
監獄捐款不能作爲修理法庭之用應即另行籌措餘均照准原卷發還併仰查收歸檔可也此令

飭各警區認真搜檢犯法案件令

查懲罰犯罪保持公安爲警察之職責自應隨事隨時加以注意輝屬邊陲土客雜居良莠不齊坐奸犯

科者所在皆是乃檢查案卷各警區搜檢犯法案件如販煙設賭違警等項爲數實太寥寥固緣地曠警單耳目庸有不周而放棄職權瞻徇情面希圖省事之弊端亦不能盡免爲此令仰各區巡官嗣後務須認真檢舉期於有犯必獲倘再徇情袒庇定干重咎切切此令

布告商民批買期豆及木料均須立具批單取保以息訟端文

爲布告事案查本地商民批買糧石木料木拌向不寫立批單一經發生糾葛不特私人權利毫無憑証卽官家裁判亦乏根據殊非善良習慣合行布告商民一體知悉自民國九年起凡批買糧石木料木拌等事務須妥立字據如敢故違發生訴訟概作無效仰卽凜遵切切此布

外交

呈覆取締韓僑毀壞道路侵佔畎畝辦法文

呈爲遵令籌擬取締韓僑毀壞道路辦法歷陳情形仰祈

鑒核指令事案奉

鈞署令開訪查韓人在東邊各縣寄居購產者不可勝數常因租地種稻毀壞道路或侵佔及妨害鄰家畎畝致生訟端合行令仰該縣籌擬辦法復候核奪等因奉此遵查水流溝地方有韓僑十六家佃種水稻均尚安分並無侵佔及傷害鄰家畎畝情事惟本年五月間該處韓僑金奉祚爲灌溉向隴中引水截堵河流妨礙民間漂放木材並挖壞道路數處與附近居民爭執一次當經飭警前往排解責令規復原

狀諭以嗣後不得妨害公益惟查韓僑佃種地畝照章應報經警區由兩造會同請領官契將佃種辦法年限等項逐一註明以便取締縣屬各韓僑均未遵辦未免疏忽茲經令飭警區勒限自本年八月起凡從前私訂契約未經報官者如不違定意均責令請領執照有不合者即設法勒令解除並密行傳諭民衆嗣後如有承招外佃情事務須先事報明不得私結契約似此略示限制庶可防患於未然除飭警隨時查察外理合具文呈請

鑒核指令施行

奉天省長公署指令

據呈已悉仰卽認真辦理以息爭端仍隨時查察毋稍疏懈此令

檢發日人商租地畝用紙令

查本縣境內日本人民雜居漸見增多向我國人民商租地政之事在所多有若非實行訂立租契實不足以清糾葛而杜交涉查接管卷內存有日人商租用紙四十九張商租契紙五十張凡該國人民在境內向我國人民商租地畝者均應令其購領商租用紙再送本署換發契紙以資存證前任未將用紙令發殊屬遺漏合將此項用紙四十九張隨令發交該所長卽便查照辦理切切此令

飭查外國人佃地照章發給契約令

查外國人佃種地畝照章應由警區發給執照乃本縣竟久未實行各警區對於此事亦皆漠不關心殊

屬放棄職責茲由本署查照定式印發招佃契約二百張合亟令仰該所長遵即發交各警區立即照章實行並仰轉令各警官將招佃及商租各辦法編諭管界民戶周知嗣後如再發見私招外佃糾葛定爲該管區巡官是問該所長綜司警務對於所屬有監察之權責亦須認真督勵勿事放任是爲至要仍將辦理情形隨時具報切切此令

計發契約二百張

檢查韓民如有槍支須送縣註冊令

案查取締韓民辦法一案內列有槍韓民均令送縣註冊一條關係至爲緊要他如查填招佃契據亦爲杜漸防微之舉均經本署會行該所遵辦在案乃時逾兩旬迄未具報前來合亟令催仰該所長迅即查照先今令文分飭各區巡所妥速遵照辦理分別早報均勿延忽切切此令

飭警區傳諭各民戶不准私招韓佃令

案查本署前此刊發招佃韓僑執照一案係防杜中韓人民私相租佃致生交涉起見關係至爲重要應即分催各區所查填具報並令傳諭各該管民戶不准私招韓佃如敢故違准其送縣重罰嗣後如再發現私押糾葛情事則惟該管警官是問以專責成合行會仰該所長即便遵照辦理勿任玩泄切切此令

呈覆縣民招租韓人佃種田地並無典賣文

呈爲遼令查覆縣民田地均係招租韓人佃種尙無典賣情事仰祈

鑒核事業奉

鈞署令開查沿江一帶韓僑皆操農業所種稻田悉租自華民或典押者更有無知鄉愚偷賣田地於韓人之事合行令仰該知事即便遵照查明華民租押典賣韓人田地各有若干並將典押賣者一律分別勒令遵章抽贖買回毋稍隱諱致賠後患仰併具覆等因奉此遵查縣境內華人招致韓僑種地者共八十六戶計租出地共一千八百四十五畝二分均係租賃尙無私典盜賣情事惟從前並未照章實行招墾執照韓僑倚仗外勢動聽純葛經知事於上年冬查照通案在縣城印製招墾執照二百張令發各警區按照頒定辦法逐戶填給每張收工本費小洋一角共計填發八十六張契根繳縣查驗尙屬合法前此報告到任一年辦事情形概略暨呈覆飭查各項政務文內均經呈明有案茲奉前因飭屬覆查仍均相符除隨時督屬查察預防外理合具

文呈覆即請

鑒核施行

奉天東邊道尹公署指令

呈悉仰仍隨時查防以杜糾葛而期相安是爲至要此令

暇彙核糾謬補闕親手編輯風土調查報告一書內分歷史地理職官民治財賦教育宗教禮俗物產實業交通等類所有敘列事實及附陳意見皆係就輒論輝振筆直錄言詞蕪拙識見粗疏知所不免惟有仰乞

道尹 賦賜裁成詳加指示督所未逮再縣屬風氣固蔽對於鄉土之事事物物素乏攷究此項調查書類題長記載頗詳擬由縣刊印多份分發農工商學各界以爲研究鄉土及改良生產之資并即備作將來編纂縣志之據是否有當理合檢同報告書一份備文呈送恭請

鈞鑒訓示祇遵

計送報告書一份

奉天省長公署指令

據呈已悉查閱報告書記載詳明足見該知事留心考察殊堪嘉許應即由縣刊印多份分發農工商學各界以資研究并由該知事將實業教育各端實力提倡俾收成效一面仍隨時續行搜輯以備編纂縣志之用仰即遵照書存此令

奉天教育廳指令

早悉所送風土誌綱舉目張殊堪嘉尚仰即付印具報備查原書發還此令

奉天實業廳指令

呈悉查所編報告書搜記頗稱詳備足見該知事平素攷察不遺餘力深堪嘉許應准由縣刊印多份分發各界藉資研究並由該知事將關於實業各項實力倡辦俾收效果本廳有厚望焉此令書存奉天財政廳指令

呈暨報告書均悉該知事對於地方風土調查頗為詳備所陳意見亦不無可採言之非難行之維艱仰即分別逐漸施行以收實效報告書存此令

奉天東邊道尹公署指令

呈悉查閱報告書調查各項頗為詳明所加按語亦有見地具見留心治理良堪嘉許該知事於本境一切情形既已明了舉凡利弊應予分別興革仰即實力進行隨時呈報仍補呈省長及各廳長查核此令

呈勸業專使檢送輝南風土誌藉作實業報告文

呈爲邊送輝南風土誌藉作實業報告仰祈

鈞鑒事案奉

奉天實業廳令發

鈞使通告一件徵集實業報告等項仰見

振興實業採自輶軒之至意欽仰莫名伏查輝南地處邊陲物產豐富從事實業取材甚宏祇以風氣不